
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



Digitized by Google

R. 779.

erst man liest 10. 11.
2. 10. 11. 12. 13. 14.

contact plane

chat

637. f 14

3 3 a
LES FABLES
D'ESOPPE.

12
OU INSTRUCTIONS
MORALES ET POLITIQUES,
sur diuerses Fables, tirées tant
d'Esoppe, que des autres

Authcurs. M

Avec la Vie d'Esoppe mise de nouveau en
meilleur François qu'elle n'estoit par cy
deuant aux premieres Impressions.

En faueur de la Jeunesse.



A. R O U E N.

Chez CHARLES OSMONT, rue
aux Juifs, près le Palais.

M. D C. X X X.

Avec Privilege du Roy.



8.00



LE LIBRAIRE AU LECTEUR,

DEux principales raisons
m'ont incité, de mettre sur
la presse ce discours de la vie
d'Esopé, le profit que ie
peux attendre d'un liure qui doit estre
si general à tout le monde, & la crain-
te de la perte que ie pourrois faire, en
l'impression d'un œuvre imparfait de
la plus plaisante & importante piece,
de tout ce liure; ces Fables m'estans
tombées entre mains, & considerant
qu'elles seroient grandement utiles &

Le Libraire au Lecteur.

nécessaires au public , ie me suis plus-
tost resolu de les imprimer decette fa-
çon (maintenant qu'Esopé parle bon
François) qu'en vne langue que au-
jourd'huy on entend point , ou que
l'on ne veut point entendre : Il y auoit
ia long temps (comme c'est le deuoir
d'un Libraire de remarquer les matie-
res les meilleures pour la vente) que
i'auois enuie d'inciter quelque bonne
plume , d'entreprendre cét œuure : l'au-
teur de ces Fables , qui sont en suite
de la vie , l'a bien commencé , mais ses
occupations ordinaires l'on distrait de
la poursuite , le laissant imparfait de la
vie : Et me voyant engagé bien auant
en l'impression d'un liure qui seroit pe-
tit , & de peu de consequence , s'il n'y
auoit que les Fables seules , la nécessité
du liure que l'on me demandoit & la
crainte de perdre ce que i'y auois em-
ployé m'ont forcé de prier vn de mes

Le Libraire au Lecteur.

amis de le paracheuer : Ce n'est pas tout d'entendre la voix d'un homme parlant du public, le voyant ses raisons ont bien plus d'autorité & de force, sa parole se coule bien plus aisément dans nos oreilles lors que vous lirez en ce discours la vie d'Esopé, vous vous imaginerez quel estoit le personnage, sa stature, ses mœurs, sa doctrine, son esprit, sa malice, sa prudence.


Esopé de servile condition devenu libre, ayant tant de fois changé de maître, vient en fin se rendre entre vos mains : Non point pour estre employé aux œuvres serviles & manuelles, non pour interpreter les augures ny pour rechercher les mystères les plus cachez de la curieuse antiquité, mais pour servir de Pedagogue à la jeunesse de ce temps, reformer leurs mauvaises habitudes, puis par ses bons enseignemens & preceptes instruire ces Aiglons que vous nour-

Le Libraire au Lecteur.

rissiez leur faisant prendre le vol bien
auant dedans le Ciel de la Renommée.
Que s'il se trouue quelqu'un qui reiet-
tant cét œuvre comme puerille & in-
digne de son esprit le mesprise & n'en
tienne compte, ie le feray parler à Eso-
pe, qui luy dira ce qu'autrefois il dit
au Marchand qui l'achepta des mains
de Zenas : *Achapte moy & tu verras le
profit que ie t'apporteray*, puis apres
auoir contenté le Libraire de si peu,
qu'il vous vendra son liure, voyant ce
que vous pourrez apprendre par la le-
cture d'iceluy, vous direz non point
comme le Marchand, *Je n'ay rien achap-
té, ie n'ay rien debourcé*: mais i'ay trou-
ué vn thresor qui m'a cousté bien peu
de chose.



P R E F A C E.

 *L* est certain que les belles qualitez du corps ont un grand avantage , pour faire paroistre celles de l'esprit , attendu que les operations de l'Ame dependent aucunement des Organes : Mais on ne voit gueres en un mesme sabbiet toutes les conditions requises à la perfection d'une creature. Car tout ainsi qu'un bon Musicien , sçait accorder les tons graues avec les aigus , & les bas avec les hauts : La Nature compose une douce harmonie des biens & des maux , des perfections avec les deffauts. Car iamais selon Euripide , le bien n'est separé d'avec le mal, point de beau iour qui n'aye sa nuit , de corps qui n'aye ses ombres , ny de beau vi-

P R E F A C E.

sage qui n'aye ses taches. Nous ne ~~sc~~aurions
 produire un exemple de tous ceux que ja-
 mais les lettres ont fait triompher de l'ou-
 bly, ou l'on puisse remarquer plus claire-
 ment ce contrepois des graces de l'esprit avec
 les deffauts du corps, que le premier Au-
 theur de ce liure. Car il y a subiet de s'e-
 stonner que son esprit l'un des plus beaux
 que la nature ait produit, n'a esté retenu
 par les imperfections d'un corps monstrueux
 comme le sief, & les malheurs d'une
 naissance obscure, comme un diamant de-
 meure quelquesfois caché parmy les balieu-
 res. Il semble que la Nature ait pris plai-
 sir à brider les efforts d'une belle ame en
 la renfermant dans les cachats d'une pri-
 son si desagreable, ou plustost que tirant ad-
 vantage de ses manquemens, elle ait tasché
 par l'union de parties si disproportionnees
 faire paroistre la meilleure piece de son ou-
 urage d'une gloire toute sienne. Il n'est pas
 nouveau de voir des esprits bassus dans

Doncker

P R E F A C E.

Un corps bien adiuſté, comme des eſpées de
fer dans un fourreau de veloux, & bien
que celui-ci ſemble auoir mérité quelque
part en l'hiſtoire pour les inſignes défauts de
ſon corps, toutesfois l'antiquité en a produit
plusieurs ſemblables, comme un Therſite,
mais elle n'a point d'eſprit que nous puis-
ſions accompagner au ſien, que l'on vante
tant qu'on voudra les Apophtegmes des
Anciens, que la Grece face eſtat des ſenten-
ces de ces Sages, de la ſubtilité des Oracles:
Je ne croiray iamais qu'il y ait rien de com-
parable à cet ouurage, vous y voyez des
puiſſans mouuemens d'eſprit, ſans artifice
ny eſtude, des efforts que la liberté de ſon
eſprit faiſoit contre la ſeruitude, à laquelle
la Fortune auoit aſſubiecti ſa condition,
une vie toujours ſemblable à ſoy meſme,
& diſſemblable à tous, horsmis à ſon ou-
urage. Et partant une inuention admira-
ble de pratiquer les plus profonds ſecrets de
la Philoſophie morale, appriſe dans l'eſcho-

P R E F A C E.

le de la Nature. Car comme les Abeilles tirent du miel de plusieurs herbes ameres & contemptibles, desquelles nous ne sçavons point l'usage, de mesme cét esprit doüé d'une sagacité merueilleuse à l'industrie de tirer des moralitez excellentes de la Nature de toutes les especes, pour confire l'aspreté des autres sciences. Ceste maniere de Philosopher est des plus hautes & des plus pathetiques, d'autant que l'entendement humain est plus facilement esmeu par des obiects palpables, que par des ratiocinations abstraites & difficiles ou par l'exemple des choses immaterielles. Aristote l'a bien recogneu, quand il dit que la meilleure cognoissance vient des choses sensibles & externes, & qu'il n'y a rien dans l'intellect qui ne procede des sens extérieurs, par le moyen des especes intentionnelles: Aussi les Philosophes les plus estimez de l'antiquité ont suiuy ce genre d'escrire: Comme Pytagore qui par des Nombres, des Hie-

P R E F A C E.

*roglyphiques , des Figures & Metaphores
empruntees des choses vulgaires , à laissé
des mysteres incogneus. Et l'Escrature
saincte, qui est la plus parfaite Philosophie,
n'est elle pas parsemee de Paraboles & Si-
militudes ? n'employe elle pas comme cét
Authheur l'exemple des bestes pour redar-
guer la Vanité des hommes , ne renuoye
elle pas le paresseux à la fourmis , pour
apprendre la preuoyance , le Presumptueux
à la Colombe pour la simplicité , & l'Insen-
sé au Serpent pour estre instruit en la pru-
dence. Mais c'est assez d'auant-propos pour
un ouurage de cét estoffe , Car comme
le corps de l' Authheur n'a point esté suscep-
tible de parure & d'ornement , son esprit ne
veut autre visage que le naturel , qui se
fait assez recognoistre par l'histoire de sa
vie , & les traicts de son liure.*



LA VIE D'ESOPE.

*Du Pays d'Esopé, de sa première
condition, son industrie pour faire
preuve de son Innocence.*

C H A P. I.

Esope le plus imparfait, & le meilleur esprit de tous les hommes de son temps, selon la plupart des auteurs, qui en font mention fut natif d'une ville de Phrigie nommée Amorion la Grâde. Il avoit la teste aiguë, le nez plat, le col court, les lèvres grosses, le teint brun, la face bazannée & toute noire, & pour cette cause fut appelé Esopé, qui vaut autant à dire qu'Étiopien, le ventre luy pouffoit par devant, bossu par derrière, les pieds tors, surmontant peut estre le Thersite d'Homère en difformité. Il begayoit & avoit peine à parler, la voix cassée & malplaisante ne

La vie d'Esopé.

pouvant pas prononcer articulément, ce qui peut estre fut la cause de la servile condition. Son maistre croyant qu'il fust inutile à toute autre chose, l'employa au labourage de ses terres & pour cet effet l'envoya aux châps, là où il se mist à travailler de toutes ses forces, il ne se passa pas beaucoup de temps, que son Maistre desirât voir ce qu'auoient fait ses serviteurs s'y en alla, là où estant arriué vn laboureur du pays luy fit present d'un plat de tres belles figues, & admirant la beauté de ce fruit, voulut qu'elles luy fussent gardées pour les manger, lors qu'il seroit de retour des estuues, Agathopus l'un de ses serviteurs ayant la charge de cela, les serra dans la despence, Esopé y estant entré apres pour quelque affaire, Agathopus avec quelques autres serviteurs, se servant de l'occasion presente de manger les figues, comploterent par ensemble de ietter le chat aux iambes à Esopé, & qu'estant seul contre deux, les raisons qu'il pourroit apporter ne seroient pas plus fortes que les leur, veu mesme, disoient-ils, que n'ayant pas bien l'usage de la parole, il pouvoit aussi manquer de hardiesse. Ils se depeschent de manger les figues, & à chascun morceau disoient malheur sur

17
La vie d'Esopé.

toy pauvre Esopé; Le Seigneur reuenu d'un bain demâda ses figues, Agathopus feignant de les chercher & ne les trouuant pas, luy dit qu'Esopé estoit entré n'agueres & qu'il falloit qu'il les eust mangées. Le Maistre commanda qu'on le fist venir, & le voyant luy dist, viença malotru pourquoy as-tu esté si effronté & si peu respectueux enuers moy, que de manger ce fruiet qui m'auoit esté présenté par excellence? ne sçauois-tu pas bien que i'auois commandé à Agathopus qu'il me les gardast? le pauvre Esopé ne pouuant pas bien faire iouïr le ressort de sa langue, les autres cognoissant son déffaut de Nature, & ne luy donnant pas le loisir de se pouuoir iustifier, le Maistre desirant en tirer raison luy commande de se despoüiller, Esopé se iette à ses pieds & ioignant les mains qui faisant le deuoir de la lague, dōnerent à cognoistre à son Maistre qu'il demandoit quelque temps pour faire preuue de son innocence, le Maistre ne voulant pas chastier l'innocent pour le coupable, luy accorde, Esopé ne perd point le temps, prend de l'eau tiede qu'il beut, & mettant les doigts dedans sa bouche, pour faciliter le vomissement, reietta toute l'eau qu'il auoit aualee sans autre chose; &

La vie d'Esope.

présentât le gobelet aux autres, requist qu'ils en fissent le mesme, lesquels reculans iusques à ce que ils en eussent receu expres commandement de leur Maistre present à ceste action, ils en prindrent autant qu'auoit fait Esope, ils n'en eurent pas si tost fait, que (leur estomac ne pouuant receler vn tel larcin, ny estre complice d'vne telle meschanceté) les figes reuindrent à la premiere assignation. Le Maistre voyant vne telle impolture commanda qu'ils fussent chastiez selon leur demerite.

*Esope reçoit pour vn bien fait,
le don de bien parler.*

C H A P. I I.



Velques iours en apres, le Maistre satisfait de la fidelité d'Esope s'en retourne, laisse Esope occupé iournellement au labour, continuer son ouurage. Deux Pelerins Prestres de Diane, passant par là ne sçachant pas bien le chemin, le prierent au nom de Iupiter l'Hospitalier, de leur mon-
stres

19
La vie d'Esope.

strer le chemin qui les menast à la ville, il vous les fait seoir à l'ombre d'un arbre, & apres leur auoir appresté quelque chose de quoy se rafraeschir, les guida quelque espace de temps iusques à les mettre au droit chemin, eux voyant l'obligation qu'ils luy auoient pour vn tel bien fait, ne sçachant comme le remercier de sa courtoisie & charité, leuant les yeux au Ciel implorerent pour luy l'assistance Diuine, Esope reuenu, las du trauail, se reposant sur l'herbe à la fin se trouue espris de sommeil, la grande chaleur le conuiant à ce faire, en songeant il luy estoit aduis que la fortune luy deslioit la langue, & donnoit cours & facile mouuement à sa parole, se resueillant puis apres, & se trouuant tout autre qu'il n'estoit, & prononçant ce qu'il vouloit, parlant aussi bien, voire mieux que les autres, attribua ce benefice comme receu de la part de Iupiter.

b

La Vie d'Esopé.

De la vendition d'Esopé.

C H A P. I I I.

ZEnas surintendant des affaires de la maison, vint voir le travail des seruiteurs & apperceuant vn qui à son gré trauailloit assez lentement, le mal traicta & de coups & de paroles, voyant Esopé que c'estoit contre toute raison, luy dit qu'il auoit tort de les frapper tous de la sorte, & que quand son Maistre viendrait il luy en feroit le recit. Zenas l'oyant ainsi parler, disoit: si cestuy-ci conte l'affaire au Maistre le premier, mon cas va mal, il est besoin que ie le preuiène, il s'achemine pour venir en la ville trouuer son Maistre, qui le voyant venir luy demande la cause tout estonné de le voir; Zenas luy dit, ce qui m'amene en ceste ville, est vne chose merueilleuse & monstrueuse arriuée à vostre maison, (comment luy dit le Seigneur) est-ce quelque arbre qui a porté son fruit auant la saison, ou quelque beste qui a conçu contre Nature, non dit Zenas: Mais Esopé qui de muet qu'il estoit, est à présent le mieux & le plus mal parlant du monde,

La vie d'Esope.

vous ne sçauriez vous imaginer les iniures qu'il m'a contées, ce qu'il dit de mal de vous, les blasphemes qu'il vomit contre les Dieux: Le Seigneur tout fasché d'onyr ceste nouveauté, luy dit: Je te donne desormais Esope, fay ce que tu voudras de luy: Zenas, s'en va, rapporte à Esope, qu'il auoit droict & puissance sur luy, lequel sans s'en estonner d'auantage luy dit, fay de moy à ta volonté. Vn marchand peu de tēps apres, passant par là & cherchāt de village en autre du bestail pour acheter, s'adresse à Zenas, luy demande s'il n'auoit rien à luy vendre, lequel respond qu'il n'auoit qu'un esclau masle à vendre: Le marchand voulut le voir, le voyant venir commença à rire à gorge desployée, luy disant: ou as-tu pris ce pot, est-ce vn tronc d'arbre ou vn homme, si ce n'estoit l'vsage qu'il a de la parole, ie dirois: que se seroit vne cruche enflée, pourquoy m'as tu destourbé pour voir ce bel oyseau, & disant cela passoit outre, Esope le suiuant, le crie, le marchand tourne visage, & dit à Esope, va t'en d'icy, chien contretait, Esope luy demande eneor, pour quel suiet es-tu icy venu? le Marchand luy respond, ie suis icy venu pour faire emplaite & acheter quelque chose de bon, mais ie n'ay que

b. 2.

La vie d'Esopé.

faire de toy parce que tu me serois inutile : Esopé luy replique , achete moy, si tu me crois, car ie te puis aider en beaucoup de chose, & suis pour te rendre de grands seruices. En quelle sorte me pourrois-tu seruir ? dit le Marchand, tout le monde tasche à se deffaire de toy, Si tu as à ta maison des enfans veruards, pleurans à chasque minute , fay moy leur Pedagogue, ie te promets que m'ayant vne fois enuisé, ils s'appaiseront incontinent, le Marchand persuadé & se soufriant, dit à Zénas : combien vendras-tu ce porte malheur ? Zénas luy dit que trois oboles, le Marchand les luy conta, disant: ie n'ay rien achapté, ie n'ay rien despendu, ils se mettent en chemin par ensemble, & estant venus au logis, il ne fut pas plustost aduisé de deux petits enfans qui estoient encor à la mammelle, que saisis de peur qu'ils auoient d'Esopé, se mirent à pleurer : alors Esopé dit au Marchand, vois-tu maintenant que ce que ie t'ay dit est veritable ? le marchand se riant, luy dit : va donner le bon iour & faire cognoissance avec tes compagnons, qui le voyant ainsi contrefait se disoient l'un à l'autre, que leur Maistre auoit esté trompé de leur auoir achapté vn camarade si laid & difforme, qui

La vie d'Esopé.

ne pourroit seruir que de contrecharme à
sa maison.

*Esopé choisit le plus pesant fardeau,
lequel à la fin se trouue le
plus leger.*

C H A P. I I I I.

EL fallut quelque temps apres, que
le Marchand pour quelque affaire
qu'il auoit, fist vn voyage en Asie,
il donna ordre pour son depart,
distribuant à vn chacun ce qu'il deuoit por-
ter, chacun fait sa basle & s'equipe le mieux
qu'il peut. Esopé impetre de ses cōpagnons
le plus leger fardeau, qui luy est accordé, les
autres estoient d'aduis que ce nouveau venu
ne portast rien, mais voyant n'estre pas rai-
sonnable estre seul seruiteur inutile, voulut
auoir pareillement sa part à la charge : ses
Camarades luy donnent le choix, & apres
les auoir maniez & considerees les vns apres
les autres, il choisit vn panier dans lequel
estoit la prouision de bouche, lequel estoit
de beaucoup plus pesant que les autres far-

b 3

La vie d'Esope.

deux, ils commencent à le gaber, & de se
puter comme vn fol, ayant demandé le plus
leger, & choilissant le plus lourd, toutesfois
pour luy complaire ils le chargent sur ses es-
paules, lequel ayant vn peu plus que sa por-
tee alloit chancelant, tantost d'vn costé, tan-
tost d'autre: Le Maistre le considerant, luy
dist: Esope a desia gagné son argent, puis
qu'il est si prompt au trauail, il portera ce qu'vn
cheual deuroit porter, ils arriuerent vn logis
à la disnee, il distribua à chacun la portion
du pain par le commandement de son Mai-
stre, par ce moyen son panier demeurant à
demy vuide, alloit deuant & plus viste que
les autres, au souper il demeura entierement
deschargé tout a fait vuide, de sorte que ses
compagnons qui auparauant se mocquoient
de luy, l'estimerent comme vn homme de
sens & d'esprit, iugeant bien qu'en l'esle-
ction des fardeaux il auoit plus iudicieuse-
ment choisi que les autres.

La vie d'Esopè.

La seconde vendition d'Esopè.

C H A P. V.

LE Marchand arriué en la ville d'Ephese, vendit vne bonne partie des seruiteurs qu'il auoit emmenez avec luy, il ne luy resta que ces trois: le Grammairien, le Chantre & Esopè, il passa en l'Isle de Samos par conseil de l'un de ses amis, où il les fit vestir de neuf, & en ceste sorte il les exposa en vente en plein marché: mais pource qu'à Esopè l'on ne pouuoit faire d'habits à son propre pour estre trop mal basti, il le reuestit d'un sac & le mit au milieu des deux autres, ceux qui iettoient les yeux sur Esopè se prenoient à rire & le brocaroient en passant, luy au contraire les regardoit assésurement, Xantus Philosophe & bourgeois de Samos, se trouua au marché admirant l'inuention du marchand; qui auoit placé le hideux & contrefait entre les deux beaux jeunes hommes bien dispos, gaillards, & de bonne taille, afin que la laideur de celuy du milieu donast lustre aux deux autres, s'approcha d'eux, demanda au

La vie d'Esopè

Chantre quel estoit son pays , il respondit qu'il estoit de Capadoce, que sçais-tu donc faire? il luy respond , qu'il sçauoit faire toutes choses, Esopè ne se peut tenir de rire oyant cela, monstrant ses dents mal arrengees, les Disciples de Xantus le tenoient pour vn monstre, l'un d'eux voulant sçauoir l'occasion pourquoy il auoit rit , il renuoya bien loin celuy qui luy osa faire vne telle demande, luy disant : retire toy d'icy brebis de mer, Xantus demande au marchand le prix du Chantre, & ayant entendu qu'il cousteroit mille oboles, estonné de si grande somme s'en alla à l'autre, & luy demanda de quel pays il estoit, lequel respondit qu'il estoit Lydien, & s'enquistant ce qu'il sçauoit faire il luy fait pareille responce que le premier, qu'il sçauoit faire toutes choses, Esopè se mit aussi tost à rire : l'un des Disciples curieux de sçauoir la cause, luy vouloit demander pourquoy il auoit rit ; l'autre luy dit : si tu veux estre appelle bon marin tu le feras : Xantus demande le prix du Grammairien, le marchand luy fit trois mille oboles, le Philosophe estonné d'un prix si excessif, laisse son marchand & s'en va, les Escoliers le suivent : luy demandent si ces seruiteurs

La vie d'Esope.

n'estoient pas à son gré, il leur dit qu'il n'auoit pas enuie d'achapter des seruiteurs si precieux, l'un d'iceux luy dit, il n'y a aucune loy qui deffende d'achapter le difforme, c'est celuy peut estre qui vous rendra plus de seruice que les autres, achaptez-le nous le payerons, ce ne seroit pas la raison, que i'emportasse la marchandise & que vous la payassiez, ma femme n'auroit peut estre pas agreable, le seruice d'un homme si difforme, à cela ils respondirent qu'un homme n'estoit pas sage qui se laissoit gouverner par vne femme, demandons luy premierement à quoy il serapropre, deuant que parler du marché, & s'adressant à Esope il luy dit, esiouy toy? Esope luy respondit, comment, ie n'estois pas fâché, le Philosophe estonné de cette soudaine responce, luy demanda qu'est-ce que tu es? à cela Esope, ie suis noir, lors Xantus luy dit, ie te demande d'où tu es nay? Esope, du ventre de ma mere, ie veux dire en quel pays tu naquis? alors Esope, ma mere ne m'a pas dit si ce fust en haut ou en bas. Xantus de rechef, mais encores que sçais-tu faire? Rien, parce que mes compagnons faisant tout, ne m'ont rien laissé de reste. Les Escoliers approuuans la responce, dirent: la diuine pro-

La vie d'Esopé.


vidence il a bien respondu, il n'y a aucun qui
sçache tout faire, & c'est la cause pourquoy
il a rit. Xantus, veux-tu que ie t'achapte? fai-
tes ce que vous voudrez, personne ne vous
force: Xantus luy demande as-tu volonté
d'estre homme de bien? si ie t'achapte, &
encor que vous ne m'achaptiez point, ie ne
laisseray pas de l'estre: Xantus luy dit, &
quand ie t'auray achapté, tu t'en voudras fuir?
quand ie me feray proposé de le faire, ie n'en
prendray pas votre aduis, lors qu'un petit
oyseau trouue quelque endroit par ou sortir
de sa cage ou il est enfermé, ne demande pas
congé à son maître de s'en aller: tu as raison,
mais tu es bien difforme? A quoy respondit
Esopé, O Philosophe! il faut considerer l'e-
sprit & non la face, quand vous achaptez du
vin si apres l'auoir gousté il vous semble bon,
vous ne prenez pas tant garde à la beauté des
futaillies comme à la bonté du vin. Lors Xan-
tus dit au Marchand; & bien combien vend
tu ce mal fait icy? le Marchand dit, tu n'es
icy que pour mespriser ma marchandise,
achaptes l'un de ces deux, & tu auras celuy
cy par dessus, Xantus luy dit ie n'en veux
point d'autre: le Marchand d'ic luy dit prenez
le donc pour soixante obols, les Esopéens

La vie d'Esope.

luy conterent de l'argent, & de ceste sorte Esope changea de main, les peagers qui n'estoient pas loin, s'enquerant qui l'auoit achapré; & qui l'auoit vendu, chacun de honte se taisant pour le bas prix; Esope s'escria voyci le vendeur, voyci l'achapteur, que si si tous deux se taisent, ie suis affranchy: les Peagers contents, prenant plaisir à cecy, donnerent gratuitement, ce que de droit leur deuoit payer le Philosophe Xantus.

Xantus presente Esope à sa femme.

C H A P I T R E V I.

 Oila doncques Esope en la possession de Xantus, lequel s'en va avec luy en sa maison; il prist enuie à Xantus de faire de l'eau, & retirant sa robe pissoit en marchant, ce qu'apperceuant Esope, le tirant par sa robe luy dit: vendez-moy promptement, ou ie m'enfuiray: Xantus luy demande, le suiet: parce que ie ne vous pourrois pas seruir, respond-il: Car si vous, mon Maistre, qui n'estes point suiet à reprehensio d'auoir trop tardé, cōme vn seruiteur, & qui pouuez faire ce

La vie d'Esopé.

que bon vous semble, vous ne donnez point relasche à Nature, comme excuserez vous vn pauvre garçon comme moy, quand vous m'enuoyerez à quelque affaire pressée & de consequence, si par cas fortuit Nature en chemin me contraindroit de faire le semblable, ce me seroit force de chier en volant ou dedans mes chausses: Xantus luy dit, ie fay cela pour euitier trois maux, si ie me fusse tant soit peu arresté, le Soleil m'eust brulé la teste, en apres la terre eschauffée m'eust brulé les pieds, finalement l'odeur vehemente de l'vrine montant au cerueau me l'eust offensé, ie suis satisfait dit Esopé de vostre responce. Xantus proche de son logis comanda qu'Esopé n'entrast pas tout à coup, n'estant pas raisonnable de presenter deuant sa femme qui estoit delicate, qui aimoit la propriété & la gentillesse, le plus contrefait des hommes: ainsi entrant dit à sa femme vous ne me reprocherez plus maintenant le seruice que me font vos chambrières, car ie vous amene vn esclau masle, que ie vous ay achapté le plus gaillard & gentil qui soit en toute la contrée, il est icy deuant la porte du logis: les seruantes tenant les paroles de leur Maistre pour chose veritable, s'entrequerel-

La vie d'Esope.

loient de ialousie qu'ils auoient pour ce nouveau seruiteur, la femme de Xantus en voulut auoir vne veuë, vne des seruantes plus hastée que l'autre, estimant que cela luy seruiroit de quelque chose pour s'acquérir les graces de ce seruiteur nouveau venu, accourt à la porte l'appelle, laquelle le voyant luy dit, est-ce toy qu'on appelle Esope? Ouy, certes ce fist il, la seruante luy dit, n'entre pas plus auant dedans la maison, car te voyant ils s'enfuiront tous, l'autre seruante vint en apres, qui luy dit quand tu entreras que ce soit le visage couuert, & n'approche nullement de moy. Il entra d'oc, & apres que sa Maistresse l'eust enuifagé, elle tourna sa face en arriere, disant: d'où auez vous amené ce monstre, ostez-le, de deuant moy. Il semble Monsieur que vous voulez auoir vne autre femme que moy, que ne me voulant pas dire bonnement declarer que ie me retire, vous m'auiez achapté vn monstre, qui ressemble plustost à vne teste de chien qu'à vn homme, donnez moy mon doüaire & l'argent de mon mariage, & ie me retireray chez mes parens. Xantus creuoit de despit, qu'Esope qui par le chemin luy auoit si faceticusemēt parlé de son vrine, maintenant qu'il en estoit de besoin, ne respondoit rien à

La vie d'Esopé.

La femme : Esopé luy dit, iettez là dans vn precipice: Xantus luy dit, ie te feray bien parler d'autre façon, infame que tu es : Je luy porte autant & plus d'affection qu'à moy mesme, Esopé lors frappant du pied contre terre dit à haute voix, Xantus Philosophe se laisse gouverner par sa femme : Puis s'adressant à la Maistresse luy dit, ie crois Madame que ce seroit tout vostre desir, de voir aupres de vous vn mignon de seruiteur, que vous auroit achapté mon Maistre, qui fust dispos, gaillard & de bonne grace: vous contempler toute nuë dedans vn bain, s'esbatre avec vous au grand deshonneur, & en despit des argumens de vostre mary. Que tu as bien dit Euripides ! l'impetuosité des vagues salées de la mer est grande, l'ardeur du feu est vehemente, c'est vne chose dure & difficile à supporter que la pauvreté, ceste vie est pleine de miseres & d'aduersitez, mais chose qui soit plus difficile à supporter que la mauuaise humeur d'une femme, il n'y en a point. C'est pourquoy, Madame, il ne vous seroit pas bien ieant de souhaitter, le service de ceux qui par leurs belles actions & gentilleses, ternissant la reputation de vostre Philosophe, pourroient à iamais faire vne bresche

La vie d'Esopé.

irreparable à vostre honneur. La Dame ne sceut que respondre à ces paroles, & se tournât vers son mary, luy demàda ou est-ce que vous avez pris ce babillard ? ce contrefait, me semble estre plaisant & facetieux. Je veux faire appointment avec luy, & Xantus luy dit, Esopé ? ta Maistresse se veut raccorder avec toy, Esopé en se-mocquant luy respond, c'est vne chose de grande entreprise que d'appaiser vne femme, & Xantus luy dit, tais toy donc desormais ? Car ie t'ay achapté pour servir, & non point contredire.

La responce d'Esopé au Iardinier.

C H A P. V I I.

VN iour apres Xantus s'en alla en vn Iardin pour achapter des herbes, ayant Esopé en sa compagnie, le Iardinier fait amàs des herbes qu'il demandoit & les luy apporte, Xantus ouvrant sa bourse pour les payer. Le Iardinier luy dit, qu'il ne vouloit point d'autre payemēt que la solution d'une question qu'il luy feroit. Pourquoi est-ce que les herbes,

La vie d'Esope.

lesquelles plantées en saison, encor que ie les
cultiue soigneusement & avec bien de la
peine, ne viennent point si bien ny en telle
perfection que les autres que la terre produit
de son bon gré, sans estre cultiuée, & neant-
moins croissent plustost que les autres. Xātus
quoy que ce fut vne question de Philosophie,
ne sceut dire autre chose, que cela comme les
autres choses estoient gouvernees par la
prouidence Diuine: Esope oyant ceste res-
ponce assez impertinente sortir de la bou-
che d'un Philosophe se prist à rire, son Mai-
stre s'en formalisant, luy dit: ris tu Esope
ou si tu te mocques? Le me mocque, luy res-
pond-il, non pas de vous, mais de celuy qui
vous a si mal enseigné, car les Sages doiuent
rendre raison de ce qui est gouverné par la
prouidence Diuine, mets moy en ta place
& ie luy refoudray sa question. Parquoy
Xantus, retournant vers ce iardinier luy dit:
ce n'est pas à vn homme comme moy, em-
ployé iournellement dans les accademies à
disputer des matieres les plus releues, &
à desmesler les secrets les plus cachez de la
Philosophie, à venir maintenant dans vn
iardin decider vne difficulté de iardinier de
peu de consequence: Mon garçon te donnera

conten-

La vie d'Esopé.

contêtement de ta demande si tu la luy propose, ce drosle pourroit-il nous dire quelque chose de bon? dit le Jardinier, Esopé luy respond quand vne vefue ayant des enfans de son premier mari, se remarie en secondes nopces à vn homme qui à pareillement des enfans de sa premiere femme, elle est vraye mere des enfans qu'elle a emmenez, & marastre de ceux de son nouveau mary, elle traicte les siens vn peu plus soigneusement que ceux qui ne luy sont rien que par emprunt, elle arrache le plus souvent la nourriture de la bouche des autres pour la donner à ses propres enfans, elle affectionne naturellement ceux qui sont sortis de ses flancs: & haïssant les enfans de son nouveau mari les reietre comme estrangers: ainsi en est-il de la terre laquelle étant vraye & naturelle mere, de ce qu'elle pousse & engendre de son bon gré & marastre de ce que tu plantes, nourrit & entretient bien mieux ce qui est legitime-ment sien, que nō pas les herbes que tu plantes, lesquelles comme bastardes ont plus de peine à croistre & deuiennent plus malaisément: Le Jardinier satisfait & tout ioyeux, luy respond: tu m'as releté d'vne grande peine, prend ces herbes & t'en va, & quand

La vie d'Esope.

tu en auras affaire d'oresnauant, dispose de ce iardin comme si c'estoit à toy.

*De la lentille cuite & des cinq pieds de
porceau, trouuez dedans
le pot.*

C H A P. V I I I.

XAntus quelque temps apres s'en alla aux esauues avec Esope, & trouuant là quelques vns de ses amis, commanda à Esope de retourner au logis pour faire cuire de vne lentille, Esope s'en va, met cuire avec l'eau vne seule lentille dedans vn pot, Xantus prie ses amis de venir disner de ce qu'il y auroit d'appresté chez luy, protestant que c'estoit plustost l'affection qu'il auoit en leur endroit que pour l'excellence du disner, car il n'auoit que de la lentille, & qui falloit plustost faire iugement de la fidelité d'un ami par la bonne volonté que par la quantité & qualité des viandes. Xantus hors du bain, dit à Esope apporte nous à boire, Esope incontinent print de l'eau du bain & leur en apporta: Xantus infecté de ceste

La Vie d'Esope.

puantEUR luy dit, qu'est-ce que tu nous ap-
porte icy ? c'est du bain respond Esope, ainsi
que vous me l'avez commandé : Xantus ne
voulant pas donner à cōgnoistre à la compa-
gnie qu'il estoit fasché fit semblant de rien, il
cōmanda à Esope d'apporter le bassin, Esope
court querir le bassin, demeurant là planté
debout. Xantus luy dit, ne donnes-tu point à
lauer ? à quoy. respondit Esope, il faut que ie
face ce que vous me cōmandez : vous ne m'a-
vez point dit mets de l'eau au bassin, laue mes
pieds, apporte mes pātouffes, vous ne m'avez
rien dit de cela. Xantus mal content, se tour-
nant devers ses amis leur dit : Je n'ay point
achapté vn seruiteur mais bien vn maistre,
ils s'affirent à table ; Xantus demanda si la
lentille estoit cuite, Esope tirant avec la cui-
ller le grain de lentille la luy apporta : Xantus
prenant ce grain, pour faire essay s'il estoit
cuit ou non, le froissant avec ses doigts dit,
elle est assez cuite, apporte là : Esope lors
ne vuidoit rien dedans les escuelles que l'eau
toute pure & en distribuoit à chacun, &
Xantus dit, où est la lentille ? Esope luy
respond, ie vous l'ay apportée : n'as-tu cuit
qu'un seul grain ? non certes, car vous m'avez
dit que ie fisse cuire vne lentille en singulier,

La Vie d'Esope.

& non pas des lentilles en plurier. Xantus donc mal content, des algarades d'Esope, de peur de dōner suiet à ses hostes de se plaindre, dit : va donc porte malheur que tu es, m'achapter 4. pieds de pourceau, & les met promptement cuire, & nous les apporte. Esope court, fait promptement ce qu'il luy est enchargé : Xantus fasché des tours qu'Esope luy iouoit iournellement voulant trouuer iuste occasion de le battre, lors qu'il estoit le plus occupé, luy tire le plus secretement qu'il peut vn des pieds du pot & le cacha : Esope visitant son pot, ne trouuant que trois pieds, se doute de la mal façon, de peur d'estre surpris, court à l'estable coupe le pied à vn pourceau qu'on engraissoit, le met cuire dedans le pot avec les autres. Xantus craignant que le larcin du pied de porc ne donnast occasion à Esope de s'enfuir, le remit dedans le pot, & en apres le versant dedans le plat : Xantus en conta cinq, & dit, qu'est ceci Esope, il y en a cinq? Esope luy demande, combien de pieds ont deux pourceaux ? huit dit, Xantus : Esope, il y en a donc icy cinq, & le porc qu'on engraisse là bas en a trois : Xantus fasché dit, ne vous auois-ie pas bien dit que ce malheureux me feroit troubler :

La vie d'Esopé.

lors Esopé dit, il n'y peut auoir d'erreur, Monsieur, car ce qui est de trop en l'addition est de moins en la soubstraction : Xantus ne trouuant encor occasion de le battre, se teut.

*Du present fait à la bien aimée
de Xantus.*

C H A P. I X.

XAntus conuié de se trouuer en vn banquet de l'vn de ses escoliers, mit à part quelques morceaux de viande de la plus delicate qu'il peust choisir, les donne à Esopé, qui estoit tout proche de luy, luy disant porte ceci à ma bien aimée : Esopé les prend, les porte, & en chemin il ruminait à part soy : i'ay maintenant occasion de me venger de ma Maistresse, qui quand i'estois nouveau venu sans cesse me brocaroit, & par cela l'on pourra voir si elle a de l'amitié pour mon Maistre : il arriue au logis luy montrant les viandes qu'il apportoit, & luy dit : Madame, mon Maistre m'enuoye porter ceci non pas à vous, mais à sa bien aimée, il appel-

La vie d'Esopé.

le la chiene , luy baille morceau à morceau toute la viande , luy disant : tien mignonne , vien ma petite , mange les viandes que mon Maistre t'enuoye , cela fait il s'en retourne : son Maistre luy demande s'il auoit tout donné à sa bien aimée , il dit : ouy , elle a tout mangé en ma presence , qu'à elle dit en mangeant ? elle ne m'a rien dit , respond Esopé : mais à part soy elle vous remercioit ; La femme de Xantus irritée de ce que son mari aimoit mieux vne chiene , que sa propre femme , eut recours à l'ordinaire des femmes , aux pleurs , entre dans sa chambre apres mille imprecations , elle proteste ne vouloir plus viure désormais , ni demeurer en sa compagnie . Apres que chacun eust bien beu , les questions marchoiēt aussi dru que les verres d'un costé & d'autre , l'un d'entre eux demanda quant est-ce qu'il y aura de grands troubles & dissensions entre les hommes ? Esopé qui estoit proche de luy , respōd : quand les morts ressusciteront , ils demanderont ce qu'ils possedoient en terre , cette responce fit rire les escoliers , qui dirent cē nouveau serui-
teur à un esprit subtil : & un autre proposa .
Quelle est la cause pourquoy la brebis que l'on mene à la boucherie ne fait point de

La vie d'Esopé.

bruit, & le pourceau gronde incessamment, pource dit Esopé, que l'on a de coustume de traire le laiçt à la brebis & de luy tondre la laine dessus le dos : quand on la prend par les pieds elle ne soupçonne rien de mal, quelque fer quelle voye, il luy semble qu'elle ne doit rien endurer que ce qu'elle a accoustumé : quand à la truye elle n'est ni tiree ni tonduë, & on n'a point de coustume de la trainer à choses semblables, & sçachant bien que sur soy elle n'a rien de bon que sa chair, elle mene grand bruit : ceste responce apporta du contentement & de la recreation aux assistants qui donnerent force louanges au bel esprit d'Esopé.

Xantus de retour en sa maison croyant carresser sa femme en la belle humeur qu'il estoit, s'approche d'elle : sa femme luy dit ~~n'~~approchez pas de moy, donnez ce qu'il me faut pour mon douaire, que ie me retire d'où ie suis venuë, allez allez flater vostre chienne que vous avez si bien traictée. Xantus bien estonné de ces propos, pensa incontinent qu'Esopé estoit meslé en cét affaire : il s'adresse à sa femme, mon cœur, luy dit-il, avez vous point aussi bien haussé le gobelet que moy ? à qui ay-ie enuoyé les viandes

La vie d'Esope.

sinon à vous ? par Iupiter vous ne me les
auez point enuoyez, mais à vostre chienne:
l'on fait venir Esope auquel Xantus deman-
de, à qui as-tu présenté ce que ie t'auois don-
né? Esope dit à vostre bien aimée: Xantus
demâde à sa femme, femme n'auez-vous rien
receu? rien, dit-elle, & Esope dit, à qui m'auez
vous commâdé de faire le présent? à ma bien
aimée dit Xantus, & Esope ayant fait venir
la chienne, ceste-ci, dit-il, vous aime bien:
vostre femme encor que vous la teniez pour
la meilleure du môde, pour vn rien elle se dé-
pite, se tourmête, elle iniurie, elle a tousiours
vn pied leué pour s'en aller: mais frappez vo-
stre chienne tant que vous voudrez, iettez
là dehors de la maison, elle ne s'en ira pas
pour cela, ains mettant en oubli toutes les
iniures & menaces, reuiendra vous faire la
feste & remuant la queue se ioüera avec vous
comme auparauât. Lors Xantus dit à sa fem-
me, vous voyez maintenant qu'encor n'y a
point de ma faute, mais bien de celuy qui la
apportée? elle ne print point ceste excuse en
payement: elle troussa bagage, & se retira
chez ses parens: lors Esope dit à son Maître,
ne vous auois-ie pas bié dit que vostre chien-
ne vous aimoit mieux que vostre femme?

La vie d'Esop.

Esopé fait retourner la femme de Xantus.

C H A P. X.

XAntus bien affligé de la malicieuse obstination de sa femme, enuoye quelques vns de ses amis, pour tascher par prieres & douces paroles de la ramener à la raison, mais elle ni vouloit entendre: Esopé s'adresse à luy, luy disant: ne vous affligez pas d'auantage, Monsieur, Je trouueray bien l'inuention de la faire reuenir biē prôptement de son bon gré: Esopé prend de l'argent, s'en va au marché, fait prouision de chapons, léuraux, perdrix, beccasses, & autres telles choses necessaires pour vn banquet, va de porte en porte, demandant quelque chose à achapter: passant par le logis des parens de sa Maistresse, demande s'il n'auroient rien à vendre pour faire vn festin, il parle à vn seruiteur du logis, qui luy demande qui estoit celuy qui faisoit le festin, il respond: que c'estoit pour les nopces du Philosophe Xantus, qui se remarioit demain, le seruiteur prom-

La vie d'Esopè.

ptement rapporte ce qu'il auoit entendu à la femme de Xantus, laquelle toute esmeuë se haste de reuenir à la maison de Xantus, elle luy parle luy dist que tant qu'elle viuroit, il n'en auroit pas d'autre, & de ceste sorte par l'inuention d'Esopè elle reuint en la maison de Xantus, tout ainsi que par sa malice elle en estoit sortie.

De quelles viandes Esopè traicte les hostes de Xantus.

C H A P. X I.

XAntus desirant à son tour traicter quelques vns de ses amis, donna de l'argent à Esopè, avec charge d'achapter tout ce qu'il trouueroit de bon & d'excellent, il s'appreste & en chemin disoit à part soy : le veux monstrier à mon Maistre comme il ne faut point commander mal à propos, il fait emplaite de langues, en met rostir quelques vnes, les presente sur la table : les Disciples admiroient l'inuention d'Esopè, de leur auoir baillé pour entree de table vne viande tellement propre à des Philosophes, comme

La vie d'Esopo.

Instrument seruant à parler, & à bien s'expliquer, le second seruice ce fut de langues bouïllies, car quoy qu'ils demandassent autres viandes, il ne leur seruoit que des langues accommodées en diuerses façons: Les Disciples voyant tant de plats de langues, dirent: n'as-tu que des langues à nous apporter? à force de manger des langues, nous nous sommes escorchez les nostres: Xantus, se montant de colere, luy dit: viença malheureux auorton, ne t'auois-ie pas commandé d'apporter tout ce que tu trouuerois de bon & d'excellent? ie suis, dit Esopo, bien aise de ce que vous me reprenez en la presence de tant de Philosophes, lesquels i'appelle à tesmoins si ce que ie dis n'est veritable. Y a-il chose en ce monde meilleure, & plus excellente que la langue, la langue n'est elle pas l'inuentrice des arts? sans la langue nous n'aurions maintenant parmi nous tant de braues hommes qui excellent en toutes sortes de sciences? par la langue on enseigne les plus cachez secrets de la Philosophie; par elle nous donnons; par icelle nous receuons, voulez vous persuader la paix à vn peuple animé l'un contre l'autre, embarrassé en des dissensions ciuiles, il faut que ce soit par le

La vie d'Esopé.

moyen de l'éloquence, la langue est le principal ressort de l'éloquence, par la langue on se saluë les vns les autres, l'on accouple par la langue les hommes & les femmes par vn lien indissoluble d'un legitime mariage: Par elle on establit des Monarchies, on bastit des Villes, on fait des Loix pour tenir en bride vn peuple libertin: Bref, par la langue toute sorte de société humaine est entretenüe, ie conclus donc qu'il n'y a rien de meilleur que la langue: Les Disciples approuuerent le dire d'Esopé & donnerent le tort à Xantus.

Le lendemain les Disciples en la compagnie de Xantus, tomberent en propos des langues qu'Esopé leur auoit apportées le iour d' auparauant: Xantus disant que la malice de son seruiteur en estoit la cause, au iourd'huy ie parleray à luy en vostre presence. Xantus donc appella Esopé, luy commandant d'apporter toutes choses mauuaises & de nulle valeur: Esopé s'en va au marché & achapte encor des langues, apres qu'il les eust accommodez les seruit sur table, les conuiez mal contens de tant de langues murmuroient sourdement, Esopé leur apportepour le second & troisiéme seruice encor des langues: Xantus, ne pouuant plus

La Vie d'Esopé.

sapporter cela. Qu'est-ce cy, dit-il, t'ay-ie dit à present que tu nous achaptasse toutes choses bonnes, ne t'ay-ie pas enchargé que tu achaptasse tout ce que tu trouuerois de mauuais ? Esopé respond, Qui a-il de pire que la langue ? combien voyez vous par elle de Royaumes bouleuersez, de Villes saccagées & entierement destruites : combien de meurtres, d'attentas, de guets à pents, d'assassinats : combien de filles violées, combien de sacrileges commis, n'est-elle pas l'instrument des mensonges, des sermens, des maledictions, vne parole mal entendue, vn equivoque, vn faux rapport n'apportera-il pas du desordre, & de la dissention à vn mesnage : combien de mariages ont esté rompus pour vn entendu dire, vn seul mot fera amasser vn tas de peuple, vn autre luy fera employer le fer l'vn contre l'autre, entre gens d'un mesme pays & d'un mesme sang, c'est de là d'où procede quelquefois la totale ruine d'un Royaume, en vn mot la langue est le motif & la cause de tous les malheurs du monde. Esopé ayant fini : L'un des Disciples dit à Xantus cet homme icy est pour te faire enragier, car il a l'esprit autant malin qu'il a le corps imparfait, auquel Eso-

La vie d'Esope.

pe respondit, vous estes ce me semble bien mal appris & par trop curieux de vouloir irriter le Maistre contre le seruiteur.

Esope amene vn homme sans soucy à son Maistre.

C H A P. X I I.

XAntus cherchant occasion de pouuoit chastier Esope, luy dit: tu as appellé ce mien amy curieux, meschant que tu es: trouue moy vn homme aujourd'huy qui soit sans curioſité & soucy, Le lendemain doncques Esope estant en la place pour quelque affaire, regardant deçà delà vit vn payſan que ià long temps estoit assis en vn certain lieu, lequel à son iugement luy sembloit estre simple & sans soucy, & s'approchant de luy: luy dit, bon homme, mō Maistre te veut aujourd'huy traiter, le payſan ne s'informant de rien autre chose, suit Esope, qui le mene droit au logis de Xantus, il se met à table avec ses ſouliers ōrds & sales: Xantus demāda, qui est cestuy-ci, c'est l'homme sans soucy, dit Esope, Xantus dit à l'oreille de sa femme, fai-

La vie d'Esopé.

tes ce que ie diray, ie vous prie, afin que ie trouue iuste occasion de bien battre Esopé, puis apres dist à haute voix à sa femme, mettez de l'eau au bassin & l'auez les pieds de nostre hôte, Xâsus pensoit que le payfan ne le deüst iamaïs permettre, & par ce moyen auroit raison de chastier Esopé : La Dame execute le commandement de son mary, l'auel les pieds de son hôte, le villageois pensoit à part soy, si la Maistresse du logis (encor qu'elle puisse laisser cela à faire à ses seruantes) me veut tant honorer que de ses propres mains me lauer les pieds, ie n'ay que faire de m'en soucier, il presente ses pieds : La Dame les luy laue & se va seoir à table, Xantus commande que l'on luy donne à boire, le payfan disoit à part soy, il est raisonnable qu'ils soiēt seruis les premiers (puis qu'ils sōt Maistres du logis) mais puis qu'ils le veulent ainsi, ie ne m'en dois pas formaliser d'auantage? le villageois mangeoit d'un bon appetit : Xantus donne le tort à son cuisinier d'auoir mal appareillé cette viande, pour cela luy fait despoüiller la robbe pour le bien frotter : Le payfan voyant que teste viande estoit bien cuite & bien accommodee, disoit à part soy : Si le Maistre veut chastier son ser-

La vie d'Esopè.

niteur , qu'y feray-ie : Xantus cependant estant au bout de ses finesses estoit marry de ce que son hoste manquoit ainsi de curiosité. On apporte de la pasticerie, ce payfan manioit ces pieces de four, que peut estre iamaïs n'en auoit-il gousté , & les emmunteloit ainsi que du pain, Xantus dit à son pasticier tout en colere pourquoy n'as-tu point mis, meschant que tu es, du poyure & du miel en ceste tarte, le pasticier respond : si la' tarte n'est cuite comme il faut donnez m'en le blasme, si elle n'est bien assaisonnée prenez vous en à ma Maistresse : Le vous assure, dit Xantus que si ma femme à fait cela qu'elle sera bruslée toute viue, il fit derechef signe à sa femme qu'elle eust patience, il se fait apporter du bois pour faire vn bucher & y fait mettre le feu, feignant y vouloir ietter sa femme toute viue : il regarde en face le payfan s'il ne se leueroit point de sa place, pour l'arrester, lequel disoit à part soy il n'a pas de raison de vouloir ainsi brusler sa femme, elle n'a pas merité le feu, puis s'adressant à Xantus, luy dit : Si vous pensez, Monsieur, qu'il soit raisonnable de ce faire, attendez moy vn peu iusques à tant que ie sois retourné de ma maison, querir ma femme afin que vous les brusliez

La Vie d'Esopé.

brusliez toutes deux ensemble. Xantus l'oyant parler de la sorte, & voyant sa franchise naturelle, dist: voyci vn homme vraiment sans souey, pour recompense & guerdon de ta victoire, ie t'affranchiray bien tost & te mettray en pleine liberté.

La responce d'Esopé au Preteur, & le rapport qu'il fist à son Maistre, de ceux qui estoient aux estuues.

C H A P. X I I I.

XAntus desirant s'estuer, enuoya (deuant que d'y aller) Esopé, voir s'il y auoit beaucoup de personnes aux estuues, il fait rencontre en chemin du Preteur, lequel cognoissant Esopé pour appartenir à Xantus, l'arreste, s'enquiert de luy ou il alloit, Esopé passant outre, respond qu'il ne sçauoit, le Preteur s'imaginant que par mespris ou par mocquerie il luy auoit ainsi respondu, le fait traïner en prison: Esopé lors se tournant vers le Preteur luy dit, ne voyez vous pas maintenant, ô Preteur la verité de

d

La vie d'Esope.

ma responce, ie ne pensois pas aller là où on me mene par force, ie n'auois garde de res- pondre que i'allois en prison, ne sçachant pas si ie deuois faire rencontre en chemin de vostre personne: le Preteur estonné d'une responce si soudaine, luy donne la liberté. Esope arriué aux estuues, y apperçoit vne grande multitude de gens entrer & sortir chopant tous l'un apres l'autre à vne pierre qui estoit au beau milieu du passage: vn seul homme l'apperceuant, la prend la met autre part. Esope de retour vers son Maistre, luy rapporte qu'il n'auoit veu aux estuues qu'un seul homme: Xantus s'appreste pour y aller, y estant arriué dit à Esope, qu'est ce- cy Esope, ne m'as-tu pas dit que tu n'auois veu qu'un homme? ouy dit Esope: i'ay trou- ué cette pierre (la monstrant au doigt) à l'entrée à laquelle tous allans & venans heur- toient: mais vn seul homme de tous ceux que vous voyez là, l'ostant de sa place la mi- se ailleurs, auant que d'y chopper comme les autres: c'est pourquoy ie n'ay veu que cét homme seul, les autres estant des bestes en comparaison de cestuy-ci. Xantus alors dit: Il n'y a rien à quoy Esope ne face res- ponce.

Esope respond aux demandes de Xantus:

*Xantus s'oblige de boire toute l'eau
de la mer.*

C H A P . X I I I .

XAntus reuenant de sa garderobbe demanda à Esope, la raison pourquoy les hommes regardoient leur excrement apres qu'ils auoient esté au siege ? Esope luy respond, c'est qu'au temps passé vn homme viuant tres delicieusement prenoit plaisir d'estre long temps au retrait, de sorte que les entrailles en fin luy sortirent hors du ventre, les autres craignâs que pareille chose ne leur arriuaist, ont du depuis tousiours cōtinué à regarder l'ordure de leur ventre: mais vous n'auiez que faire, Monsieur, de regarder à cela, de peur de perdre vostre cœur, car puis que n'en auez point, vous ne le sçauriez perdre.

Xantus vn iour à table en compagnie de Philosophes, ayant vn peu plus haussé le goblet que de coustume ; Esope le voyant en cét estat s'engager en des matieres, que bien sage, il eust eu biē de la peine à les demesler ;

La vie d'Esopé.

dit à son Maistre : Monsieur, Bacchus ne va jamais sans ces trois choses ; il chasse l'humeur melancolique de l'homme, le rendant guay & iouial : Secondement il l'endort & l'enyure , en troisiéme lieu luy trouble le sens , le rend sans iugement & incapable de raison: Vous qui auez desia assez beu, cela vous serue maintenât d'aduertissement. Xantus desia yure luy dit, va t'en porte-malheur à tous les diables avec tes aduis.

Vn des Disciples voyant que Xantus en auoit plus que sa charge, luy dit: Y a-il quelqu'un, Monsieur, qui se voudroit vanter de boire toute la mer, ie me fais fort de cela, dit Xantus : ie la boiray , & mettray en cas que ie ne le face ma maison en depest : l'autre mettant chose à l'encontre de mesme valeur pour confirmation des paches de leur gageure baillerent leurs anneaux. Le lendemain matin Xantus se leue, s'habille, se lauuant la face, s'apperçoit de la märke de son anneau: demanda à Esopé s'il ne l'auoit point veu, Esopé luy respond: qu'il ne sçauoit ou il estoit, & qu'il sçauoit seulement qu'il n'auoit plus de droict à sa maison : Xantus demande la cause, Esopé luy respond: hier quand vous estiez à table le verre à la main , vous vous

La vie d'Esopé.

estes obligé de boire la mer, en foy dequoy vous avez baillé vostre anneau en gage: Xantus pensant à part foy, disoit: y a-il chose au monde qui me soit plus precieuse que ma foy? Le te prie maintenant Esopé, que par ton moyen ie puisse sortir honnestement de cette gageure, si ton esprit te suggere quelque bon expedient, ou quelque subterfuge declare le moy, & que ne manquant point de parole, les conditions de nostre accord soient declarées nulles.

En ce qui concerne l'accomplissement de vostre promesse, respond Esopé: c'est chose qui ne se peut faire, l'ay vn bon expedient pour rendre vostre gageure de nul effect, quand d'óc vous vous trouuerez au iourd'huy ensemble: Ne faites aucune demonstration d'auoir peur, mais dites hardiment de sens rassis ce que vous avez accordé hier, tout yure que vous estiez: Faites vous apporter vne table avec son equipage au bord de la mer, que vos seruiteurs vous presentent dedans des vaisseaux de l'eau de mer à boire, quand vous verrez tout le peuple assemblé pour se trouuer à ce nouveau miracle, vous prédrez en main vn des vaisseaux plein d'eau salée, & le monstrant aux assistans vous de-

La vie d'Esopé.

manderez à celuy cōtre qui vous auez gagé, Quelles sont nos conuentions? il vous respondra que vous auez gagé de boire la mer, puis vous tournant vers les assistans, leurs direz en ces termes: Vous sçanez hommes de Samos, qu'il y a plusieurs grosses riuieres qui se vont rendre dedans la mer, ie me suis soumis de boire la mer, non pas les riuieres qui se deschargent dedans: que cēt Escolier destourne les riuieres & les empesche d'y entrer, lors ie boiray la mer entiere. Voila Xantus bien aise, lequel voyant que c'estoit là le nœud de l'affaire, & que ceste ruse luy seruiroit deschapatoire, pour se desuelopper de cēt accord, il conuoque tout le peuple au bord de la mer, lequel curieux de voir l'issuë de cette nouueauté s'y trouua en assez bon nombre. Apres auoir proposé ce qu'Esopé luy auoit enchargé de dire, les assistans tous estonnez luy donnerent d'un commun accord force loüanges avec acclamation generale. L'escolier se venant rendre aux pieds de Xantus, se confessa vaincu, priant Xantus de vouloir cōsentir la rupture de cēt accord, ce que luy acorda Xantus, à la requeste du peuple present à ceste action.

La vie d'Esope.

De l'ingratitude de Xantus.

C H A P. X V.

X Antus retourne à sa maison, Esope desirant battre le fer lors qu'il est chaud, trouue l'occasion de parler à luy, & luy dit : Monsieur, ie vous ay rendu beaucoup de bons seruices, du depuis que ie suis avec vous, ie vous ay toute ma vie fait plaisir, ay-ie pas bien merité d'estre affranchy? Xantus le repoussant rudement en arriere, le renuoya bien loin, luy disant : n'ay-ie pas bonne volonté de t'affranchir? fors & te tien hors la porte, & si tu vois deux corneilles vié me le dire, s'il y en a deux ce sera bon signe, s'il n'y en a qu'une ce sera mauuais augure: Esope sort, & voit deux corneilles perchées sur vn arbre, retourne le dire à son Maistre: Xantus sort & cependant qu'il sortoit vne des corneilles s'enuola & n'en voyant qu'une dit, ne m'as-tu pas dit, garnement que tu es, que tu en auois veu deux : ouy respond Esope, mais cependant que ie vous suis allé querir vne des deux à pris le vol : lors Xantus

La vie d'Esope.

(en colere de ce qu'il pensoit qu'Esope se mocquoit de luy) ordonna que l'on luy donnast les estriuieres : Cependant qu'on le battoit, vn homme de la part du Preuost vint prier Xantus de souper. Alors Esope dist en lamentant le malheur est bien auiourd'huy pour moy , i'ay veu deux corneilles & ie suis fustigé , & vous qui n'en auez veu qu'une vous allez faire bonne chere , ie vous dis d'oc pour ceste cause l'augure n'est pas veritable: Xantus recognoissât la viuacité de l'esprit du personnage, commanda qu'on le laissast.

Esope descouure les fesses de la Maistresse.

C H A P. X V I.

XAntus quelque temps apres enuoya conuier ses Disciples, donnant la charge à Esope d'y pouruoir , d'apprester toutes choses necessaires pour le festin: Esope alla au marché , fait venir toutes sortes de viandes à cet effect requises, les decharge en la salle ou par hazard sa Maistresse dormoit, il falloir qu'il vint & allast ça & là où il estoit

La vie d'Esopé.

de besoin , il tira sa Maistresse par la robe , luy disant : Madame , il vous plaira prendre garde à ceste viande que ie viens d'apporter , de peur que (quand ie seray sorti hors de la salle pour donner ordre au reste) les chiens n'en emportent quelque piece : va (dit-elle) ou tu voudras & ne te soucies de tes viandes i'ay des yeux aux fesses : Esopé retourné en la salle apperçoit sa Maistresse le dos tourné vers la table , dormir mieux qu'auparauant , se ressouuenant de ce qu'elle luy auoit dit qu'elle auoit des yeux au derriere , luy descouure les fesses tout bellement , sans luy rompre son repos : Xantus entre dans la salle avec les escoliers , & voyant sa femme en ceste posture , appelle Esopé pour sçauoir la cause , il respond : l'ay deschargé les viandes que i'auois apportees dessus la table de la salle , l'ay prié ma Maistresse quelle y eust vn peu de temps l'œil iusques à ce que ie fusse reuenu , de peur qu'il ne se trouuast manque de quelque piece de chair , elle toute endormie me respond que ces fesses auoient des yeux , & ie les luy ay descouuertes : malheureux luy dit Xantus , pour le respect de mes amis qui sont icy presens , ie te pardonne pour ceste heure , mais ie te promets

La vie d'Esopé.

bien que tu passeras quelque iour par mes
mains.

*Esopé ne laisse entrer qu'un seul de tous
ceux qui estoient invitez.*

C H A P. X V I I.

X Antus se delibera vn iour de vouloit
traicter les principaux Orateurs Phi-
losophes de la ville, il les pria tous de
diner, il commande expressément à Esopé
de se tenir à la porte, & de ne laisser entrer
aucune personne horsmis les Philosophes, &
gens de lettres: Vn des conuiez frappa à la
porte, Esopé respond: luy demandant, que
remuë le chien? l'autre tout en colere s'ima-
ginant que l'on l'auoit appellé chien, s'en va
mal content: Les autres y arriuent aussi, les-
quels oyant Esopé parler de la façon, s'en
retournent murmurât des iniures qu'ils pen-
soient leur estre dites: vn entre les autres
heurte, Esopé luy demande ainsi qu'aux au-
tres que remuë le chien, l'autre respond la
queuë & les oreilles: Esopé iugeant ceste
responce n'estre pas d'un ignorant luy ouure

La vie d'Esope.

La porte, le mene à son Maistre, luy disant: Monseigneur, il n'est venu que cestuy-ci de Philosophie à vostre banquet: Xantus en fut desplaisant, croyant que c'estoit en mespris de la personne que ce qu'ils en auoient fait: le lendemain Xantus se trouua en l'Academie: ceux que le iour auparauant il auoit priez de festiner luy reprochent qu'il n'auoit pas d'enuie de les traiter, puis qu'il auoit mis à la porte ce contrefait d'Esope, pour les iniurier les appellant chiens: Xantus fasché de ces reproches appelle Esope, luy demande raison de ce qu'il auoit ainsi chassé ses amis avec iniures, Esope respond: vous m'avez commandé de ne faire entrer aucun homme lourdaut & grossier en vostre maison, mais seulement les Philosophes & gens de sçauoir: lors Xantus luy demande, & quelles gens sont ceux icy, ne sont-ils pas gens de lettres? nullement, respond Esope: Car apres qu'ils eurent heurté, Je leur demanday à chacun d'eux: Que remuë le chien? n'entendant rien à ce langage & croyant estre iniurié s'en alloient ainsi que des bestes: De tous ie n'en ay fait entrer qu'un seul qui est cestuy-ci: qui m'a respondu categoriquement à ma demande, alors tous

La Vie d'Esope.

d'un commun consentement approuverent
ce qu'Esope auoit fait.

Du Thresor trouué & de l'ingratitude de Xantus.

C H A P. XVIII.

VN iour Xantus prenant Esope avec
soy s'en alla voir les sepulchres, &
prenoit plaisir à lire les Epitaphes
& inscriptions qui estoient dessus les tom-
beaux d'un chacun. Esope apperceoit ces let-
tres Grecques, A. B. G. Δ. Ε. Θ. Χ. graues en
vne pierre, les mōstre à son Maistre, & luy en
demanda la signification: Xantus apres auoir
quelque temps pensé à part soy, n'en sceut
trouuer l'interpretation; Esope luy dit:
Monsieur, que me donneriez vous de recom-
pense, si ie vous fais auoir vn thresor qui est
en quelque part caché autour de ce pillier:
Xantus luy respond, tu te peux fier en moy,
tu recevras ta liberté & la moitié du thresor:
Esope à quatre pas du pillier ouurant la terre
trouua le thresor & le porta à Xantus, luy
disant: donnez moy ce que vous m'avez pro-

La vie d'Esope.

inis, voyci le thresor que ie vous apporte, & Xantus luy respond, ie n'en feray rien, si tu ne me dones à entendre ce que signifient ces lettres : car i'estime bien plus le sens caché en ses lettres que le thresor trouué, Esope luy respond: celuy qui a caché ce thresor en terre est vn homme de sçauoir, qui a fait grauer ces lettres, qui veulent dire : α, ἀποδος, β, βασιλεῖ, γ, Διονυσίῳ, δ, δῶν, ε, ἑγες, ς, Διςαυρὸν, ζ, χρυσίον. C'est à dire, tu trouueras en reculant 4. pas de ce pillier vn thresor d'or. Xantus luy dit en se mocquant, ie n'ay pas enuie de me deffaire d'un seruiteur qui trouue si bien les thresors enseuelis en terre, à cause de la viuacité & subtilité de ton esprit ie ne te donneray pas ta liberté, Esope alors luy dit: ie vous monstre- ray doncques que ce thresor ne vous appartient pas, mais au Roy de Constantinople, pour lequel il a esté caché en ce lieu : Xantus luy demande comment le sçais-tu ? ces mesmes lettres le disent : α, ἀποδος, β, βασιλεῖ, γ, Διονυσίῳ, δ, δῶν, ε, ἑγες, ς, Διςαυρὸν, ζ, χρυσίον. C'est à dire, Rend au Roy Dionysius le thresor d'or que tu as trouué : Xantus voyant que c'estoit le thresor du Roy, dit à Esope : tu en auras la moitié du thresor, à la charge que tu tiēdras cela secret, & que personne n'en orra

La Vie d'Esopè.

parler? Esope luy respond, si vous m'en faites part de la moitié ce n'est pas vous qui me le donnez, mais celuy-là mesme qui a caché le thresor : ayez vn peu attention à ce que veulent dire ces lettres : α, ἀνελόμενοι, β, βαδίζοντες, γ, διέλεσθε, δ, οὐ, ε, ἔνρετε, ς, οἰσσεύσθε, ζ, χερσίν. c'est à dire, diuisez entre vous esgalement le thresor d'or que vous auez trouué.

Xantus luy réplique, il ne feroit pas à propos de faire cela icy, portons-le au logis nous le partirons à loilir, & là ie donneray ordre de te mettre en liberté, ils n'y furent pas si tost arriuez que Xantus se deffiant d'Esope, craignant que par son langage l'affaire ne vint à estre descouuerte, il le fust mettre aussi tost prisonnier, & comme l'on le menoit en prison, Esope disoit à haute voix: est-ce ainsi que les Philosophes tiennent leurs promesses? vous ne vous contentez pas de ne me donner pas la liberté que vous m'avez promise: mais qui pis est, en recompense vous me faites trainer en prison par force? Xantus luy dit, si tu estois vne fois en pleine liberté, tu m'accuserois & porterois tesmoignage contre moy, ce neantmoins il commanda qu'il fust relasché: lors Esope voyant que son Maistre luy manquoit de promesse,

La vie d'Esopé.

Il luy auoit tant de fois reïterée de le vouloir affranchir, luy dit : vous avez beau me tourmenter & me malfaire, c'est temps perdu à vous de tant reculer & esquiuer, vos intentions & subterfuges ne pourront iamais empêcher qu'auant qu'il soit peu de temps à despit de vous, ie ne sois affranchy.

L'affranchissement d'Esopé.

C H A P. X I X.

LOrs qu'en la Ville de Samos on célébroit publiquement vne feste solennelle, il arriva vn merueilleux prodige. Vn Aigle volant vint fondre tout à coup au milieu de la ville, lequel arrachât l'Anneau public, l'emporta en l'air & le ietta finalement au sein d'vn cerf : les habitans de Samos, estonnez d'vn si estrange euenement, & ne pouuant quasi que s'imaginer d'vn cas si prodigieux : vn chacun forgeant des explications à sa fantasie, s'assemblerent tous pour aller prier en corps le Philosophe Xantus, qui tenoit rang du premier bourgeois de Samos, de leur donner l'explication d'vn si estrange

La vie d'Esopè.

cas ; Xantus surpris demanda du temps pour y penser , preuoyant qu'il auroit bien de la peine de donner raison à vne populace de ce fascheux enigme , qui le tenoit tant en teste , & que peut estre ne seroit pas à leur contentement. Pour ceste cause de retour en son logis , se trauailloit en vain l'esprit & la peine qu'il prenoit le rendoit tout chagrin & melancolique, voyant qu'il ne pouuoit auoir aucun esclarcissement de cét accident : Esopè le voyant tout triste & pensif , luy demande la cause , luy disant : qu'elle chose Monsieur, vous est elle arriüée qui vous rend tellement chagrin qu'à force d'y songer , vous semblez estre quasi hors de vous mesme ? Remettez sur moy ie vous prie vostre affaire, ie vous promets de m'en acquitter si bien que cela vous tournera en honneur & loüange. Demain iour termé de donner vostre responce, quant vous serez arriüé en la place vous ferez entendre aux bourgeois de Samos, attendans vostre responce, que vous n'avez iamais appris à deuiner, & que ne sçauiez pas ce que c'est de donner interpretation des prodiges ny des choses accidentelles ; mais que vous avez vn seruiteur chez vous , qui se cognoist en beaucoup de choses & qui peut estre

La vie d'Esopé.

estre en quelque façon pourra contenter leur curiosité, si ie leur donne raison de leur affaire, vous aurez l'honneur d'auoir en vostre seruice vn tel homme qui sçait, cognoist & peut donner raison des accidens, qui marquent les choses futures qui sont cachées au reste des hommes. Xantus ne preuoyant pas à quoy Esopé visoit, se laisse facilement seduire & emporter : par telles & autres raisons qu'il luy allegua, il se trouue le lendemain en l'Hostel de la ville, & y trouuant quantité de monde qui là l'attendoit, leur proposa ce qu'Esopé luy auoit conseillé, & leur parla en ceste sorte.

« Beaucoup de personnes d'entre vous
« (Messieurs de Samos) penseront sans dou-
« te qu'vn homme que le sçauoir esleue, &
« fait paroistre par dessus le reste des bour-
« geois d'vne ville, doieue sçauoir toutes cho-
« ses, & rendre raison de tout ce qu'on luy
« propose. Lors qu'il luy arriue quelque cho-
« se d'extraordinaire (comme cét accident
« qui est arriué en vostre ville) celuy-là à qui
« vous avez recours à peut estre autant
« besoin d'instruction & d'esclaircissement
« comme vn chacun de vous, & vous le for-
« cez de vous declarer vne chose qu'il n'en-

La vie d'Esop.

“ tend point, & dont il n'en eut iamais co-
“ gnoissance. Et encor que la Philosophie
“ soit vne science des choses diuines & hu-
“ maines, on ne doit pas de là inferer qu'un
“ sage puisse rendre raison generally de
“ toutes choses diuines & humaines; elle a
“ bien cette propriété de rendre le naturel
“ de l'homme plus humain & docile luy fai-
“ sant perdre cette ferocité naturelle, luy
“ baille en main la bride de ses passions, &
“ luy donne entrée vne entière cognoissance
“ de soy-mesme, elle apporte quant & soy
“ vne science de la nature des choses celestes
“ & terrestres, vne instruction du culte di-
“ uin, luy fait en fin ouurir les yeux, & le
“ conduit au chemin de la verité: mais en
“ ce qui concerne de deuiner les augures, &
“ interpreter les prodiges, elle n'y fut iamais
“ sçauante. Aussi ce n'est pas à moy que vous
“ deuez auoir recours, pour auoir lumiere
“ de ce que vous desirez. Si vous auez quel-
“ que difficulté à me proposer touchât la na-
“ ture des Dieux, ie vous en donneray toute
“ la satisfactiō qu'il me sera possible: vn gar-
“ çon que i'ay en mon seruice, (lequel i'ay
“ esprouué en beaucoup de telles occurren-
“ ces estre diuinement inspiré) vous donne-

La vie d'Esope

“ ça peut estre declaration de ce que vous
“ prétendez , & vous releuera de la peine ou
“ vous estes.

Il n'eust pas plustost acheué que tous ensemble , prièrent Xantus de faire comparoistre Esope , lequel venu se tenoit debout au milieu de l'assemblée. Les Samiens considerant sa laideur & mauuaise façon , se moquant de sa stature , disoient entre eux , que pouuons nous esperer de bon de ce faux visage : il faut qu'il nous apporte toutes choses diuines , puis que son corps n'a rien de semblable à l'homme , & qui ressent en rien son humanité , de quel pays viennent ces fouches parlantes : les autres respondoient on nous l'a emmené icy pour iouer quelque farce , pour donner du passetemps au peuple : par telles & semblables paroles , ils blasmoient celui qui seul d'entre tous leur sceut predire ce qu'un iour arriueroit de leur liberté. Esope estendant la main , signe du silence qu'il requeroit , leur parla en cette sorte : Quelle est la cause , Messieurs de Samos , que vous m'auuez en derision , vous vous moquez de mon visage hideux & cōtrefait , la nature me pouuoit faire naistre avec vne beauté de corps , pareil à vn chacun de vous , mais elle en

La vie d'Esopé.

à disposé autrement, & m'a donné peut estre en recompense de ma defformité des avantages en l'esprit que vous n'avez pas, & ne cognoissez pas encore, il ne vous est pas bien feant de ietter des brocards à la trauersé, à vn homme de qui vous espérez cognoistre la source, la cause, & l'issüe de vostre maladie, & qui par ses bons aduis vous peut apporter vn souuerain remede : vous n'avez pas tant égard à la beauté & à la forme extérieure des bouteilles faites avec beaucoup de curiosité par vne main ouüriere, comme à la bonté & delicateffe du vin entonné dedans. Aussi ne deuez vous pas considerant l'homme à la face, faire vn temeraire iugement de sa personne, puis qu'il arriue souuent que sous vne laide figure, la nature place vn entendement tout a fait diuin, qui supplée au deffaut de ce qu'il luy a donné de manque en son corps. Apres qu'il eust achené, ils luy dirent: tu peux parler maintenant Esopé, si tu as quelque chose à dire pour le bien de ceste République : Lors Esopé reprenant son halaine dist, Messieurs de Samos, la fortune de tout temps meslée avec les dissensions, aujourd'huy propose vn prix excellent de gloire, au Maître & au seruiteur : Si le seruiteur est sur-

La vie d'Esopé.

monté par le Maistre, il court risque, d'estre bien battu par son Maistre, que si au contraire le Maistre est vaincu par le seruiteur, de despit & de colere il sera pareillemēt chastié, de ceste sorte de quelque costé que la chance tourne, le Maistre s'attribuant tousiours le droit, le seruiteur aura tousiours le tort: ce seroit deroger à vostre qualité, qu'un esclau qui n'a rien à soy que sa parole, parlast en presence de tant de braues & nobles citoyens de cette ville: si vous me faites ce bien que de me faire mettre en pleine liberté, ie vous diray franchement & sans crainte, ce que ie pense de la verité de vostre prodige, qui vous a esté iusques à present occulte: lors tout le peuple tout d'une voix prie Xantus, de vouloir affranchir Esopé: lequel pressé tant par les prieres & acclamations du peuple, que par l'instance que luy fait le Preteur, remist la liberté d'Esopé aux Samiens, malgré qu'il en eust: Aussi tost apres un trompette de la ville profera ces mots, ce faisant ouyr de tout le monde, le Philosophe Xantus donne la liberté d'Esopé aux Samiens: de ceste façon, ce qu'Esopé auoit predict quelque temps auparauant, sur un refus que luy fit le Philosophe Xantus, que malgré luy il luy donne-

La vie d'Esope.

toit sa liberté, se trouua estre veritable: Esope donc en liberté au milieu du peuple, dist: Vous sçauiez, Messieurs, que l'Aigle est le Roy des oyseaux, lequel rauissant l'anneau du Preteur, la laissé cheoir au sein d'un esclave: cela vous presage qu'un puissant Roy, de ceux qui sont maintenant vians en terre, doit bien tost venir avec main forte, pour opprimer & rair vostre liberté: & que cassant & annullant toutes vos loix, se rendra Maistre de vostre ville, aura droit sur vos biens & sur vos vies, vous faisant tributaires à son Empire.

Cette sinistre interpretation, apporta à Esope avec la liberté autant de gloire & de reputation, qu'aux habitans de Samos d'aprehension & de fascherie.



C R O E S U S V E U T
conquerir l'Isle de Samos.

C H A P. X X.

BIen tost apres les Samiens receurent commandement du Roy Lydie Crœsus, ou de luy payer tribut annuel, tel qu'il leur voudroit imposer, ou que faire de ce faire, ils s'attendoient d'auoir la guerre: C'estoit ce qu'ils apprehendoient le plus, que de venir en sa puissance. Voyant que l'inclination de la pluspart d'entr'eux panchoit plustost du costé de la paix que d'auoir la guerre sur les bras, de crainte qu'ils auoient de la puissance de Crœsus: aimoient mieux subir le ioug, que de vaine force repousser courageusement l'effort de celuy qui vouloit enuahir leur pays; ils se delibererent pour ceste cause d'en communiquer à Esopé, lequel leur dit: Puis que les principaux & les plus apparens d'entre vous, ont opiné & trouuent bon que l'on doiue payer le tribut

La vie d'Esopè.

au Roy Croesus , à quoy vous peut seruir mon aduis , nonobstant en peu de paroles ie vous diray , ce qu'il vous est expedient de faire.

La fortune nous monstre qu'en cette vie, il y a deux chemins, celui qui tend à liberté l'entree en est fort difficile à tenir, raboteuse, pleine de mauuais pas, & de perils: l'issüe toutesfois en est belle, plaisante & delicieuse: l'autre qui va rendre à seruitude, de premier abord est facile, grande, spacieuse au commencement: mais tout au rebours, la fin en est penible & ennuyeuse, pleine d'he-las & de repentis. Les Samiens virent que cette parabole s'adressoit à eux, animez par les remonstrances d'Esopè, se resolurent tous de mourir plustost mille fois pour la defence de la liberté de leur pays, que de se sousmettre, & si laschement s'assubiettir à aucune puissance estrangere: ils renuoyerent les Ambassadeurs sans rien determiner, lesquels de retour en Lydie, rendent conte au Roy de leur legation, ils luy dirent: qu'apres qu'ils furent arriuez en Samos, ils auoient en pleine audience, fait recit de ce qui les menoit en leur ville: qu'ils auoient trouué les principaux de la ville irresolus, en balan-

La vie d'Esope.

es de ce qu'ils deuoient faire, & que sans vn petit bout d'homme, qui par vne raison qu'il leur allegua, leur fit changer à tous vnanimement d'opinion, ils se deliberoient plustost de prester le col, que de souffrir la guerre en leur pays. Croesus voyant que la peau du Renard n'auoit de rien serui en ceste affaire, voulut employer celle du Lyon: le peu de conte que l'on auoit fait de ses Ambassadeurs, l'animerent encor d'auantage à vouloir emporter de force ce que les persuasions de ses agents n'auoient peu obtenir, il se delibere au plustost d'entrer avec main forte, & de prendre à quelque prix que ce fust l'Isle de Samos, mais entendant par la bouche de ses Ambassadeurs, que l'entreprise en estoit tres difficile la fin incertaine, & qu'il auroit bien du trauail à venir à bout d'un peuple si bien conseillé, leur enuoya des Ambassadeurs pour leur demander Esope, leur faisant offre de la paix s'ils le luy enuoyoiēt, tant il estoit desireux de voir celuy qui par vne seule raison auoit rassuré vn peuple intimidé de l'ombrage de sa puissance, & qui luy auoit rompu son coup de cōquester vn si beau pays rendant son dessain vain & inutile. Les Ambassadeurs arriuez en Samos demādent Eso-

La vie d'Esope.

pe, au nom du Roy, les Samiens pout se deliurer du danger eminent qui les menaçoit, accordent de leur liurer Esope, ce que voyant Esope au milieu de l'assemblée leur parla ainsi : Il ne me sçauroit arriuer plus grand honneur, Messieurs, & ie n'estime pas en peu de chose d'estre choisi entre tant de personnes, pour comparoistre deuant la grandeur de Croesus : mais auant que ie parte, ie vous diray qu'un iour les Loups recommencerent la guerre contre les Brebis, les chiens qui estoient du party des brebis les deffendoient à belles dents, si bien que les Loups preuoyans qu'ils n'y gagneroient que des bleffures, enuoyerent des Ambassadeurs vers les Brebis, leur proposant que si, pour oster tout soupçon d'inimitié, ils vouloient condescendre de leur liurer les Chiens, ils les laisseroient d'oresnauant viure en paix : les Brebis au euglez de leurs belles remonstrances, leur baillerent les chiens leurs gardiens, qui aussi tost furent deschirez en piéces à belles dents par les Loups, & puis apres se ietterent sur les brebis, & les deuorerent l'un apres l'autre, destituez de tout secours : Les Samiens prenant à bon droit, pour eux l'application de cette Fable, vouloient se desdire

La vie d'Esope.

& tetenir Esope : mais n'y voulant nullement consentir s'embarqua en la compagnie del' Ambassadeur du Roy Croesus.

Du depart d'Esope, & de son arriuee en Lydie, rapporte aux Samiens les nouvelles de la liberte de leur ville.

C H A P. X X I.

ESope arriue en Lydie, le Roy voyant vn petit homme si malfair, le regardât d'vn œil coléré, luy dit: regardez vn peu cét auortô qui m'a empesché de cōquerir vne si grāde Isle: Esope selon la coustume du pais l'ayant salué, luy respond: Tres puiſſant Roy, ie ne suis point icy venu vers vous par force, par contrainte, ny par necessité: c'est de mon plein & entier mouuement, permettez moy de vous dire quelque chose. Vn homme s'amuſoit à prendre des fautérelles pour les tuer, il prist aussi vne Cygale avec, & la voulant pareillement tuer: la Cygale le prie de ne la tuer point sans ſuiet, ie suis vne petite crea-

La vie d'Esope.

ture innocente , ie n'endommage point les bleds des hommes, ie ne fais tort à personne, au contraire ie rends vn son plaisant & harmonieux de mes aïsses, & ie dōne aux passans du contentement, & n'ay pour toute chose que la seule voix : l'homme voyant que c'estoit la verité, luy donne la liberté & la vie: tout ainsi en est-il de moy, Sire, ie vous demande la vie prosterné à vos pieds, ne me tuez point sans iuste cause, ie ne suis point pour faire mal, ny endommager aucun : au contraire ie suis vtile à beaucoup de personnes, leur donnant de bons & profitables aduis, sortans de cette teste: Le Roy oyant Esope raisonner de la sorte, luy dit : ce n'est pas moy Esope, mais la Diuine prouidence qui t'a sauué la vie : Demande moy donc ce que tu voudras, & ie te le donneray : Esope alors luy demande qu'il pleust à sa Maïesté de faire appointment avec les Samiens, ce que le Roy luy accorda : Esope se iettant à ses pieds le remercia de sa debonnaireté & courtoisie, ce fut en ce temps qu'il composa ses Fables, lesquelles il laissa au Roy Croesus: & sont encores de present en la maison Royale en Lydie. Le Roy l'enuoya pour Ambassade en Samos , avec lettres de creance pour

La vie d'Esope.

terminer le different , & faire appointement avec les Bourgeois de Samos , lesquels sortans hors de leur ville au deuant de luy, luy apportèrent force chapeaux de fleurs, & pour luy faire plus d'honneur, firent faire par toute la ville des ieux & dances publiques, Esope faisant lecture des Lettres du Roy, leur monstra qu'un bien fait n'estoit iamais perdu, que se ressouenant de la liberte qu'il auoit eue par leur moyen, il auoit impetree de Croesus la liberte de leur pays. Esope en apres se resolut de quitter l'Isle de Samos, pour s'en aller par le monde disputer avec les Philosophes. Il arriue en Babylone & faisant preuue de sa doctrine, en peu de temps gaigna la faueur du Roy Lycerus, qui le rendit biẽ tost apres, vn des premiers de sa Cour: la paix estoit lors generale par tout le monde, les Roys s'entr'enuoyoiẽt par lettres des questions Sophistiques les vns aux autres, leur accord estoit rel entr'eux que celuy qui en trouueroit l'interpretation auroit vn certain tribut, que luy payeroit celuy, qui luy auroit enuoye la question, celuy au contraire qui n'en pouuoient venir a bout, payeroit le mesme prix a l'autre: Esope excellent interprete des Problemes, enuoyez au Roy

La vie d'Esopè.

Lycerus, faisoit voler bien loin, le renom & la gloire du Roy Lycerus, donnant solution des questions des autres, & en enuoyant pareillement, desquelles ils n'en pouuoient donner raison, laquelle chose apportoit à Lycerus vne infinité de tresors en ses coffres.

*Esopè adopte Ennus, son ingratitude
& perfidie enuers Esopè.*

C H A P. XXII.

Esope se voyant sans heritiers, à qui laisser ses biens qu'il possedoit, adopte vn Gentilhomme nommé Ennus, il le presente au Roy, & luy recommande comme si s'eust esté son propre & naturel enfant, l'instruit & luy fait apprendre toutes sortes de sciences, fait ce qu'il peut pour son aduancement, luy montre quelle est la plus seur voye, qui tend à felicité: mais c'est tirer de l'eau d'une pierre, que de vouloir redresser par preceptes, vn naturel peruers & malin, il suit tousiours son inclination. Esopè vient à s'appercevoir qu'Ennus auoit eu affaire avec la

La vie d'Esope.

concubine , le veut chasser de sa maison : Ennus vient à le sçauoir, propose de s'en venger, ne se contentant pas de son premier mesfait, accumulant peché sur peché contrefait vne lettre en laquelle il escriuoit sous le nom d'Esope qu'il estoit plustost prest , de faire plaisir à ceux qui enuoyoient des Problemes à Lycerus, pour interpreter, que non pas à Lycerus mesme, & l'ayant cachetée du seau d'Esope, la donne au Roy Lycerus , lequel donnant plustost creance au seau d'Esope, qu'à toute autre chose , commanda tout en colere à Hermipus, que sans dilation il fist assassiner Esope. Hermipus, sans passion, iugeant bien que le Roy à tort irrité cōtre Esope innocent, mis entre ses mains pour estre occis, sa mort viendroit en apres à couster plus d'un repenty à Lycerus, ayant tesmoigné autrefois toute sorte d'affection enuers Esope, ne luy voulut pas manquer encor à ceste fois qu'il en auoit le plus affaire, il le fait cacher dedans vn sepulchre, le nourrissant là dedans tout le temps qu'il y fust : Lycerus ordonne qu'Ennus succederait à l'office vacquāt d'Esope, luy dōne la mesme charge qu'auoit Esope: Nectenabo Roy d'Egypte vint à sçauoir la mort d'Esope: enuoye à Lycerus vne lettre le

La vie d'Esopé.

contenu de laquelle estoit qu'il luy enubyast
des maçons qui luy peussent bastir vne tour
laquelle ne touchast ny au Ciel ny en terre
& vn personnage qui donnast responce, à
tout ce qui luy seroit demandé: s'il le pou-
uoit faire il luy payeroit tribut, sinon Lycerus
le luy payeroit. Lycerus n'eust pas plustost leu
les lettres de Nectenabo que voyant que nul
ne pouuoit entendre la question de la tour
le repenty ne suiuit aussi tost, d'auoir ainsi fait
plustost par passion, que par raison, mettre à
mort le pauvre Esopé, estimant auoir perdu
le soubstient & le principal appuy de son Roy-
aume. Voyant Hermippus l'affliction & les
doleances du Roy, pour la mort imaginée
d'Esopé: le voulut le destromper & luy faire
sçauoir qu'il estoit encor viuant, sçachant
bien de quelle importance estoit la vie d'E-
sopé aux affaires du Royaume, on fait venir
Esopé tout vilain & crasseux, le Roy le voyant
en cet estat ne se peut tenir de pleurer, il
commande quel'on le laue & que l'on aye
soin de luy: Esopé se purgea de ce dont on le
chargeoit, & respondit pertinemment aux
poincts de son accusation: le Roy vouloit
qu'Ennus receust le chastiment de sa des-
loyauté & perfidie: Esopé interceda pour
luy

La Vie d'Esopé.

luy & impetrez du Roy sa grace. Lycerus donne à Esopé la lettre de Néctenabo, pour la lire, quand il l'eust leue il se prist à rire & trouua incontinent la solution de la question. Il fait rescrire au Roy Néctenabo, que aussitost que l'Hyuer seroit passé, on luy enuoyeroit des ouuriers qui luy bastiroient sa tour, & vn homme qui respōdroit à ses demandes : Lycerus donc renuoya les Ambassadeurs d'Egypte, & remit Esopé en sa premiere dignité luy rendant tout ce qu'Ennus auoit vsurpé.

Les Preceptes que donna Esopé à Ennus.

C H A P. XXIII.

Esopé mettant sous le pied le souvenir du tort qu'Ennus luy auoit pensé faire, le reçoit derechef en sa maison comme son propre enfant, luy laissant les preceptes qui s'ensuiuent.

Mon fils, il te faut en premier lieu aimer & servir Dieu par dessus toutes autres choses.
Tu porteras toute ta vie respect & obeissance

La vie d'Esop.

ce au Roy, comme à vne chose sacrée, & l'image de Dieu viuant en terre. Tu montreras tousiours à tes ennemis vn visage terrible & affreux, afin que leur ostant le moyen de te nuire tu leur ostes pareillement toute occasion de te mespriser. Montre toy affable & benin à tout le monde, sois d'vne douce conuersation avec tes amis, de facile accez enuers ceux qui voudront traiter avec toy, par ce moyen tu leur desroberas le cœur, attirant à toy par ta courtoisie, l'amitié d'vn chacun. Tu souhaiteras tout malencontre à tes ennemis, tout heur & prosperité à tes amis. Gouverne doucement ta famille, traite avec toute douceur ta femme, de peur que (suiuant son naturel léger & inconstant) il ne luy vienne en fantasie de se placer avec vn autre, car ce sexe veut estre flatté & quād par belles paroles on le peut auoir, c'est lors qu'il a l'esprit le moins porté à mal faire. Qu'il ne sorte de ta bouche aucune parole qu'auparauant tu n'ayes songé quant & comment tu dois parler. Fuy ces discours inutiles faits à plaitir, & à perte de venē comme chose de peu de profit & d'efficace, qu'il ne t'aduienne iamais de te repentir d'vn bien que tu auras fait, tu dois ainsi continuer tousi-

La vie d'Esopé.

iours à bien faire, tost ou tard tu en recevras la récompense. Ne porte point enuie à ceux qui font bien, de peur que le dommage ne tombe dessus toy, esiouy toy avec eux & tasche par tous moyens de faire encor plus de bien qu'ils ne font: Tu auras soin particulier de tes domestiques, afin que te craignant comme Seigneur, ils te reuerent cōme bien faicteur, si tu as quelque chose de secret caches-le, & ne le communique pas à ta femme, car elle cherche & tente toutes sortes de voyes de se rendre maistresse. Amasse de iour en iour pour le lendemain, car il vaut bien mieux laisser après sa mort ses ennemis riches, que viuant chetiuement auoir en vie besoin de ses amis, saluë volontiers ceux de ta cognoissance que tu rencontreras par le chemin, car si tu fais autrement tu seras estimé par tout glorieux: & par ce moyen tu tomberas en la mesdisance du monde. Ne donne point entrée en ta maison au calomniateur, ne preste point l'oreille à ses cauillations & mesdisances, car faisant rapport de ce que tu fais ou ce que tu dis, il ne t'espargnera non plus que les autres. N'entreprend aucune chose, qui te puisse en quelque façon apporter de la fascherie, ne t'afflige point de chose qui te

La vie d'Esopé.

mesaduiéne, tout est perissable & sujet à changement. Reiette loin de toy ceux qui te conseilleront de malfaire, bouche tes oreilles à leur mauvais aduis & pernicleux desfains. Hantes ceux à qui tu desires ressembler fuyant la conuersation des personnes qui ne font gloire que du vice. Enaus voyant de quelle affection Esopé procedoit envers luy, attainit au cœur viuement, tant par ses bonnes instructions, que par sa propre conscience, s'en alla incontinent apres, de vie à trespas.

La nourriture de quatre pouffins d'Aigle.

C H A P. XXIIII.

Esope appella tous les Oyseleurs du pays, & leur commanda de luy apporter tous les pouffins d'Aigles qu'il trouueroit, il en choisit quatre sur quantité d'autres, il leur apprist peu à peu à roidir le col, à porter des corbeilles, puis quelque peu de temps apres y mit des enfans leur faisant prendre le vol, quel

La Vie d'Esopé.

que part qu'ils voulussent, & de cette façon il les nourrissoit en certe obeyssance, le renouveau venu, Esopé appreste tout ce qui luy estoit necessaire pour son voyage, se met en chemin pour aller en Egypte, mettant en inquietude tout le peuple de ce qu'il deuoit faire de ces Aigles, Esopé fait sçauoir au Roy d'Egypte sa venue. Nectenabo dit aux Princes de sa Cour, i'ay bien esté abusé, i'ay creu qu'Esopé n'estoit plus viuant au monde, le lendemain en apres, il prist vne robe de pourpre, & fait reuestir tous les Princes de sa Cour de robes blanches, il portoit sur son chef vne couronne de diamans: & assis en son throne fait comparoistre Esopé, auquel il demanda: à qui m'accompares-tu, Esopé? il luy respond, au Soleil du Printéps: & ceux qui sont à l'entour de toy, à des espics meurs. Le Roy admirant la viuacité de son esprit luy fit presens d'ineestimable valeur, le lendemain, le Roy reuestu d'une robe blanche, & les Princes de sa Cour de rouges, manda Esopé: auquel comme auparauant, il luy demanda: que te semble-il de la grandeur & Maiesté de mon Empire? vous estes vn Soleil, vos Princes des rayons prouenant du mesme Soleil, lesquels s'espendant par tout

La vie d'Esopè.

vostre Royaume, luy donne lustre & splendeur, le tenât tousiours en vn estat florissant. Nectenabo, luy dit : Lycerus n'est rien en comparaison de moy, Esopè tout en riant luy respond : il ne faut pas ainsi mettre en auant ces paroles, si vous accomparagez vostre Royaume à vostre peuple, il reluira ne plus ne moins que le Soleil fait au milieu des astres : Mais si vous entrez en comparaison contre le Roy Lycerus, la grandeur, la magnificence de son Royaume, opposé au vostre l'obscurcira de telle façon que perdant tout son lustre, descheant de sa premiere splendeur, le vostre aupres, ne sera que des tenebres. Nectenabo voyant comme bien à propos auoit respondu Esopè, luy demande : nous as-tu fait venir des maçons pour bastir la tour? Esopè respond il ne reste plus que sçauoir le lieu : le Roy sort de la ville & luy monstre le lieu. Esopè dispose son affaire, & place aux quatre coins de ce lieu les quatre Aigles avec les quatre garçons : chacun dans sa corbeille, la truelle en la main, & parlant le langage qu'il auoit appris aux Aigles, leur commanda de prendre le vol, les enfans esleuez en l'air crioient : donnez nous du bois, de la pierre, de la chaux pour bastir cét.

La vie d'Esope.

edifice pour lequel nous sommes icy: Nectenabo voyant ces maistres maçons prendre le haut de l'air, par le moyen de ces Aigles, dit: d'où nous sont icy venus ces hommes volans, Esope luy respond: Lycerus vous les enuoye, ils croissent en son Royaume: & encor hōme que vous estes, vous voulez aller du pair avec vn Roy pareil aux Dieux. Nectenabo dit, Esope ie suis vaincu. I'ay vne autre question à te proposer Esope, i'ay des iumens en mon escurie, lesquelles quand elles oyent hannir les cheuaux qui sont en Babylone, elles conçoient tout incontinent: Esope luy dit, Sire, ie vous donneray demain raison de vostre question. Estant de retour en sa maison, il fit lier vn chat & le mena battant par toutes les ruës de la ville: les Egyptiens voyant mal traicter cét animal qu'ils auoient en reuerence, l'arracherent par force des mains de ceux qui le battoient, & en firent rapport au Roy: le Roy fait comparoistre Esope deuant luy, auquel il dit pourquoy as-tu commis vn tel crime, ne sçais tu pas que nous reuerons le Chat, comme nostre Dieu? Sire, luy respond Esope, c'est que l'autre nuit passé ce malheureux Chat a fait vn grand dommage au poulier du Roy

La Vie d'Esope.

Lycerus, il y est entré de force a estranglé & mangé son coq de iouste, le meilleur & plus hardy qui fust en la terre, & celuy qui luy annonçoit les heures de la nuict, le Roy luy dit: N'as-tu point de honte de mentir de la façon, comme est-il possible que ce Chat en vne nuict soit allé d'Egypte en Babylone? Esope lors se soufria, luy dit: Et comment, Sire, peuuent conceuoir les Imens d'Egypte, enoyant le hannissement des Cheuaux de Babylone? le Roy par cela cogneut combien grande estoit la prudence d'Esope. Le Roy curieux de plus en plus de cognoistre la viuacité de l'esprit d'Esope, fit venir de la ville d'Heliopolis, les hommes les plus experts en questions Sophistiques, & leur appresta vn festin, auquel se deuoit trouuer Esope à table: vn de ces Heliopolitains, dit à Esope: ie suis enuoyé de par mon Dieu, pour te demander la solution d'une question, Esope luy respond: c'est mal parlé à vn Philosophe comme toy, Dieu qui est la source de toute science, qui ne peut rien apprendre de nous, depart libéralement aux hommes si peu de cognoissance qu'ils ont des sciences, n'a pas besoin de nos interpretations, pour cette raison tu n'es pas seul ignorant, mais tu accuses

La vie d'Esopé.

encor ton Dieu d'ignorance: Vn autre Helio-
politain pour contrir l'affront que son voisin
auoit receu d'Esopé, par la proposition d'une
question, luy dit: dedans l'enclos d'un grand
& spacieux temple, il y a une forte colonne,
laquelle contient à son enclos douze villes,
chacune de ces villes est bastie sur trente pi-
lotis de bois, tout à l'entour desquels courent
deux femmes incessamment l'une apres l'au-
tre.

Esopé luy respond, les enfans de nostre
pays se proposent cela les uns aux autres, le
temple, c'est le monde: le pillier c'est l'an,
les villes sont les mois, les poutres sont les
iours des mois, les deux femmes ce sont le
iour & la nuit, lesquelles se suiuent de pres
l'un l'autre: le iour d'apres Nectenabo as-
semble les grands de sa Cour, leur disant:
Esopé sera cause que nous deuons payer au
Roy Lycerus le tribut, vn d'iceux luy dit:
Nous luy dirons qu'il nous propose des que-
stions que nous n'auons iamais ouy ni enten-
du: Esopé leur dit, ie vous donneray la res-
ponce touchant cela, il se retire chez soy &
en vn petit morceau de papier escrit ce qui
s'ensuit: Nectenabo confesse deuoir au Roy
Lycerus mille talens, & le lendemain il pre-

La Vie d'Esope.

fenta cét escrit au Roy, & auant que le Roy desuelopast cét escrit: ses Princes luy dirent, & nous sçauons cecy & l'auons ouy, & nous le sçauons de certain: Alors Esope leur dit, ie vous remercie de bon cœur, puis que vous m'accordez la debte.

Le Roy voyant que le contenu de ce billet, estoit la confession de la debte, leur dit: Ie ne doy rien, & neantmoins vous tesmoignez contre moy. Les autres changeant de notte, dirent nous n'en sçauons rien, & nous n'en auons ouy parler, s'il est ainsi dit Esope: Voila la solution de ma question, Nectenabo ray en admiration, dit: i'estime le Roy Lycerus, d'auoir en sa possession vn personnage d'vne si rare doctrine? & ayant fait deliurer la debte du tribut à Esope, luy donne congé & le renuoye en Babylone, estant de retour se presente deuant le Roy, luy apporte le tribut de Nectenabo, & luy fait vn recit de ce qui s'estoit passé en Egypte: Lycerus en recompense, luy donne le tribut: & luy fait esleuer yne statuë d'or à Esope.

La Vie d'Esopé.

Du voyage d'Esopé en Delphes.

C H A P. X X V.



Velqué temps apres, Esopé eut
enuie de voyager en Grece, il
fait trouuer bon son voyage au
Roy, qui neantmoins ne luy
donna congé, que à condition
qu'il retourneroit en Babylone, & qu'il y vse-
roit le reste de sa vie, il passa par plusieurs
villes de la Grece, s'arrestant tantost d'un
costé, tantost d'autre: laissoit par tout preu-
ues suffisantes de son sçauoir: Il arriue en
Delphes, les Delphiens l'escoutent, mais
n'en faisant point de cas, il ne luy firent ni
honneur ni bon accueil: Esopé quelque peu
fasché, les regardant leur dit: vous estes sem-
blables Bourgeois de Delphes, au bois porté
des ondes de la mer, le voir de loin quand il
est agité des vagues, il paroist à nostre veüe
gros & de grand prix, sitost que le flot la iet-
té au rinage c'est tout autre chose, alors nous
voyons que ce n'est pas chose de grande va-
leur, quand i'estois esloigné de vostre ville,

La vie d'Esope.

entendât parler de vous, ie vous auois en admiration, mais du depuis que ie suis icy arriué ie me suis destrompé, voyant à present que vous estes les plus lasches & les plus inutiles de tout le reste du monde: Les Delphiens picquez de ce discours, craignans qu'Esope qui s'estoit tant acquis de creance parmi le monde, au partir d'auec eux passant par les autres villes, sa malice ne les fist descheoir de leur reputation, comploterent par ensemble de l'assassiner, ils tirerent vne phiole d'or du temple d'Apollo, lequel estoit en leur ville, & la mirent secrettement parmi les hardes d'Esope,

Esope ignorant de la conspiration, se met en chemin, pour aller en Phocis: les Delphiens le suiuent à la trace, l'arrestent, se saisissent de sa personne, l'accusant de vol & de sacrilege: prennent sa deposition: Esope innocent d'un larcin qui luy est imputé, nie tant qu'il peut au fait, & voyant en eux vne grande meschanceré & perfidie, tasche s'il peut par raisons ou par exemple, qui leur apporte, de les appaiser: Les Delphiens armez de despit, & d'indignation contre luy, se roidissent contre & rendent ses discours inutilles, & visitant son bagage trouuent la phio-

La vie d'Esope.

le du temple enuelopee dedans ses hardes, lui monstrent à vne quantité de peuple present à cét action, qui suivant d'ordinaire l'animosité & la querelle des principaux d'entre eux, luy mettent la main sur le collet, le trainent par force en prison, avec bruit & grand tintamarre.

Voyant Esope que son affaire alloit de mal en pis, considerant que toutes ses ruses & subtilitez estoient bent à bout de beaucoup trop courtes, pour pouuoir eschapper de ce malheur qui le talonnoit, tout outré de douleur d'vn si subit changement, faisoit quelques regrets à part soy en la prison où il estoit: vn de ses amis nommé Damas, le vient visiter & l'entendant ainsi se lamenter, luy demande le suiet de sa plainte.

Esope luy dit, vne ieune femme à qui son mary estoit decedé, pleuroit & se tourmentoit sans cesse: protestant demeurer le reste de ses iours dans le tombeau où il auoit esté mis: vn payfan qui labouroit vn champ pres de là, apperceut ceste Dame toute exploree, la regarde & remarquant en sa face vne beauté que la tristesse ni les larmes ne luy pouuoient oster, en devient amoureux, il s'approche & prenant place aupres

La vie d'Esopé.

d'elle dans le tombeau pleuroit avec elle, elle pleuroit la mort de son mary, & le paysan amoureux pour l'amour d'elle, la femme estonnée de le voir pleurer luy demande la cause, il dit auoir perdu sa femme, auquel la femme luy dit, & moy j'ay aussi perdu mon mary. Alors le paysan luy dit, si cela est ainsi, nous sommes tous deux de libre condition, marions nous ensemble: ie vous porteray autant d'affection comme à ma première femme, & vous vous me cherirez comme vostre premier mary; leur accord est fait ils se marient: mais pendant qu'ils se lieient ensemble, un larron en desloist les bœufs & les enleva; le paysan retourna, & appercevant la manque de ses bœufs se prist à pleurer, la femme suruenant, luy demande la cause, il luy respond: ie pleure maintenant à bon escient. Aurât en puis-je dire de moy, qui après auoir franchy tant de perils, eschappé tant de dangers; euité tant d'inconueniens par mes inventions & fineses; ie pleure maintenant à bon escient; prévoyant qu'il ne me peut venir secours d'aucune part, & que ie ne puis eschapper du lieu où ie suis, duquel n'en sortiray que par arrest de ma condamnation.

La vie d'Esopè.

La Mort d'Esopè.

C H A P. XXVI.

Es Delphiens firent sortir Esopè hors de prison , pour le conduire à la mort , ils choisirent le lieu le plus éminent pour le faire monter, & de là le precipiter de haut en bas , il leur contoit : le rat deueni ami de la grenouille, la conuia à souper, l'introduit dans la despence d'un homme riche : pleine de toutes sortes de viandes, il prie la grenouille de se bien traiter, la grenouille luy vient rendre la pareille, l'inuite à son tour à son festin : mais afin que tu ne te lasses en nageant, luy dit elle, j'attacheray ton pied au mien avec vne fisselle, afin que tu nages plus aisément : & de ceste sorte saute dedans l'estang , & nageant iusques au fond de l'eau, le pauvre rat n'en pouuant plus se mouroit & disoit, tu me fais mourir misérablement , mais vn plus grand que toy vengera ma mort : vn Aigle appercent ce rat nager sur l'eau, emporte le rat & la grenouille attachée l'un à l'autre, de

La vie d'Esope.

ceste façon les deuora tous deux ensemble. Vous me menez par force & sans raison au supplice ; mais bien tost apres, ma mort sera vengée, ou par quelques vns de la Grece, ou par le Roy de Babylone : Nonobstant toutes ses allegations, les Delphiens ne luy pardonnèrent pas: Esope se iette dedans le temple d'Apollon ; pensant estre là dedans en plus grande seurété ; mais c'estoit ietter du bois dans le brasier, ils le retirent de là dedans & le traînent au supplice, escoutez moy Bourgeois de Samos, leur disoit Esope: Vn lièvre se voyant poursuiui d'un Aigle, se retire dedans la taniere d'un escarbot ; le supplicie de le mettre à couuert dans sa tauerne contre les griffes d'un puissant Aigle qui le poursuiuoit. L'escarbot prie au nom de Iupiter cét Aigle ; de pardonner à un animal indigne de sa colere, qui estoit en sa cauerne comme en lieu de seurété ; & de ne faire point de mespris de sa petitesse, l'Aigle tout courroucé qu'un si petit animal luy vouloit faire teste, frappant l'escarbot de l'aïlle met le lièvre en pieces, & le mangea sur le champ, l'escarbot irrité de l'affront qu'il venoit de receuoir, suit l'Aigle à la volée: pour sçauoir le lieu ou elle faisoit son nid, & s'y estant

La vie d'Esopé.

estant coulée fist rouler les œufs du haut en bas & les cassa, l'Aigle fasché de la perte de ses œufs, ne pouvant remedier à cete affaire, que chageant de place, fist son nid en plus haut lieu: l'escarbot le descouvre, fait comme la premiere fois tomber les œufs, l'Aigle ne sçachant à quoy se resoudre, s'aduiſe de Iupiter, quelle estoit en sa sauuegarde, fait ses œufs pour la troisiéme fois dedans son giron, & les luy recommande: l'escarbot voletant iusques au Ciel, laisse tomber dedans le sein de Iupiter vne boule toute ronde de fiens, lequel se leuant debout pōur secoüer l'ordure, ne songeant plus à l'Aigle, lascia tomber incontinent les œufs tant recommandez en terre & les fracassa, Iupiter venant à sçauoir le fond de la querelle que l'escarbot en indignation de l'iniure reçeüe de l'Aigle, faisoit tous ses efforts pour en faire finir la race, parla à l'Aigle en faueur de l'escarbot, & le tança d'auoir ainsi mesprisé l'escarbot, qui le prioit à son nom de pardonner au liéure.

Iupiter ne voulant pas que la race des Aigles defaillist, conseilla à l'escarbot de faire appointement avec l'Aigle, mais l'escarbot offencé ne voulut point d'accord, pour ceste

La vie d'Esope.

cause Iupiter remit la procreation des Aigles en vne saison, que les escarbots ne se monstrent point : Messieurs de Delphes, ne permettez pas que l'on vous face à iamais ce reproche, d'auoir mesprisé vn puissant Dieu, le temple duquel est dedans l'enclos de vostre ville, dedans lequel ie me suis retiré, n'irritez point vn Dieu en la sauuegarde duquel ie me suis ietté, il a les bras longs pour chastier les malfaïcteurs, & pouuez tenir chose asscurée qu'un tel crime tost ou tard, ne demeurera iamais impuny.

Les Delphiens ne tenoient conte de ce qu'Esope leur disoit, & luy pour tascher de les esmouuoir à pitié, voyant que c'estoit temps perdu, leur dit: Oyez d'óc cruels & sanguinaires, vn laboureur auoit passé tout le temps de sa vie aux champs, sans iamais auoir esté en la ville, il eut enuie d'y aller, ses gens attelerent le chariot & le laisserent aller tout seul, comme il estoit en chemin l'air s'obscurcist, vne grosse tempeste de pluye & de vent s'esleue, l'orage estoit grande & l'obscurité vniuerselle, les asnes se fouruoyant du chemin alloient ou bô leur sembloit, en fin de temps apres auoir bien erré, les asnes se mettent charrette & le vieillard dans vn fossé. Le

La vie d'Esopè.

vieillard destitué de tout secours se lamentoit ainsi. O Iupiter quelle grande offence ay-ie commis? en quelle façon ay-ie peché cōtre ta diuinité? d'auoir permis que ie sois ainsi miserablement tombé dans ce precipice, faut-il que ie perde ainsi la vie & que ie sois traicté de la sorte, non point par des cheuaux courageux, ni par l'obstination de quelques mulets: mais par les plus lasches de tous les animaux du monde: Autant en puis-ie dire de vous traistres que vous estes, ce me seroit vne grande consolation en mon malheur, si ie venois à mourir par les mains d'un peuple courageux & magnanime que non pas estre ainsi malicieusement assassiné par la plus infame & peruerse nation qui soit sous le Ciel.

Estant pres de faire le saut de hant en bas, pour tenter le dernier coup, il leur dit ceste dernière Fable: Vn homme ayant vne tres belle fille laquelle il aimoit grandement, enuoya sa femme aux champs, estant resté seul avec sa fille, la prend à force: La fille voyant l'effort que son pere faisoit de luy rauer sa pudicité, luy dit: c'est meschamment fait à vous mon pere, vous taschez à m'oster ce que vous me deueriez cōseruer au peril de milles vies: L'aimerois beaucoup mieux estre deshonorée par plusieurs autres que par vous, qui m'avez engendrée: C'est à vous à qui ie parle maintenant nation abominable, ie priserois plus mille fois mourir, enseuely dans les ondes de la mer, ou bien d'estre noyé dās le gouffre & le perilleux destroit d'Afrique, que de souffrir iniustement sans cause vilen mort

La vie d'Esope.

par vos mains qui vous sera à iamaïs ignominieuse, j'appelle à tesmoin le Dieu souuerain du tort que l'on me fait, ie meurs contre toute iustice & equité, il m'exaucera sans doute & vengera en peu de temps par feu, guerres, maladies, & autres inconueniens ceste mienne mort. Ils le font monter donc sus vn coupeau des roches Phedriades, & delà le precipiterent de haut en bas, cela aduint viron la cinquantième Olimpiade. Peu de temps apres la peste se met dans la ville, l'Oracle consulté respond: qu'il estoit besoin de faire reparation de la mort d'Esope, & voyant la grand faute qu'ils auoient commise de l'auoir iniustement fait mourir, ils luy dresserent en sa memoire vne Pyramide, les principaux de toute la Grece sçachant que l'on auoit fait mourir Esope, furent en Delphes & firent eux mesmes la recherche & la vengeance de ceux qui auoient esté auteurs & conspirateurs de sa mort.

Fin de la vie d'Esope.



INSTRVCTIONS MORALES ET POLITIQUES. TIRÉES DE DIVERSES FABLES.

Fable Premiere.

De l'Amour & de la Folie.



O v s les Dieux ayant vn
iour esté mandez par Iupi-
ter, pour resoudre de quel-
ques affaires touchant le
gouuernement de la terre, ils n'eurent
pas plustost receu ce commandement,
qu'cnuieux les vns sur les autres à qui

A

paroistroit le plus obeissant en moins de rien, ils se trouuerent deuant Iupiter, pres de receuoir ses commandemens, & de contribuer de toutes leurs Puissances à l'exécution de sa volonté.

Mais comme il y auoit vn grand silence à cause du lieu & de la presence de celuy qui presidoit, voila qu'une forme de batterie s'entend à la porte du Ciel, en sorte que la rumeur croissant, cela fut cause que Iupiter comme tous les Dieux, voulut sçauoir qui estoient ces impudens qui apportent si peu de respect à vne compagnie si celebre, tellement qu'il enuoya tout aussi tost Mercure, lequel trouua que c'estoient l'Amour & la Folie qui faisoient ensemble à coups de poing, ce qui luy donna occasion de rire en telle sorte, que sans leur demander ny la cause ny le subiet de leur querelle, il s'en retourna à l'assemblée & ne leur

ſceut faire d'autre rapport que celuy cy. Je viens de voir l'Amour & la Folie qui ſe battent, & i'ay eu tant d'enuie de rire quand ie les ay veu aux mains, que ie n'ay peu leur demander le ſubiet de leur combat ; mais quelques autres m'ont appris que ç'a eſté la Folie, qui ſ'eſtans rencontré, à la porte en meſme temps que l'Amour, a voulu paſſer deuant, ce que l'Amour empeschant de tout ſon pouuoir, la Folie l'a pris par derriere, & le iettât par terre luy a donné vn grand coup de poing ſur les yeux, tellement que de faux borgne qu'il eſtoit ; ie croy que l'on peut dire à preſent que c'eſt vn meſchant aueugle. Le voyci venir qui vous vient faire ſa plainte, par laquelle vous apprendrez plus amplement le ſubiet de ſon infortune: Il n'eut pas plutost acheué, que l'Amour entre le viſage tout couuert de ſang, ſes cheueux tous cordelez à force de pouſ-

4 *Instructions Morales & Politiques;*

fiere & de bouë, dont ils estoient chargez: sans carquois, sans flèches, les plumes de ses ailles toutes vſees, ny restant plus que les gros tuyaux, qui le faisoient prendre plustost pour vn diable, que pour vn Dieu, en cette sorte il parut deuant toute la compagnie: laquelle à cét aspect fut tellement meüe de compassion, que son estonnement ne se peut exprimer que par vn long silence, ce que voyant l'Amour, & qu'il auoit vne audience tout autre que la façon de faire de Mercure ne luy auoit fait esperer, Il leur commença à leur parler en ceste sorte.

„ Grands Dieux, de qui la puissance
„ ne se mesure que par la volonté, &
„ dont la bonté & la misericorde sont
„ sans terme, le me viens plaindre vers
„ vous du tort & de l'iniure que m'a
„ fait vne nouvelle Deïté, que l'on
„ nomme la Folie & vous demande

iuſtice avec autant de ſupplication „
comme vous deuez auoir de reſſen- „
timent de l'outrage qui m'eſt arriué, „
parce qu'eſtant outragé comme vous „
me voyez, & ſi peu de clarté qui me „
reſtoit, oſtee par vn malheureux coup „
de poing, qu'elle m'a donné. Vous „
autres qui cheriſſez les bleſſures qui „
viennent de ma part, & qui ne viuez „
point ſi vous n'eſtes animez de l'A- „
mour, Il eſt à craindre que ne ſçachâs „
plus me conduire, & faiſant toutes „
choſes par hazard: Je ne vous bleſſe „
auſſi bien de quelque vieille qui par „
ſa laideur & deformité peut porter le „
nom de forcieri, cômme de la nymphe „
la plus belle & la plus agreable, que „
vous puiſſiez vous propoſer de ſeruir „
& d'aimer, & par cette raiſon conſide- „
rez que ce n'eſt plus mon intereſt qui „
parle mais le voſtre, & qui vous preſſe „
de reprimer par voſtre iuſtice vne „

6 *Instruct. Morales & Politiq.*

„ effronterie qui ne peut estre toleree
„ qu'à vostre confusion.

L'Amour eut parlé dauantage, Mais
la Folie qui ne se pouuoit tenir en place,
& mesme que la grand enuie de parler
luy auoit fait ouurir & refermer la bou-
che deux ou trois fois tant elle auoit
d'action pour sa cause, tout cela luy
fit rompre toute sorte de respect, & se
presenter ou elle dit tout aussi tost.

„ I'aduouë tout ce dont l'Amour
„ s'est plaint, & ne croy pas qu'aucun
„ nous iuge (s'il est bien sensé) que ce
„ ne soit à mon aduantage, il se plaint
„ de ce que i'ay voulu marcher deuant,
„ & ie luy demanderois volontiers quel
„ rang il voudroit que ie tinse, luy de
„ qui les traicts & les flèches ne font
„ point de bresche en vne ame, que l'on
„ ne m'en face aussi tost la cause, & qui
„ n'a point de viuacité dans ses entre-
„ prises que par mon action, que l'on

s'enquiere vn peu de ceux de qui l'âge ,
& la longueur des iours acquis fe- ,
roient bien vn ſiecle d'annees per- ,
duës qui leur cauſoient tant de badine- ,
ries, tant de ſimagrees, & en vn mot ,
pratiquer dans l'aage des vieillards, ,
les folies des ieunes gens que l'on leur ,
demande qui leur cauſe ces trāſports. ,
Sans doute, ils ne reſpondront iamais ,
que ce ſoit l'Amour, ains au contrai- ,
re que c'eſt la Folie qui ſeule leur ,
donne ces ſaillies d'eſprit, & que ſans ,
elle leur aage à trop d'experiance ,
pour ne cognoiſtre pas les ſurpriſes de ,
l'Amour ; mais que pour la Folie il ,
eſt pardonnable à qui que ce ſoit d'eſtre ,
fol parce que c'eſt le propre d'un bon ,
eſprit d'en auoir vn petit traict , que ,
l'on s'enquiere apres de ceux là meſ- ,
mes qui par raiſons doiuent tenir ,
ſon party , à cauſe de la ieuneſſe qui ,
diſpoſe leur nature à gouſter ſa vo- ,

8 *Instruct. Morales & Politiq.*

„ lupté, que l'on leur demande qui leur
„ donne ceste temerité de rompre vne
„ porte pour passer, puis apres par vne
„ fenestre, d'estre toute vne nuit dans
„ vne rue pour au leuer du Soleil, baïser
„ cinquante fois l'huis d'une maisón, pour
„ l'amour de celle qu'ils aiment, & puis
„ en l'entretien s'amuser à mille petits
„ fatras de discours pour ne sçauoir le
„ plus souuent que dire avec vne infi-
„ nité de babioles, pour lesquelles il
„ faut feindre s'interessier à cause de la
„ complaisance que l'on doit à la chose
„ aymée, que l'on leur demande en fin-
„ cerité de conscience, apres qu'il n'ont
„ plus tant de passion & que les yeux
„ de leur iugement peuuent voir la ve-
„ rité de leurs actions; qu'est-ce qu'ils
„ estiment le plus puissant dans toutes
„ ces choses qu'ils viennent de faire, ils
„ respondront assurement que quoy
„ que l'Amour en soit la cause, que la

vigueur d'icelles n'appartient rien,,
qu'à la Folie, que sans elle l'Amour,,
n'est qu'une stupidité, qui nous rend,,
chagrins, melancoliques, importuns,,
de mauuaises humeur, & en vn mot,,
à peine; & à charge de tous ceux qui,,
nous reçoient, là où ceux qui ont vn,,
petit traict de ma Folie, apres que,,
leur passion les a fait tesmoigner par,,
les yeux combien sont puissants les,,
charmes qui detiennent leurs ames,,
apres que par vn long extase, ils ont,,
monstré qu'il ne se peut plus rien ad-,,
iouster à leur douleur; vous les voyez,,
partir de la main faire le saut rond, &,,
la capriole au bout pour tascher de,,
se redre plus agreables, proferer mil-,,
le belles choses à la loüange du suiet,,
aimé & estre perpetuellemēt en actiō,,
ce qui les rend tellement considera-,,
bles dans vne compagnie qu'autant,,
qu'un amoureux sans estre vn peu Fol,,

„ est fuy & reietté autant celuy-ci est-il
„ cheri & desiré d'un chacun.

Elle eut parlé d'avantage comme ne se sçachant taire. Mais Jupiter se levant de sa place, & luy faisant le signe du silence, s'en alla prendre les voix & deliberer avec la compagnie ce qui se pourroit faire en vne affaire si importante. Les opinions furent diverses & beaucoup pencherét à la rigueur, apprehendans, comme ils disoient, que si la punition ne s'en faisoit que la Folie qui par ces raisons vouloit faire croire qu'elle estoit entierement necessaire au commerce de l'Amour, il estoit fort à craindre que l'Amour ne se sçachant plus conduire elle ne fust si effrontée de prendre son arc & ses fleches & de se mettre en sa place, & ainsi que ceux qui d'oresnavant seroient blessez de ses traicts receuroient ce reproche, qu'ils seroient espris de la Folie & non pas de

l'Amour, les autres plus doux disoient que le mal estoit arriué qu'il n'y auoit point de remede, & qu'il n'estoit pas à propos n'y possible de condamner vne Deité ; que la Folie en estoit vne qui auoit desia acquis beaucoup de creance parmy le monde, tellement que sa punition apporteroit de la rumeur & de l'alteration en l'esprit de ceux qui n'affectionnent la vie qu'à condition de cette liberté, qu'il estoit plus à propos de les remettre bien ensemble que de les aigrir d'auantage, & les obliger en dépit l'un de l'autre, à tyranniser vne ame, & la rendre par ce moyen plustost hebetee & sans esprit que folle ny amoureuse : Iupiter considerant toutes ces raisons, comme il est tousiours plus porté à la douceur qu'à la punition, se tourna du costé de la dernière, & prononça en ceste sorte.



IVGEMENT.

Après auoir ouy les raisons d'une part & d'autre, & considéré les diuers interests qui meuuent nos passions, Nous auons ordonné & ordonnons que l'Amour d'ores en auant pour couvrir l'affront qui luy a esté fait, prendra vn bandeau, raccommode-
ra ses ailles, & se fournira

de fleſches à l'ordinaire pour rebleſſer comme auparavant ceux qu'il aduiſera bon eſtre , mais d'autāt que la Folie a eſté ſi temeraire que de luy creuer les yeux, & par ce moyen luy oſter toute forte de conduite, eu eſgard aux accidens qui en pourroient arriuer : Nous ordonnons quelle ne l'abandonnera point, quelle luy ſeruira de guide

toute sa vie, & qu'il ne fer-
rien sans elle. Et pour
autant que cét Arrest
sembleroit empescher la
liberté que nous auons
oütroüee aux hommes,
Nous declarons que cha-
cun de quelque qualité
ou condition qu'il soit
pourra estre Fol sans
estre amoureux, mais non
pas amoureux sans folie.



AV LECTEUR.

A My Lecteur, Je t'aurois donné selon
la methode que ie tiens dans ces Fables
un sens & une application de celle cy, mais
parce que la Fable est un peu longue : J'ay
eu crainte de t'estre ennuyeux, & au lieu de
complaisant importun, c'est pourquoy tu me
dispenseras, ioint que ie croy que tu la conçois
aussi bien & mieux que moy, n'estant pas
besoin de grand estude pour croire ce que nous
voyons tous les iours, qui est à dire que tous
les Amoureux sont foux.

F A B L E I I.

*D'une femme qui auoit perdu
son mary.*

VNe ieune femme voyant son mary fort malade & prest à mourir, le regrettoit avec vne telle tristesse, qu'il paroissoit à sa façon de faire quelle ne pouuoit iamais receuoir aucune consolation. Les parens, & particulièrement le pere firent ce qu'ils peurent pour la resoudre, & lors que le pere luy disoit : Ma fille vous ne deuez point pleurer ny vous affliger comme vous faites, ce mary ne vous a point esté donné à condition de ne mourir point, tout ce qui est icy bas est mortel, & si la fortune eut voulu il vous auroit aussi bien veu partir la premiere comme vous estes en peine auourd'huy de luy voir tenir

tenir ce chemin , & puis luy parlant
doucelement à l'oreille luy diſoit,
quand voſtre mary mourra, vous en
pouuez recouurer vn autre, & en ſçay
deſia vn pour vous qui eſt beaucoup
plus beau & plus gentil que celuy-cy, la
ieune femme à ces mots: commença à
ſ'eſcrier, hà! Mon Dieu, mon pere,
ſi iamais vous m'avez porté quelque
affection, & que la bonne volonté
que vous m'avez touſiours fait paroî-
ſtre ſe ſoit particulièrement reſmoi-
gnée au choix de cc Mary que vous
m'avez donné, lequel ie croy que la
mort me rauira: bien toſt par ceſte meſ-
me affection, ie vous coniure & vous
ſupplie de ne me parler point ny d'un
autre mary, ny de changer de volonté:
Lors que voſtre commandement m'a
obligé de l'aimer, ie m'y ſuis por-
tée avec tant d'affection & ſi entierement
que ie ne crois pas en auoir de reſte pour

B

me tirer de la peine ou la mort de mon pauvre mary me va ietter , c'est pourquoy ie vous supplie de ne m'en parler plus , si vous ne voulez que ie finisse quand & luy , car les ressentimens que i'en ay sont si grands que ie n'y pense iamais ny n'entends prononcer ce mot de mary, que ce ne soit ce me semble autant de cousteaux qui me donnent au trauers du cœur, pendant tout ce discours & routes ces plaintes le mary mourut , ce qu'entendu par ladite ieune Dame , elle s'escria encor plus fort que deuant , & peu s'en fallut en apparence quelle ne rendit l'esprit, par sa douleur quelle tesmoignoit n'auoir point de pareille : Mais comme les choses violentes n'ont point de duree, ce dernier tesmoignage de nature ayant comme fait son cours, & ne restant plus sur son visage que l'apparence d'auoir pleuré, elle demanda à son

pere en ceſte ſorte : Mais mon pere par-
my mon affliction , vous m'auez parlé
que vous me vouliez donner vn autre
mary que le mien , beaucoup plus beau
& plus gentil , le vous prie dites moy
quel il eſt , & où il eſt , ie le voudrois
bien voir.

S E N S M O R A L.

IL n'y a point de doute qu'à l'aſpect de
ceſte Fable , beaucoup blaſmeront les fem-
mes , & diront que pour vne ſi grande fide-
lité quelles nous font iurer lors que nous
leur proteſtons du ſeruice , la monnoye dont
elles nous recompensent n'eſt qu'une mon-
noye legere , laquelle eſt d'autant plus de mau-
uais aloy & de peu de miſe , que plus elles
s'en ſeruent & plus cognoit-on qu'elles n'ont
autre choſe à payer , & que tout ce que l'on
en peut attendre n'eſt rien que de la legereté.

B 2

Mais pour leur deffence, ie dis que si la pluspart des hommes ont tousiours estimé que l'amour soit un bien, & que nous ne soyons au monde que pour rechercher la possession de ce que nous estimons tel, les femmes qui embruslent & qui par un honneste ressentiment tesmoignent comme celle-cy dans ceste Fable, vouloir par un legitime mariage rentrer dans la pratique des contentemens que l'on y recoit sans perdre le temps à viure comme font les vefues entre l'esperance & la crainte. Ce sont ces femmes là que ie trouue par ces raisons estre estimables entre toutes les autres, & lesquelles on ne peut blasmer de legereté, puis que ny ayant rien qui nous en empesche tant la legereté qu'un legitime mariage, l'on les voit n'en estre pas si tost dehors que pour fuir ces noms honneux d'inconstante & de legere, elles redemandent tout aussi tost un autre mary.

FABLE III.

D'un Cygne & d'un Oye.

VN homme auoit vn Oye & vn Cygne, leſquels il nourriſſoit pour différentes cauſes, dont l'un eſtoit nourry pour chanter, & l'autre engraiſſé pour manger. Cét vn homme pour quelque feſtin qu'il auoit affaire com- manda à ſon Cuſinier de tuer l'Oye, le Cuſinier obeïſſant à ſes com- demens s'y en va. Mais comme il eſtoit nuit & que l'on ne voyoit plus, au lieu de prendre l'Oye, il print le Cygne le- quel ſe ſentant preſſé & pres de la mort ſe mit à chanter, auſſi toſt le Cuſinier cognoiſſant à ſa voix, que ce n'eſtoit point l'Oye le laiſſa aller, Ainſi la beauté de ſon chant luy ſauua la vie.

SENS MORAL.

Q Voy que ceste Fable soit faite pour tesmoigner la puissance que la Musique à sur nos volontez, & que son intention n'aye autre fin que de nous assurer de sa force & de son excellence si est-ce qu'un simple *ut, re, mi, fa, sol, la*, entonné me semble trop peu de chose pour luy donner la puissance d'eiter la mort, & de fleschir en telle sorte la mauuaise volonté d'un homme, qu'au lieu de nous estre inexorable & cruel, il nous soit par elle rendu courtois & gracieux, il est pourtant vray me dira quelqu'un que Dauid s'en seruit en l'esprit de Saül, qu'Orphee en voulut adoucir la fureur des Bachantes, que Dieu mesme nous l'a ordonnée pour le culte de sa gloire, si bien que par là l'on luy peut donner de grandes prerogatiues sur toutes les choses dont les

hommes se peuvent mesler , neantmoins l'a-
ction avec laquelle on fait les choses estant
beaucoup plus consideree que la chose mesme,
il me semble que ces personnages icy qui se
sont seruis d'elle , n'ont obtenu l'effect de
de leurs entreprises que par leur vertu &
leur prudence, dont ils la sçauoient appli-
quer. Le temps est ce qui forme les accords;
& sans ce temps les Musiciens n'ont point
de grace à se faire entendre. Vne ame em-
portee de colere eschappee à soy mesme pour
contenter sa passion, seroit fort difficile à ra-
mener par un simple son, si la prudence de
celuy qui le fait parler n'en sçauoit appliquer
à propos la douceur, tellement si l'effect en
reüssit heureusement, il vaut bien mieux
en estimer la cause que l'effect qui ne peut
paroistre sans elle: Disons donc que ce Cygne
& cét Oye dans un mesme lieu couuerts de
la nuit qui rend toutes choses égales, eut
facilement esté pris pour son compagnon,
si la prudence ne luy eut fait produire à

24 Instruet. Morales & Politiq.
 temps & à propos ce qui estoit de son sçauoir,
 & de sa vertu. La fortune est une nuit
 pour les hommes qui les couure & cache in-
 differemment & malicieuse qu'elle est, les
 mesle d'ordinaire & les engage avec les plus
 miserables, & dans les plus grandes diffi-
 cultez: Mais ceste vertu que nous possedons
 estant opposee par nostre prudence aux ac-
 cidens qu'elle nous enuoye, elle n'esmousse
 pas seulement ces pointes mais les rend inu-
 tiles, & de plus nous fait tellement conside-
 rables enuers les plus cruels ministres de sa
 volonté que l'on nous espargne comme ce Cy-
 gne dans ceste Fable, avec autant d'apour
 que de crainte: Voila comme il ne consiste pas
 seulement de sçauoir chanter pour tirer un tel
 fruit d'un si petit travail, mais que la pru-
 dence de sçauoir user d'une telle vertu
 nous sauue la vie & l'honneur, & nous
 releue avec tel ascendant par dessus nos en-
 nemis, qu'ils ne nous approchent facilement,
 mais nous regardent comme admirables.

FABLE IIII.

*D'un homme & d'un Dieu
de bois.*

DAns les temps paffez lors que l'Idolatrie eſtoit en regne, chacun ſe faiſoit des Dieux à ſa fantaſie, & leur deuotion quoy que mal à propos eſtoit telle, qu'il ne s'en voyoit vn ſeul qui n'eut quelque figure qui l'adoroit pour Dieu dans ſa maiſon : Vn homme en auoit vne, laquelle il prioit tous les iours à ce quelle voulut luy accroître ſes moyens & ſes commoditez ; Mais tout au contraire, au lieu de receuoir quelque fruit de ſes prieres, ny de viure avec plus d'aiſe & de commodité, ſans ceſſe il luy aduenoit quelque perte, & ainſi reſtoit pauvre & miſerable, tellement que demy deſeſperé, il prend

son Dieu qu'il adoroit avec si grande deuotion, le iette contre terre, le tourmente de coups de telle façon qui luy rompit les iambes, puis en fin luy fend la teste, de laquelle il sortit grande quantité d'or & d'argent, alors cest homme bien estonné commença à dire, voyci vne chose estrange: l'ay honoré ce Dieu autant que i'ay peu pour auoir quelque bien de luy, & ie ne l'ay peu obtenir qu'en le deshonorant.

S E N S M O R A L.

LE sens de ceste Fable, nous monstre qu'il y a quelque fois du hazard aux choses, & que la bonne conduite ne fait pas bien souvent la plus grand partie d'une bonne fortune: Ceux de qui nous l'esperions ont leurs bonnes & mauuaises humeurs, & semblent estre important de trouuer pour l'obtenir

Leux, le temps & les amoureux appellent l'heure du Charetier dans ceſte heure là, l'on peut tout oſer & rien n'eſt trouué mauuais que ce qui n'eſt pas aſſez hardiment entrepris de dire que ce ſoit vne heure qui n'arriue que par deſeſpoir, & qu'il faille de l'importunité & rompre la teſte à vn chacun pour l'obtenir c'eſt vn abus. La Fable ne nous enſeigne pas cela, Mais elle dit que le temps eſt le vray medecin des plus deſeſperees maladies, & qu'ayant la patience d'attendre les occaſions, nous trouuons bien ſouuent noſtre bien d'où nous n'auons eſſeré aucune ſorte de remede.

F A B L E V.

D'un Singe & du Renard.

LE Singe rencontra vn iour le Renard, & luy voyant ſa queuë qui eſtoit groſſe longue & belle, il cōmen-

ça à luy dire, tu vois que ie n'ay point de queue pour couvrir ma nature, & que toy tu en es suffisamment fourny c'est pourquoy afin que cela me rende vn peu plus recommandable, ie te prie de me faire quelque petite part de la tienne, à quoy le Renard respondit à l'heure mesme, ie la verrois plustost trainer quatre pieds en terre que d'en couper la moindre partie pour en couvrir le cul d'un Singe.

S E N S M O R A L.

S' Il ne s'agissoit icy pour le sens de ceste Fable, que de prester sa queue nous n'aussions pas beaucoup de peine de trouver des exemples de ceux qui la prestent fort volontiers, mais laissant la raillerie à part, nous dirons que la Fable ne nous a voulu monstrier autre chose sinon que la Charité est

si peu exercee aujour d'huy par le monde, que quoy que les riches soient extrêmement riches, & qu'ils voyent les pauvres extrêmement pauvres, si est-ce qu'ils ne leur prend aucune volonté de leur departir de ce qu'ils ont de trop, leurs biens & leurs commoditez les aveuglant de telle façon, qu'ils sont en une perpetuelle faim d'en auoir, ou en une ignorance extrême qui est de ne pouuoir cognoistre le mal qu'ont ceux qui sont au dessous d'eux, & qu'eux mesme possible ont eu, & ce que la fortune peut estre leur garde au dernier echelon de sa rouë.

F A B L E V I.

D'un Payfan.

VN Payfan estant sur le dernier point de sa vie, & prest de rendre l'esprit à Dieu, ne sçachant par quelle inuention obliger ses enfans à trauail.

ler, & leur faire cognoistre par effect, comme il leur auoit tousiours remon-
stré par discours que le labeur & la
peine enrichissent l'homme, s'aduisa de
ceste ruse apres les auoir tous fait appeler,
il leur parla en ceste sorte, mes enfans
Dieu m'ayant appelé & par l'ordre de nature,
vous laissant encor apres moy, il est
raisonnable que mon labeur & mon inuention
vous soient cogneuës, & que si peu de bien
que le soin & la diligence m'ont apporté
vous soient departies, vous deuez donc
sçauoir que tout mon bien est ceste vigne
que ie vous laisse, que i'ay cultiuee &
mesnagée autant comme i'ay peu, laquelle
par ceste façon m'a rapporté tousiours
autant qu'il m'a esté necessaire pour vous
entretenir, si vous viuez comme moy,
vous aurez les mesmes biens & les
mesmes felicitez: les enfans prenant
les paroles de leur pere tout

d'un autre biais qu'il ne l'auoit entendu & croyant qu'il auoit enfouy quelque thresor dans la vigne, il ne fut pas si tost mort qu'ils en firent partage, & chacun dans ce qui leur appartenoit commença à fouiller & remuer toute la vigne : Mais ne trouuant rien autre chose que de la terre ils estoient comme au desespoir, iusques à ce que la vigne venant à rapporter l'année ensuiuant beaucoup d'auantage qu'elle n'auoit accoustumé à cause quelle auoit esté remuee, ils commencerent lors à cognoistre que le tresor qu'il pouuoient esperer estoit le trauail & la peine dont leur pere leur auoit parlé, & l'inuention de ce bon hōme fut cause qu'ils amenderent leur vie, & qu'ils augmentèrent & vesquirent tousiours selon son desir.

S E N S M O R A L.

CESTE Fable nous apprend que pour amasser des biens de la fortune, autant qu'il en faut pour contenter une bonne & saine enuie, qu'il n'y a que le travail, la peine & l'assiduité qui nous y puisse faire réussir, & que par ce moyen chacun dans sa condition peut luitter & surmonter tous les malheurs dont se sert l'enuie : Pour nous traverser la raison de cela, est que Dieu benit le travail.

F A.

F A B L E V I I.

Du Corbeau & du Renard.

VN Corbeau estoit sur vn arbre, & vn Renard passant par là, considerant l'actiõ de ce corbeau, tout glorieux de ce voir perché si haut, & de plus d'auoir en son bec dequoy viure tout le long du iour, qui estoit vn fromage assez grand & assez beau : le Renard medita incontinent de luy tirer ce fromage du bec, pour ce faire s'opposiét de grandes difficultez: le Corbeau estoit tellement haut que le Renard ny pouuoit atteinre, & quand cela ce fust peu faire le Corbeau pouuoit voler ce que le Renard ne pouuoit pas, tellement que sa force & son agilité luy estoient comme inutiles à contenter son enuie, neantmoins ayant cogneu

C

par experience que son esprit luy auoit
 tousiours fourny d'inuentions pour le
 tirer des plus grandes difficultez, il re-
 solut de s'en seruir, & pour ce faire vo-
 yant que l'action du Corbeau resmoi-
 gnoit beaucoup de presumption de soy
 mesme, & qu'il n'y a rien qui attire ny
 qui trompe plus facilement ces esprits là
 que la louange, il resolut de luy en don-
 ner en telle sorte, que cela le peust obli-
 ger à vser de remerciemens enuers luy,
 où de vanité enuers soy-mesme, &
 qu'ainsi dans ces actions là il ouuriroit
 le bec, son fromage tomberoit à terre
 & qu'il le pourroit facilement prendre,
 tellement que voulant tenter si ce qu'il
 auoit proposé en soy-mesme reüssiroit
 comme il se l'estoit promis, il com-
 mença à luy parler en ceste sorte.

„ Je n'auois point creu iusques à pré-
 „ sent qu'en la renommee il y eut autre
 „ chose que de la verité, neantmoins

i'apperçoy te voyât que ce qui eſt bien „
ſouuent en la bouche de pluſieurs ne „
vaut pas le teſmoignage d'un ſeul. Vn „
chacun dit que tu es noir, & tellement „
noir que de la poix ne ſemble pas plus „
noire, & moy tout au contraire ie te „
voy ſi blanc, & ta blancheur ſi viuue „
que la neige comme ie croy, ne luy „
feroit pas honte : Le ſigne que l'on „
vante tant pour ce ſuiet n'a point d'a- „
uantages de la nature pour ſe preua- „
loir contre toy ſi ce n'eſt de la voix, „
& encor ie ne crois pas que tu ne l'a- „
yes tres-belle; & cela eſtant tu te peux „
dire eſtre le plus beau & le plus parfait „
de tous les oiſeaux, Chante vn peu ie „
te prie, afin que ie puiſſe eſtre auſſi ve- „
ritable Iuge par l'ouye comme ie l'ay „
eſté par la veüe.

Le Corbeau ſe ſentant louer de la
façon, & deſia emporté de la bonne
opinion de ſoy meſme, ſe laiſſe aller af-

sez facilement à ceste creance qu'il estoit le plus beau de tous les oiseaux, & voulant monstrier puis que l'on l'auoit creu par son plumage estre tel que sa voix ne dementiroit nō plus ceste opinion, il se mit à vouloir chanter: mais il n'eut pas si tost ouuert le bec que son fromage tomba, lequel fut promptement recueilly par le Renard, qui ne faisoit qu'attendre ceste occasion, & s'enfuyant se mit à rire de ce que le pauvre Corbeau auoit esté deffertuy de la façon, & que par sa vanité il seroit contraint à disner de vent, restant ainsi le Corbeau si triste & melancholique d'auoir esté moqué de la sorte, qu'il resolut dès lors en auant de ne faire plus le musicien, au contraire de crier tout simplement en basse note cras cras.

SENS MORAL.

Du Corbeau, & du Renard.

LA fable nous monstre qu'il en est de si extrêmement vains, que quoy que l'on leur puisse proposer pour uen qu'ils le puissent attribuer à quelque aduantage pour eux, que facilement ils croient tout ce que l'on leur dit, & ne cognoissent point de mal qui ne soit ce leur semble à leur aduantage. Mais d'autant que la bonne opinion que l'on nous donne, & celle que nous prenons de nous mesmes, nous trompe fort facilement, parce que les discours pour nous la persuader s'adressent d'ordinaire aux actions, qui semblent en nous estre les plus recommandables. Nous deuons d'autant plus la fuir, que les loüanges de soy ne furent iamais bonnes ny estimees, & qu'un homme qui fait profession de mentir comme ces donneurs de loüanges, ne nous peut iamais dire aucune verité.

F A B L E V I I I.

De deux Raynes.

DEux Raynes estant en voyage passerent par vn estang , & comme c'est leur naturel de demeurer parmi les eaux, voyant que celuy-cy estoit à sec, commencerent à dire, cecy à bien esté autrefois vne de nos demeures, mais à present qu'il est sec nous ny pouuons pas rester, & ie suis d'aduis que nous poursuuiôs nostre chemin & que nous en cherchions quelqu'autre , sur ceste resolutiô ils allerent encor vn peu plus auant & rencontrèrent vn puits, lors vne d'elles apres l'auoir regardé commença à dire compagne m'amie, voyei vn lieu où nous pourrôns bien demeurer , & nous reposer du long traual que nous auons eu par le chemin, parce que ie le vois presque plein

d'eau, & par ce moyen nous pouuons auoir le couuert & la vie, l'autre apres auoir ouy ceste propositiō commença à luy dire, ie voudrois bien aussi bien comme toy me pouuoir reposer, ie ne suis pas d'une autre paste que tu es pour faire meilleur marché de ma peau: mais considere qu'estans entrees dedans ce puits, & ce puits venant à se secher par quel moyen est-ce que nous en pourrons ressortir.

S E N S M O R A L.

*C*este Fable nous monstre que nous ne deuons point faire inconsidérément ce que nous entreprenons, & particulièrement les choses qui n'ont pour but que nostre contentement & nostre plaisir, parce que s'il aduient que l'issüe en soit mauuaise, comme c'est une chose que nous auons entreprinse dire.

Etement de nous mesmes, elle est d'autant plus regardée, & fait plus facilement connoître nos bonnes & mauuaises parties, tant de nostre fortune comme de nostre prudence, de plus n'ayant point dedans les malheurs qui nous arriuent de plus doux lenitifs que les plaintes de nos amis : Ceste inconsideration faisant arriuer la chose tout d'une autre façon que nous ne nous l'estions promise, elle fera que ceux de qui nous pouuions esperer quelque secours, nous laisseront, & au contraire sembleront encor bien fort nous obliger de nous recharger de ce reproche, pourquoy l'a-il entrepris tout seul.

F A B L E IX.

Du Corbeau.

IVpiter voulant creer & donner un Roy aux oyseaux, il leur commanda de venir tous pour prendre conseil par

enſemble, à ſçauoir lequel meriteroit d'eſtre Roy, tous à ce commandement ſe trouuerent, & comme chacun aſpire à auoir quelque authorité par deſſus les autres, ny ayant rien bien ſouuent qui nous acquere en telles occaſions les voix, que la belle apparence. Le Corbeau aſpirant à ces dignitez Royales, prit des plumes des autres oyſeaux & ſ'en accommoda en ſorte qu'il paroïſſoit par deſſus les autres, pour le plus beau & le plus agreable: Iupiter le voyant de ceſte façon le vouloit faire Roy, ce qu'entendant les autres oyſeaux indignez que le plus mal fait d'eux tous, fut eſleu Roy à cauſe qu'il parroïſſoit par les plumes qui leur auoit priſes; cela leur donna occaſion à vn chacun de reprendre leurs plumes, tellement que le pauvre Corbeau eſtant denüé de tous ſes enrichiſſemens, reſta mal fait malotru

42 *Instruct. Morales & Politiq.*
& desagrecable comme il estoit auparavant.

SENS MORAL.

VOyci une fable qui nous monstre que les embellissemens du corps ne sont point à nous, ny durables, si ce n'est par la vertu de l'esprit, étant tout vray que quelques parures que nous luy puissions donner pour rares quelles soient, Ce sont tousiours plumes empruntees, lesquelles un chacun raisonnablement nous peut faire rendre, & dont la despoiille nous en est d'autant plus honteuse que lors que l'affront nous en est fait, nous paroissions plus au descouvert ce que nous auons creu le moins paroistre: C'est pourquoy lors que nostre fortune depend de la faueur d'autrui, & qu'il faut pour la faire user de quelque apparence qui puissent nous rendre considerables à ceux de qui nous l'espe-

rons, il ne faut pas faire comme le Corbeau
de ceste fable qui demeure nud & despoüillé.
Mais il nous faut enrichir & embellir par
des plumes qui soient telles que quoy quelles
nous soient enuies la rage de nos enuieux
ne nous les puisse faire perdre, telles sont les
vertus de l'esprit dequoy nous nous deuons
embellir pour paroistre, Ce sont enrichisse-
ments qui ne tombent point sous ces repro-
ches honteux, cecy & cela est à moy, quand
nous les possedons nous auons cet aduanta-
ge, que si la malignité & les brigues de ceux
qui ne nous veulent pas de bien, rompent
nostre fortune, & nous empeschent de iouir
du fruit que ceste esperance nous promet-
toit, nous restons tousiours dans nostre
mesme possession dans les mesmes habits, de
quoy nous nous sommes vestus pour nous y
monstrer avec ceste satisfaction contre leur
rage, que nous sommes tousiours ce que nous
auons esté & tels que tels enuieux vou-
droient bien paroistre.

F A B L E X.

*D'un ieune homme deuenu amoureux
d'une Chatte.*

VN ieune homme estoit deuenu amoureux d'une Chatte, & comme nos passions font aveugles & qu'elles n'ont point de terme quand ils'agit de les contenter, la fiemme creut de sorte que ne pouuât trouuer dans les moyens humains remede pour la soulager, il n'eut point de honte de recourir aux diuins, adressans sa priere à Venus de ceste sorte.

„ Grande Deesse, à qui toutes les pas-
„ sions de l'Amour s'adressent, & qui
„ receuez les vœux & les penſces les
„ plus ſecrètes que produit son aucu-
„ glement, ie vous ſupplie d'auoir ag-
„ greable vne tres-humble & tres-

honteuse priere que ie vous fais „
de changer ceste Chatte que vous „
voyez en fille , afin que i'en puisse „
faire ma femme , ma passion semble „
bien estre hors les termes du deuoir , „
si est-ce qu'elle n'est pas sans exem- „
ple , & auez soulagé en vne occasion „
presque semblable, vn homme encor „
plus malheureux que moy. Ce n'est „
point vne chose inanimée pour qui „
ie vous prie , c'est vne creature vi- „
uante , ce qui me fait esperer qu'aussi „
bien que celuy-cy qui à failli comme „
moy , vous m'accorderez ma priere „
comme vous auez accordé la sienne. „

La Deesse qui naturellement est plus
portee à la douceur qu'à la rigueur , au
pardon qu'à la punition , voulut tes-
moigner à cet amoureux que l'on pou-
uoit tout esperer de sa bonté lors que
l'on s'adressoit vers elle avec supplica-
tions & prieres , & pour cet effet chagea

ceste Chatte en vne belle ieune fille, laquelle fut aussi tost prise à femme par le ieune homme qui l'aima & la caressa avec autant de demonstration d'amitié comme s'il l'eut veüe toute sa vie en cet estat, neantmoins Venus non contente de ce changement, voulut esprouuer si ceste fille auoit aussi blé perdu la façon de son viure, comme l'apparence de sa forme, elle fit naistre vne souris laquelle fit passer à l'heure mesme par deuant ceste nouvelle fille, laquelle tout aussi tost selon son accoustumee façon de viure, se leue de sa place pour courir apres, avec enuie de la manger si elle eust eu assez de vitesse pour l'attraper, ce qui rendit Venus tellemēt indignee de voir le peu de ressentimēt quelle auoit de la grace quelle luy venoit de faire, quelle la remit en sa premiere forme, la iugeant indigne d'estre iamais autre chose qu'une Chatte.

S E N S M O R A L.

LE commencement de ceſte Fable nous monſtre que ceux qui ſe laiſſent gouverner à leur paſſion, ſont & ſe rendent tellement auégles, qu'il n'y a voye legitime ou illegitime qu'ils ne tentent pour aſſouuir leur deſir et leur brutalité, iuſques meſmes à vouloir rendre les Dieux complices de leurs mechancetés, comme l'amoureux de ceſte Fable, en la priere qu'il adreſſe à Venus, & la fin de la Fable nous apprend que comme ceſte Chatte pour auoir changé de forme, n'auoit point changé ſa façon de viure, qu'ainſi tout de meſme ſuiuant le dire commun, il eſt fort malaiſé de faire d'un buxard un eſpreuier, il eſt fort difficile que la pochette ne ſente toujours le lart, & ceſte verité ſemble ſe voir aujour d'huy plus particulierement en ce ſiecle qu'en aucun autre qui ſoit paſſé, parce

que nous voyons quantité de personnes qui pensent à force de se mesconnoistre, se rendre mescogneus, & par un peu de bõ heur & de fortune qu'ils font esclatter avec de la panne & de la soye, pouuoir esblouyr les yeux & faire que l'on les considere aussi releuez en qualité comme leur naissance & leur extraction est vile & basse, neantmoins ce n'est ny l'apparence par leurs habits, ny l'instance de leur changement par la fortune, qui leur peut donner raisonnablement ceste qualité d'honestes gens, ce seroit estre trop aisé à piper, mais pour y paruenir il faut que le temps esloigne des hommes le souuenir de leur extraction, & que l'amour de la vertu & des bonnes mœurs leur donne par habitude ce que leur a denié leur naissance pour estre tels qu'ils veulent paroistre; ou autrement ils ne meritent iamais d'estre autre chose que ce qu'ils ont esté, où comme dit la Fable des chats ou des chattes.

F A.

FABLE XI.

D'un qui promettoit à Dieu des choses impossibles.

VN pauvre homme apres auoir consommé entre les mains des Medecins , si peu de biens & de forces qu'il luy restoient, pour par leurs breuuages & Medecines tascher à receuoir quelque espece de santé, & eux ne luy pouuâs donner autre consolation ny assurance, de ce qu'il s'estoit promis qu'un desespoir, il commença à croire que veritablement, ce n'estoit point des hommes qu'il deuoit attendre ceste santé: Mais que c'estoit à Dieu, qui se falloit adresser pour l'auoir, & pour cét effect il fit vœu que si Dieu luy redonnoit la santé, il luy offriroit cent bœufs en sacrifice, sa femme voyant faire ce vœu

D

& cognoissant leur pauvreté luy dit, tu fais promesse de cent bœufs à Dieu, s'il te redonne la santé & ou les prendras-tu, quand tu auras obtenu ce que tu demandes? Alors il luy respond pen-
ses-tu que si ie me peux vne fois lever d'icy, que Dieu m'oblige à luy payer cent bœufs?

S E N S M O R A L.

Ceste Fable nous monstre que malaisément nous esleuons nous à Dieu, qu'en l'extrême nécessité, que là dedans un homme promet facilement tout ce qu'il croit pouvoir fleschir celuy qui luy peut donner confort & aide, que neantmoins la pensée de l'homme est si miserable quelle est tousiours double, & ne se soucie point de promettre, pourueu qu'il se tire de sa peine, fondees pour la plus part sur le Prouerbe Italien qui dit, pasa-

ta la festa gabato il santo , qui est presque le mesme , de celuy-ci de François : l'on peut se ruiner de promettre , mais il faut se recompenser à ne tenir pas.

F A B L E X I I.

*D'un vieillard qui appelloit
la mort.*

VN vieillard s'estant chargé d'un fardeau de bois tres lourd & pesant , & ayant vne grande longueur de chemin à faire , pour paruenir au lieu ou il se deuoit reposer & se descharger de son fardeau , commença à se facher contre sa vie , desesperant que ces forces peussent subuenir à ces necessitez , il fit mille imprecations contre sa condition & sa fortune, se souhaitant auoir esté plustost priué de la lumiere du iour au berceau , que d'estre parue-

dans
sup
 nu en vn aage ou au lieu de repos, il nē
 se puisse promettre que de la peine &
 vn continu trauail, pour ceste confide-
 ration il appelle sans cesse la mort, ai-
 mant mieux disoit-il finir sa vie que de
 la trainer si languissante : Mais com-
 me il estoit dans ces desespoirs, & que
 son courage n'auoit plus d'autre reso-
 lution que la mort, & la fin de sa vie,
 pour se rendre ce luy sembloit exempt
 de ses peines. La Mort à mesme temps
 parut, & luy dit : Voyci celle que tu as
 tant de fois appelée, que me veux-tu
 le vieillard surpris, & ne s'attendant
 rien moins qu'à voir en effect ce qui
 n'auoit nommé que de parole, com-
 mence à luy faire ceste responce, ô mort
 il y a fort long temps que ie t'appelle, il
 est tres vray, Mais ce n'estoit que pour
 m'aider à recharger mon fardeau de
 bois que tu vois qui est tombé.

SENS MORAL.

Ceste Fable nous fait cognoistre, qu'il ne se presente point d'accident en la vie pour perilleux & grand qu'il soit, que nous ne l'estimions encor plus fauorable à supporter que de s'en exempter à la charge de mourir, tellement que voulant finir nostre vie le plus tard que nous pouuons: C'est un grand tesmoignage de legereté & qui nous est fort honteux de faillir de cœur, & appeller la mort pour les moindres petites occasions, & nous en desdire lors qu'elle se presente.

D 3

F A B L E X I I I.

Du Chien & de l'Asne.

LE Chien ayant combattu contre le Loup , & voyant n'estre pas le plus fort , il delibera de trouuer vn compagnon qui peust luy aider , & rencontrant vn Asne , qui portoit vn grand bast , il luy sembla que c'estoit vne armeure assez bonne pour se defendre contre quelque animal que ce fust: de plus qu'elle auoit la voix grande & forte , & par consequent qu'elle deuoit estre fort vaillante: Sur ces considerations il fit amitié avec elle , & allerent ensemble assez de temps à dessein de trouuer le loup , & de l'affronter à la premiere rencontre : mais comme vn iour ils l'eurent trouué , si tost que l'Asne l'apperceut elle commença à

dresser les oreilles & laissant le chien tout seul, prist la fuite.

S E N S M O R A L.

VOici une Fable qui nous monstre que les plus grands parleurs ne sont pas le plus d'exécution, & que nous devons tenir pour suspects, les effets de ceux qui ne nous font paroître que des paroles pour nous les faire croire ; & la vertu d'un homme veut dire, la Fable ne se doit pas juger par la grandeur du corps, ny par la force de la parole : C'est l'expérience qui nous en doit donner la cognoissance, & les accidens de la fortune nous en doiuent faire reconnoître sa bonté & sa trempe.

F A B L E X I I I I.

Du Singe & de ses deux Fils.

ALors que le Singe fait ses petits, il en fait d'ordinaire deux, & son naturel est d'en aimer tousiours vn plus que l'autre, il aduint vn iour qu'estant en voyage, & ayant quelque bras de mer à passer, la mere de ses Singes qui les conduisoit, considerant le vent qui estoit tres-grand & tres-violent, qui par consequent rendoit l'eau estrange-ment esmeuë & furieuse, eut apprehension de passer avec ses Singes, neantmoins la necessité de son voyage estoit telle, qu'il falloit comme l'on dit, quelque hazardast le paquet & passer à quelque prix que ce fust, apres auoir long temps pensé & ruminé en soy-mesme, par quel moyen ces petits Singes ne

pourroient point courir de fortune, & particulieremēt celuy-là quelle aimoit le mieux, elle ſe mit en l'eau chargea ſur ſon dos celuy ou elle n'auoit point tant d'affection, & prit l'autre entre ſes bras, & ainſi le conduiſoit le plus doucement quelle pouuoit, pour taſcher par ſa conduite d'en euitier la perte qu'il luy eſtoit à tout heure preſente. Mais le malheur luy voulut tant qu'un coup de vent pouſſant vne vague ſurquoy elle eſtoit, elle ne peult empêcher quelle ne fuſt portee contre vn roc, ou celuy-là quelle tenoit entre ſes bras & qu'elle aimoit ſi chèrement, donna de la teſte, ce qui le fit mourir: l'autre qui eſtoit ſur ſon dos, cognoiſſant bien que l'affection de ſa mere n'eſtoit pas telle en ſon endroit qu'il deult attendre à ſe ſauuer par elle, ſe met en mer, & ſortant hors de deſſus ſon dos, fit tant par ſon inuention & ſon adreſſe qu'il arriua au

38. *Instruct. Morales & Politiq.*
bord & se sauua sans courir aucune
mauuaise fortune.

SENS MORAL.

LA pluspart des peres & meres du temps
present, aiment leurs enfans comme
font ces Singes, aussi voyent-ils bien sou-
uent en la suite de leur vie, ce qu'il ne se sont
pas promis en leur naissance, celuy-cy qui
estoit sur le dos de sa mere auoit de l'inuen-
tion & de l'adresse que la nature luy auoit
donnee, & que le peu d'affection que luy
portoient ces parens, l'auoient obligé d'acque-
rir ce qui le fit sauuer heureusement, au lieu
que l'autre qui n'auoit de la vertu & de
l'adresse, qu'entant que les mignotises d'u-
ne mere la luy persuadoient & luy faisoient
accroire, demeura engagé & perdu: pour
nous monstrier que les enfans de qui le Ciel

prend le soin, sont d'ordinaire ceux qui réussissent le plus heureusement, & que l'amour que nous leur portons n'estans à autre fin que de les tenir sans cesse entre nos bras, au lieu d'homme que nous espérons nous ne recevons que des bestes, lesquels par le peu de cognoissance que nous leur avons donné des accidens de la Fortune, heurtent indifferemment tout ce qui se rencontrent & si perdent.

FABLE XV.

De l'Oye & de la Gruë.

L'Oye & la Gruë passoient par vn mesme cháp & s'amusoient à manger, quelque Arquebusier estant là apres les veit asseoir, & aussi tost s'approche pour les tirer : La Gruë pour n'estre pas beaucoup chargée de cuisi-

60 *Instruct. Morales & Politiq.*
ne print le vol incontinent , & par ce
moyen empescha l'Arquebusier de
pouuoir prendre visée sur elle , ou au
contraire l'Oye pour estre grosse & pe-
sante, elle ne peut prendre le vol si tost
que l'autre , tellement qu'elle donna
temps de la choisir, & ainsi fut prise.

S E N S M O R A L .

CESTE Fable nous apprend que les riches
ont bien plus de peine que les pauvres,
que quand il s'agit de se sauuer de quelque
malheur , ils ont bien plus d'embarras &
bien plus d'yeux qui esclairent leurs actions,
que les pauvres qui ne sont cogneus que de
point ou fort peu de monde , que leurs biens
ou ils confient leur Fortune , sont bien plu-
stost pris & perdus , que ceux qui se peuuent
transporter à la façon de Bias , & qui lais-

*ont à leur propriétaire cette liberté de dire
omme luy omnia mecum porto, nul ne
eut m'empescher que ie ne porte toute ma
ichesse avec moy.*

FABLE XVI.

D'un petit Cerf.

VN petit Cerf disoit, vne fois à son pere tu es beaucoup plus grand & plus fort qu'un Chien, & ta peau est beaucoup plus dure & mieux couuerte de poil que la sienne, tu as de plus les cornes grandes & fortes, de telle sorte que tu peux te venger, non seulement des Chiens mais de tout autre animal qui te voudroit offencer, ainsi ayant toutes ces deffences pourquoy sans cesse t'enfuis-tu d'eux, & en as tu tousiours si grand peur. Le Cerf

luy repartit , tu dis vray mon fils , sans doute i'ay toutes ces aduantages de la nature que tu m'as deduites : mais cela n'empesche pas qu'aussi tost que i'entens l'aboy des Chiens , ie ne sois forcé incontinent de fuir.

S E N S M O R A L.

CEluy qui disoit qu'une armee de Cerfs conduite par un Lyon, estoit beaucoup meilleure qu'une armee de Lyons conduite par un Cerf, disoit cela fort à propos, & semble que la Fable ne nous vueille signifier autre chose , parce qu'un homme qui n'a point de courage , pourroit auoir avec luy autant de force qu'il en faudroit pour estre asseuré dans les plus grands perils , & toutes les plus belles raisons du monde pour l'encourager luy pourroient estre mises en

auant qu'il ſera touſiours poltron & ſans courage, & que pour toute hardieſſe il ſera touſiours armé de crainte.

F A B L E X V I I.

D'un Renard ſans queuë.

LE Renard ayant vn iour perdu ſa queuë en vn piege ou il auoit penſé eſtre attrappé, demeura ſi honteux, & avec vn tel deſeſpoir de ce voir de ceſte façon que peu ſ'en fallut qu'il ne ſe tuaſt à l'heure meſme: Mais comme le temps eſt le Medecin des plus grandes douleurs, & que l'eſprit dans la neceſſité, nous fournit touſiours d'inuentions apres que le premier deſplaiſir qui eſt touſiours violent fut paſſé, & qu'il eut la patience de cognoiſtre que pas vn ou fort peu d'animaux meurent ſans quelque bout de queuë, & qu'ainſi

il seroit aussi bien mocqué en l'autre monde comme en cestuy-cy , il resolut de faire en sorte que par sa persuasion , les autres animaux coupassent la leur & ainsi luy fussent semblables: pour cet effect il les appella tous , leur remonstra qu'encor bien que la nature ne leur eut point donné aucune chose qui ne fut nécessaire, & que la queue soit vne des principales parties des animaux, si est-ce que croissant quelquefois plus en vne chose qu'en l'autre, ceux qui par fortune estoient plus crus de queue que d'autre chose, en estoient bien souuent plus empeschez qu'il n'en receuoient de contentement , & que ce n'est pas mesme la seule longueur qui les importune , & leur fait aduan- cer leur mort , mais bien la grosseur: Car disoit-il, si les femmes ont affaire de quelque fourreure qui puisse servir de chaleur & de parade , incontinent
c'est

c'eſt à ſupplier les hômes de leur donner vne belle groſſe & longue queuë, tellement que ny ayant point d'autres animaux que nous, qui puiſſent aſſouir leur brutale cupidité, il ſ'enſuit de là que nos queuës nous font plus de mal que de bien : C'eſt pourquoy ſi vous me voulez croire vous couperez vos queuës comme i'ay fait la mienne, & ainſi vous viurez en repos & en aſſurance, à toute ceſte longue perſuaſion vn des Renards pour toute la trouppes print la parole, qui luy dit tu nous as représenté l'incommodité qu'il y auoit à auoir de la queuë, quel deſir ſa beauté & ſa groſſeur donne aux femmes, & qui par conſequent nous fait aduancer noſtre mort : Mais ſouuiens toy que nous ne ſommes pas ſi peu fins, que nous ne cognoiſſions que tout ton diſcours tend à nous faire couper noſtre queuë, parce que tu as perdu la

E

tienne, & par ainsi nous rendre mes-
prisees, ridicules & mocquez du mon-
de comme tu es. Mais nous aimons
mieux estre subiets à l'enuie des fem-
mes, à l'incommodité de sa longueur
& de sa grosseur, que de nous faire
monstrer au doigt & entendre dire de
nous comme de certaines gens, regar-
de regarde celuy là, en voila vn qui
n'a point de queuë.

SENS MORAL.

LA Fable nous monstre qu'un homme
fin & adroit, se peut quelquefois si
bien se servir de l'occasion que le conseil que
l'on attend de luy, pour resolution & ad-
uancement d'un affaire, peut estre aussi
tost pour soy-mesme comme pour autrui,
& pour paruenir à ce dessain de persuader
selon ceste fin. Il faut que les raisons soient

prises Un peu de loin, qu'elles soient colorées
 de la charité, estant un pretexte fort spe-
 cieux pour tels desseins; & qui reçoit fort
 peu d'obstacles en sa dissimulation, cela estant
 disposé de la sorte, il en est fort peu qui ne
 s'y trompent, parce que le son des paroles
 & nostre interest despeint par une grande
 circonlocution desrobent par leur complaisan-
 ce, le sens de ce que l'on nous met en auant
 & nous font accorder la chose bien souuent
 sans la cognoistre: Mais comme le commen-
 cement de la Fable, nous apprend la façon
 dont on peut user de ceste subtilité, sa fin
 nous fait voir qu'il importe beaucoup de
 sçauoir à qui on s'adresse pour user de ce
 stratagemme, parte que comme ces Renards
 aussi fins que celuy qui taschoit de les dece-
 uoir, recogneurent incontinent la fraude &
 la subtilité de sa persuasion. De mesme si
 nous nous adressons indifferemment à tou-
 tes sortes de personnes, & que par hazard
 nous en rencontrions d'aussi fins que nous,

nous courons fortune d'estre descouverts &
 mocquez avec ce reproche, vois-tu celuy
 c'est un trompeur, il a fait ce qu'il a peu pour
 me decevoir, il n'espouse que son intere,
 garde toy de te fier à luy.

F A B L E XVIII.

Du Paon & de la Pie.

LE Paon s'assurant d'estre le plus
 beau de tous les oyseaux, & par
 consequent s'ils auoient à eslire vn
 Roy ou vn Superieur, qu'ils ne pou-
 uoient en eslire vn autre que luy, tel-
 lement que sur ceste creance, ils les
 pria tous d'eslire vn Roy, incontinent
 tous les oyseaux eurent ceste proposi-
 tion pour agreable, & n'en iugeant
 point de plus beau dans toute la trou-
 pe que luy, ils le creerent pour leur

Roy. La Pie qui confideroit plus l'utilité que le plaifir , commença à luy parler de cefte forte , il eſt tres-certain que nous t'auons fait Roy , & que ta beauté a forcé nos volontéz à te donner noſtre voix : mais confidere que tu n'entreprens pas vne choſe ſans labeur & ſans peine , Si l'Aigle qui eſt plus grand & plus fort que toy , te querelle à qui eſt-ce que tu auras recours?

SENS MORAL.

LA Fable nous apprend , que quand il ſ'agit d'eſlire & de faire choix de quelqu'un , en qui nous nous reſions de noſtre conſeruation , qu'il ne faut pas ſimplement cōſiderer la beauté & la gentilleſſe : mais bien la force & la prudence , parce que ce ſont deux vertus qui luy ſont tellement neceſſaires

que sans elles il ne peut avoir d'amis, de
 creance & d'autorité parmy les peuples de
 bien-veillance, parmy ceux qui sont sous luy
 de resolution asseuree, dans les accidents, en
 un mot ce sont les vertus par lesquelles il
 peut regner heureusement, & se deuelopper
 d'une infinité de malheurs qui n'arriuent
 bien souuent en nostre vie que pour nous
 perdre.

F A B L E X I X.

De l'Asne & du Loup.

L'Asne s'estant vn iour en marchant
 mise vne espine dans le pied, & ne
 voyant personne qui la peust secourir,
 commença à faire de grandes plaintes
 de son mal, & estoit presque reduite au
 desespoir, lors que de bonne fortune
 elle aduisa vn Loup, auquel aussi tost
 elle s'en alla, & luy monstrent son

mal luy vſa de ſes prieres : Mon amy
Loup, le malheur m'en a tât voulu que
ie me ſuis miſe ceſte eſpine dans le
pied qui me fait mourir de douleur,
& qui m'empeschant de marcher, me
donne l'apprehenſion d'eſtre mangée
des Corbeaux en ce lieu, c'eſt pourquoy
ſi à l'aſpect de telle miſere, la pitié t'a
iamais touché, par Iupiter conſidere
la mienne, & me fais ceſte grace de
me ſecourir, ce que tu peux faire faci-
lement, ſi tu veux prendre la peine de
m'oſter ceſte eſpine du pied laquelle
auſſi toſt oſtee ſi ie meurs, au moins
la douleur en ſera beaucoup moindre,
le Loup compatissant au mal du pau-
vre Aſne commence à luy leuer le pied
auec les ſiens, & prenant auec les dents
l'eſpine qui y-eſtoit fichée, la tira de
toute ſa force & l'arracha du pied de
l'Aſne. Mais la douleur fut ſi grande
au pauvre Aſne que toute emportée de

colere & de rage, elle lascha vn coup de pied qui donna iustemēt entre les deux yeux du Loup, & luy cassa entierement la teste & les dents, & tout aussi tost se mit à fuir: le Loup reuenu de l'estourdissement du coup, commença à dire il faut prendre patience, i'ay iustement ce que i'ay merité, parce que i'ay appris de tuer tous les autres animaux, & maintenant ie veux faire leur Chirurgien.

S E N S M O R A L.

LA Fable nous apprend, qu'un-chacun doit se mesler de son mestier & de son exercice, sans entreprendre sur celuy d'autrui, pour cela l'ordre de Maistrise a esté estably, & sans ceste consideration nous voyons d'ordinaire que ceux qui veulent par leur vanité faire croire estre entendus

à toute choſe reçoient toujours des reproches & des affronts qui les payent comme a eſté payé le Loup de ceſte Fable.

F A B L E X X.

*Des Cheuaux courroient aux
ieux de prix.*

QVelques vns auoient donné des prix pour la courſe, & comme chacun en telles actions eſt receu pour monſtrer ſon agilité & ſa force, deux cheuaux ſ'y preſenterēt le premier, deſquels eſtoit tres-richement orné gras & en bon poinct, & en telle façon qu'il arreſtoit les yeux de tous les ſpectateurs ſur luy, qui luy promettoient en apparence la gloire d'emporter le prix, peu de temps apres ce preſenta vn autre cheual qui eſtoit fort maigre, & tres-mal enharnaché qui en cet eſtat

appresta à rire à toute la compagnie, neantmoins comme l'on ne refuse aucun qui se presente : les trompettes commencerent à sonner & à donner le signal de la course, les deux cheuaux comencerent à courir : Mais le maigre soit qu'il ne fut pas tant chargé de graisse, qui luy empeschast sa disposition ou qu'il eut plus de force & de legereté que l'autre, tant y a que contre l'opinion d'un chacun il donna les bouteilles à porter à l'autre, & estant le plustost au lieu designé emporta l'honneur & le prix.

S E N S M O R A L.

L*E refrain Espagnol, Debaxo de ruin
capa buen beuedor est tres-verita-
ble, il ne faut pas iuger des hommes par l'ex-
terieur, ils ne se mesurent pas à l'aune, les*

habits quoy que vieux, couurent bien sou-
 uent une ame tres-riche & un esprit tres
 vertueux, & aujour d'huy que le doüaire
 de la vertu est la pauureté, que de mesme
 un riche accoustrement & une vie en ap-
 arence pleine de commoditez cache bien sou-
 uent une esprit lasche & mol sans vertu
 & sans enuie d'en auoir, & beaucoup plus
 souuent par ceste raison. Dieu ne nous af-
 flige iamais d'un costé, qu'il ne nous recom-
 pense en l'autre : Dieu ne nous donne iamais
 de la pauureté qu'il ne nous face naistre l'en-
 uie & le moyen de nous recompenser en es-
 prit, au lieu que la plusspart des riches com-
 me ils n'ont iamais receus d'incommodité, de-
 daignent de preuoir les accidents qui leur en
 peuuent donner, & ainsi restent dans la mes-
 me nature que leur a donné leur naissance.

F A B L E X X I.

Du Loup deuenu vieil.

VN Loup estant deuenu vieil se fist Hermite, & allant mendier sa vie, vn sien compagnon le reprist & luy dist qu'il faisoit tort à leur espece, & qu'il estoit le premier qui auoit choisi ceste sorte de vie : l'autre luy respond que veux tu compagnon mon amy que ie face, ie me suis cassé toutes les dents, ie ne puis plus courir & n'ay plus mesme de force pour resister à ce trauail quand ie le voudrois faire, ainsi pour ne point mourir de faim i'ay pris cet exercice.

SENS MORAL.

NOus auons ce mal dans noſtre ſiecle auſſi bien qu'au paſſé, qu'il faut que la conſideration conduiſe la pluſſpart des perſonnes de ceux qui ſe font d'une vie Monaſtique & Religieuſe, Il n'eſt pas iuſques aux peres & meres, meſmes qui n'y pretendent de l'intereſt, & peu des uns & des autres ont pour deſſain la fin qui y doit mener un chacun, qui eſt que nous ne deuons nous enfermer, ſortir du monde & de ſon embaras, que pour plus librement ſeruir au ſeruire que nous deuons à Dieu : Auſſi dit on par ceſte raiſon que beaucoup y ſont conduits par ſottiſe, & puis que la honte les y retient : une Maiſtreſſe, une piece de cinq ſols, un peu de bien pour paroître : tout cela eſt bien ſouuent la cauſe de ce reproche. Chose extrêmement honteuse, &

qui causant ce scandale nous monstre bien que ce ne sont pas choses de peu de poix que l'entreprise de changer de vie pour former ses mœurs, qu'il y faut une meure delibération, un essay de soy-mesme, en un mot une constance & une resolution formee sur une si grande habitude, quelle puisse empescher par son apparence & par son exercice, & les discours & les pensees qui naissent d'une infinité de personnes qui semblent estre payez que pour sindiquer tout le monde & mesdire de tout.

F A B L E X X I I.

D'un Renard & d'un Bouc.

VN Renard & vn Bouc, estant vn iour ensemble, ils eurent enuie de boire, & pour ce faire ne considerant que la premiere commodité ils allerent droict dans vn puits, qu'ils ren-

contrerent en leur chemin, ou entrant ils beurent & rassasierent leur soif, de l'eau qu'ils trouuerent là dedans : Mais comme ils furent contens & qu'ils desirerent sortir , ils se trouuerent tellement hors de puissance qu'ils creurent trouuer la mort ou ils auoient trouué vne espee de vie , ainsi bien estonnez ils demadent l'un à l'autre les moyens & les inuentiós par lesquelles ils pourroient eschapper ceste prison , le Renard plein de finesse & de subtilité, & particulièrement de tout temps adonné à son profit particulier, proposa vne inuention au Bouc , qui estoit telle: Si tu te hausses, luy dit-il , sur les pieds de derriere, que tu t'appuyes des pieds de deuant sur la muraille du puits, & que tu dresses le plus que tu pourras tes cornes, tu te feras par ce moyen fort haut, & pourray montant par tes espaules mettre mes pieds sur tes cornes, puis

sur le bord du puits , & par ce moyen sauter facilement à terre , puis estant sorti ainsi par ton moyen , ie te promets la foy que ie t'aideray , que ie te donneray la main pour te tirer de la peine ou toy & moy sommes tombez. Le Bouc credule & simple s'accorda à ceste inuention , mais ce ne fut pas sans repentir , Car si tost que le fin Renard fut dehors , au lieu d'aider au Bouc , il se mocqua de luy & le bassouia d'auoir esté si credule , & pour toute consolation apres que le Bouc luy eust representé ce qui estoit de la foy promise , de la charité dont il auoit vsé enuers luy , qui en demandoit vne mesme , que ce seroit vne action pour laquelle on le tiendrait aussi veritable que fin , ce qui n'auient gueres à ceux qui font ceste profession , en fin apres luy auoir dit mille iniures , lesquelles sa iuste douleur luy pouuoit suggerer , il n'eut pour
toute

toute consolation & aide que ceste res-
ponce, ô Bouc si tu eusses eu autant de
ceruelle en ta teste comme de poil en
la barbe, tu ne serois pas descendu en
ce puits, que premierement tu n'eusses
consideré le moyen d'en sortir.

SENS MORAL.

Ceste Fable nous apprend, que nous ne
deuons iamaïs rien commencer que
nous n'ayons preneu ce qui peut suruenir, &
quoy que l'aage & le grisonnement du poil
nous puissent persuader quelque opinion de
sagesse, si est-ce que l'opinion propre de soy
est tellement blasmable que pour fuir ce re-
proche honteux de ces deux mots, ie n'y
pensois pas : l'on ne doit iamaïs rien faire
sans preuoir, par le iugement de ses amis
& du sien, ce que nous auons resolu d'entre-
prendre.

F

F A B L E X X I I I.

Du Lyon & du Rat.

LE Lyon estant fort las & tout recru d'un long travail dormoit à l'ombre d'un arbre , & se reposoit, quantité de souris & de rats couroient auprès de luy , & se iouant assez librement , sembloient n'auoir nul soucy s'il se pouuoit esueiller ou non : neantmoins le bruit continu qu'ils firent fut cause qu'il s'esueilla , & tout indigné de ce que si peu de chose l'auoit tant importuné , & luy auoient rompu sa sommeil , il en prit vne pour la faire mourir : Mais elle aussi tost avec pleurs & larmes le pria de ne vouloir exercer son courage & sa force contre si peu de chose comme elle estoit , que sa coler estoit digne de tout autre résistance que celle quelle luy pouuoit faire ,

que luy donnant la vie Iupiter luy pour-
roit faire naistre vn iour quelque occa-
sion par laquelle elle se pourroit reuan-
cher d'vn si grand bien. Le Lyon ayant
entendu tout ce discours, & quoy que
son courage & sa force ne se promist
rien moins que d'auoir vn iour affaire
d'vn si petit animal, ne laissa pas de le
laisser aller dont bien luy en print, par-
ce qu'estant allé à la chasse & les chas-
seurs ayant tendu quantité de rets, &
de pieges pour plus facilement prendre
les bestes qu'ils auoient destournees.
Le Lyon tomba par malheur dans l'vn
de ses rets, & ne pouuant se despestrer
dededans ces cordages quelques grâds
efforts qu'il fist, il n'eut plus d'autres
recours qu'aux plaintes lesquelles pour
les faire assez haut, il les faisoit enten-
dre de fort loin, tellement qu'vn rat par
bonne fortune estant là aupres accou-
rut au bruit, & voyant celuy qui luy

auoit vne fois donné la vie, & ne trouuant point d'occasion plus fauorable pour se reuancher des obligations quelle luy auoit que celle-cy, sans attendre d'auantage, elle se mit à ronger les noeuds des rets, & coupant les cordes elle rendit par se moyen le Lyon libre qui s'en alla le remerciant à son tour d'un si bon office.

SENS MORAL

IL y a *une deuise qui dit tost ou tard, pres ou loin à le fort du foible besoin nous voulant signifier comme la fable d'Esopé, que les grands pour estre grãds, ne sont pas exẽpts des infortunes & que dans le courant de la prosperité, il ne faut laisser faire des amis autant que l'on peut, & ne faire de plaisir à personne, à celle fin que si le malheur nous accable, de sorte que nos inuentions &*

nos moyens nous ſoient rendus inutiles & que nous n'ayons plus d'eſperance qu'en nos amis nous en puiſſions auoir vne ſi grande quantité que iuſques aux plus moindres, & deſquels par raiſon nous ne deurions rien eſperer, nos ennemis en voyant proceder noſtre remede puiſſent prendre cet eſtonnement, par ceſte conſequence que ſi les moindres l'aſſiſtent de la façon & ſi courageuſement que feront ceux qui ſont de meſme eſtoffe & qui ſont intereſſez dans noſtre amitié par alliance.

FABLE XXIIII.

D'un vieillard & de la Mort.

VN vieillard voyant la mort venir à luy pour le tuer, commença à la prier quelle attendiſt vn peu, & quelle luy permiſt de faire ſon teſtament, & de diſpoſer de ſes biens & de

sa conscience : La mort luy fit réponse
quelle ne vouloit nullement attendre,
quelle s'estoit assez presentee de fois
pour l'obliger de songer à la disposi-
tion de ses biens & de sa conscience, &
que s'il ne l'auoit pas fait s'estoit sa fau-
te & non à elle, puis qu'elle luy auoit
fait ceste grace de si souuent l'en ad-
uertir, à cela le vieillard repartit qu'il
ne l'auoit iamais veüe, quelle ne l'auoit
iamais aduerty, & que si cela eust esté
qu'il n'eust pas manqué à s'appareiller
pour partir de ce monde : la vie que
l'on y menoit estant beaucoup plus
douloureuse qu'agreable principale-
ment en l'aage qu'il auoit, ou l'on
est desplaisant à vn chacun, ou tout
desplaist de telle façon que l'on se des-
plaist mesme de soy-mesme : A cela
la mort pour le conuaincre luy dit,
lors que tes forces t'ont manqué, que
les douleurs continuelles t'ont fait

estre plus malade que sain , que tu as
veu mourir deuant toy la pluspart de
ceux qui estoient d'un mesme aage, que
tu as veu remporter tant d'enfans &
des ieunes hommes, esquels la force &
la vigueur sembloit promettre de n'ar-
riuer iamais à ce poinct, tout cela à ton
aduis n'estoit-ce pas autant d'aduer-
tissemens pour te faire songer qu'il faut
mourir, & que par consequent tu auois
à donner ordre à tes affaires pour n'es-
tre pas surpris au partir comme tu es.

S E N S M O R A L.

CESTE Fable nous apprend que le temps
de partir de ce monde, nous estant in-
certain , qu'il doit estre de nostre prudence,
de ny estre pas surprins, & d'y prendre tous-
iours garde , qu'estans instruits comme dit
la Fable, par les accidens que nous voyons

*naître & mourir, Ces mots ie n'y ay point
pensé, ne nous peuvent servir de terme suffi-
sant pour excuser nostre paresse: C'est pour-
quoy, puis que nous ne possédons rien en ce
monde, qui nous soit si certain que la mort,
nous devons apprendre tous les iours comme
il faut mourir, & nous tenir tellement
parfaits dans têt exercice que le visage dont
on la peint qui nous fait peur, ne nous eston-
ne que comme un bon heur qui nous arrive
sans l'attendre.*

FABLE XXV.

D'un Singe & d'une teste de bois.

VN Singe entra vn iour dans la
maison d'un Sculpteur, & la cu-
riosité le portant à vouloir voir & ma-
nier tous les instrumens & ouurages
d'iceluy, apres auoir tourné & retour-

né tout il tomba entre ſes mains vne teſte de bois, ou le Sculpteur auoit mis à la faire vne partie de ſon art & de ſa ſuffiſance, & la conſiderant attentiuement, commença à dire : C'eſt vne choſe eſtrange, ô teſte que tu ſois faite avec tant d'art & d'inuention, & que neantmoins tu ſois ſans eſprit & ſans ſentiment & pour tout potage vne teſte de bois.

SENS MORAL.

CEſte Fable nous apprend que l'intérieur ne ſe doit pas iuger par l'extérieur, & qu'encor que la beauté du corps nous doine donner indice d'une belle ame, ſi eſt-ce que bien plus ſouuent nous voyons de ceux qui mettent toute la force de leur eſprit à paroître beaux, eſtre plus ſtupides & ſans ſentiment, que les autres qui n'ont point toute ceſte curioſité.

F A B L E X X V I.

De la Lyonne & de la Renarde.

LA Renarde se mocquoit vn iour de la Lyonne, luy disant tu paroïs grandement forte & vigoureuse, & par ta presence il n'y a point d'animal qui te voye à qui tu ne face peur, neantmoins tu es si sterile qu'au lieu que de ta façon l'on se deuroit promettre en ton accouchement quantité d'enfans, tu te contentes à en faire vn, si bien que quand on dit la Lyonne est sur le poinct de faire ses petits, & que l'on espere voir quelque portée prodigieuse, l'on est tout estonné que l'on entend dire elle en a fait vn, la Lyonne pour repartir à ceste gaufferie, ne dit autre chose, il est vray que ie ne fais qu'un fils, mais aussi c'est vn Lyon.

SENS MORAL.

LA Fable nous enſeigne que la qualité ſe doit conſiderer, & non pas la quantité, parce que quoy que la nature en ſa production, face ce quelle peut pour faire deuenir tous les enfans qui naiſſent hommes, ſi eſt-ce pourtant qu'il n'y a que ceux qui poſſèdent la ſageſſe & la vertu qui meritent d'eſtre eſtimez tels, & qui puiſſent dans le cours de leur vie acquerir ceſte opinion dans le monde. C'eſt ceſte raiſon qui faiſoit en plein marché & en plein iour, avec une lanterne en la main chercher un homme par Diogene, reſpondant à ceux qui ſ'imaginoient que ſa recherche heurtoit le ſens commun, qu'à la vérité qu'il n'y en auoit pas un qui ne portast la face & la forme d'un homme : Mais que leurs mauuiſes mœurs & leurs mauuiſes habitudes les de-

figuroient en sorte qu'il estoit comme impossible de les recognoistre : C'est pourquoy suivant nostre Fable & ceste Verité, nous pouvons dire. Heureuse la mere qui respond comme la Lyonne à une infinité de Coquettes qui ne se glorifient que d'avoir toujours le ventre plein. Dieu ne me fait point la grace de porter beaucoup d'enfans, Mais aussi quand i'en ay ce sont des hommes, ils sont tels que leurs actions ne degenerent point à l'intention de ceux qui leur ont donné l'estre & la vertu dedans leur conduite, leur donne un tel ascendant dedans les cœurs de leurs compatriotes, que la bienveillance d'un chacun, (acquise par ceste forme de vie) fera qu'ils ne feront jamais de honte à ceux qui les ont mis sur la terre.

F A B L E X X V I I.

*D'un petit enfant & d'un
Scorpion.*

VN petit enfant alloit cherchant
des Sauterelles parmy vn bois, &
comme innocemment il vouloit pren-
dre tout ce qu'il voyoit il rencontre vn
Scorpion, ſur lequel auſſi toſt il iette
la main pour le prendre : le Scorpion
cognoiſſant la ſimplicité de l'enfant
ne le voulut pas offencer, mais en l'ad-
uertiffant luy dit fuy t'en d'icy & oſte
la main de deſſus moy, autrement ie
te feray mourir.

S E N S M O R A L.

LA Fable nous enseigne qu'il faut en ce monde pour y vivre , cognoistre les subtilitez & les finesses qui s'y pratiquent, non pour les exercer , mais pour les sçauoir fuir, parce que si l'on est si simple que l'on ne cognoisse sinon ce que nostre nature nous enseigne facilement, nous nous engageons dans des malheurs , lesquels un homme aduisé par son experience peut euitier.

F A B L E X X V I I I.

*D'un Lyon amoureux de la fille
d'un Paysan.*

VN Lyon quoy que ce fut vn animal tres-farouche , & qui sem-

blaſt ne ſe pouuoir iamais appriuoifer
nulle part, deuint neantmoins amou-
reux de la fille d'un Payſan, & telle-
ment eſpris qu'il demanda au Payſan
ſ'il la luy vouloit donner pour femme:
Le Payſan luy fit reſponce qu'il ne ſe
vouloit pas apparenter avec vne beſte,
Le Lyon commença à ſe heriſſer de
colere, & menaça le payſan, tellement
que le pauvre Payſan le voyant tout
plein de fureur, & craignant que ſa co-
lere ne ſe conuertit à ſa ruine, fut con-
traint de luy dire pour l'appaiſer qu'il
le vouloit bien : Mais qu'auparauant
qu'il d'eſpouſer ſa fille, il vouloit qu'il
ſe rongnaſt les ongles, & qu'il fit arra-
cher ces dents. L'Amour eut vne telle
force ſur l'eſprit du Lyon, que quoy
qu'il cogneut que c'eſtoit vne des plus
grandes parties de ces forces, il ne laiſ-
ſa pas de faire tout ce que le Payſan
luy auoit enchargé, tellement qu'a-

pres qu'il eut obey à ce commandement, tout ioyeux & tout viuant d'espoir, il se presente au Paysan & le somme de sa promesse, puis qu'il luy auoit tenu la sienne : Mais le Paysan le voyant sans ongles & sans dents, commence à prendre des armes & le combat assez facilement n'ayant plus dequoy se defendre, tellement qu'il le tua sur le champ.

S E N S M O R A L .

VOici *une Fable, qui nous fait voir à descouuèr les rages de ceux dont amour possèdent les esprits, estant tellement abrutis de ceste passion, qu'ils s'oublient eux mesmes pour posseder ce qu'ils aiment: Mais comme il nous monstre le danger ou nostre passion nous porte, aussi nous apprend-il par l'exemple de ce Lyon, de ne nous confier telle-*
ment

ment entre les mains de nos ennemis , que nous ne ſçachons auoir autant de facilité à la ſortie comme nous auons eu de liberté à l'entree.

F A B L E X X I X.

D'un Coq & de la pierre precieuſe.

VN Coq ſe pourmenant ſur vn fumier trouua en cherchant ſa paſture vne pierre precieuſe, alors il comença à dire ſi vn lapidaire ou quelque autre perſonne curieux l'auoit trouuee , il l'eſtimeroit fort, & ſe feroit riche de la valeur , mais à moy cela m'eſt fort peu vtile , & fais peu d'eſtime de toy parce que pour l'vſage de ma vie j'aime mieux vn grain de bled qui me donne nourriture que toutes les pierres du monde qui n'ont beauté & prix qu'en l'opinion.

G

S E N S M O R A L

QUand ie vois le Coq de ceste Fable,
 chercher glorieusement & arrogam-
 ment sa pasture dans ce fumier, & par ha-
 zard y rencontrer une pierre tres-precieuse
 & tres-belle, & neantmoins n'en faire au-
 cune estime: Il me semble voir ces Messieurs
 qui enfouys dans quantité de satin & de
 Panne, & sur un monceau de richesses,
 lesquelles on peut attribuer au fumier, puis
 que toutes ces choses ne sont que l'excrement
 de la terre, chercher arrogamment & glo-
 rieusement le moyen d'assouvir leur ame de
 tous les plaisirs qui se peuvent gouter, par
 le moyen des richesses, au bout de là rencon-
 trer par hazard un homme vertueux, ou
 par quelque bonne inspiration la Vertu mes-
 me, & luy respondre de ceste sorte aux
 persuasions que cét homme luy fait, ou que la

vertu meſme luy donne. Mon ami quel-
 qu'un moins riche que moy auroit affai-
 re de ta forme de viure pour par elle taf-
 cher d'acquérir le moyen d'euiter la neceſ-
 ſité, & rendre conſiderable parmy le mon-
 de : Mais la fortune ma fait naiſtre tel,
 que ie ne cogneis iamais la miſere, & ainſi
 ie ne ſçache point auoir affaire des moyens
 par leſquels tu diſ que l'on la peut euit-
 er, de plus conſidere le monde & ſon opinion :
 Ce n'eſt plus la mode d'affecter autre
 choſe que le bien, toutes choſes en compari-
 ſon ne ſont point eſſentielles de la vie,
 elles ne ſont qu'externes, & par conſe-
 quent fort peu conſiderables que pour di-
 uertiſſement : C'eſt pourquoy ie ſuis mar-
 ry que tu ne t'es auſſi bien rencontré, avec
 quelqu'un de ceux là que la miſere & la
 pauvreté oblige de ſe fournir d'inuentiōs &
 des moyēs, par leſquels tu diſ que l'on peut
 viure content & riche. Ce ſont ceux là qui
 ſe doiuent cherir, & qui doiuent faire cas

de toy, car pour moy qui n'en ay que faire, ie ne puis pas t'estimer beaucoup. Voila à peu pres ce me semble le discours de ces ames grossieres, dont la vileté & la bassesse ne donnent prix aux choses qu'entant que leur veüe leur peut apprendre ce que c'est, & encor bien qu'à force de regarder, leur veüe leur eut fait cognoistre quelque rareté en la chose, si est-ce que leur mesquinerie est telle qu'il n'en font estime qu'entant que leur auarice & leurs sales affectiions les y interessent, esprits & ames, d'autant plus blasmables qu'ils affectent le moins, ce dequoy ils s'estiment le plus paroistre: Car il est tres-certain que quoy que la plusspart des choses selon le iugement de ces Messieurs, ne se doiuent posseder que par opinion, si est-ce qu'ils veulent que l'on croye que d'estre sages & d'estre vertueux, Ce sont parties qui leur sont tellement essentielles, que comme dit Montagne de l'esprit, ils en ont à suffisance, & ne s'y peut adiouster rien d'auantage, le poursuiurois ce dis-

cours comme y ayant beaucoup de choses à dire : Mais ce seroit oster l'ordre que ie tiens dans ces fables , C'est pourquoy l'on recueillira simplement de la Fable & du sens que la vertu se doit estimer, & que pour estre quelquesfois trouuee en des lieux d'où l'on ne la pourroit pas esperer , que l'on ne doit pas pour cela en faire peu de cas ny peu d'estime, estant le propre de la vertu en ce temps icy, d'estre mal couuerte & mal accompagnee, & d'auoir son doüaire assigné sur la pauvrete.

F A B L E X X X.

Du Paysan & du Serpent.

VN Paysan trouuant vn iour vn serpent demy mort dans la neige la pitié eut quelque force sur son ame, ce qui fit qu'il le prit & le porta aupres

G 3

de son feu , pour tascher à luy redonner la vie, le Serpent ny fut pas long temps qu'il reprit ses premieres forces & son venin s'espandit incontinent par toute la maison, & l'infesta : Ce que voyant le Payfan , pour ce venger de l'ingratitude du Serpent, commence à prendre vn baston & chargeant dessus le Serpent, luy dit : Comment miserable as-tu bien le courage si mauvais de vouloir oster la vie à qui te l'a donnee?

S E N S M O R A L.

Voyci une Fable qui nous monstre, qu'il est tres-dangereux d'admettre toutes sortes de personnes dans sa maison, & quoy que ceste bonté de nature, que la Charité nous recommande, nous oblige d'avoir pitié des miserables, si est-ce qu'il faut

que nostre iugement interuenne dans ces
bons offices, afin de ne nous y engager que
de sorte, & qu'ils ne soient point suivis d'un
repentir, tels sont auourd'huy les valets
que l'on retire de la misere & de la necessité,
tels beaucoup d'autres qui s'introduisent &
ce coulent comme l'on dit en pas de larron
dans les maisons, & y estant réchauffez,
& y ayant quelque creance, Ce sont Ser-
pens qui espandent de leur venin & qui
insolent toute vne maison, ne nous laissant
de leur memoire qu'un regret d'auoir esté
enuers eux trop charitables.

F ABLE XX XI.

De quelque Pescheur.

Quelque Pescheur auoit ietté sa
rets tout le long du iour, & n'a-
uoit peu rien prédre tellement que tout

ennuyé, il commençoit à laisser le riuage, & s'en retourner à sa maison: Mais comme il y pensoit le moins, & qu'il n'attendoit plus aucune sorte de fortune pour ce iour là: Voila vn grand poisson se battant contre vn autre, se mit à fuir & sauta en la barque du Pescheur, qui tout rai d'aïse de ceste prise qu'il n'esperoit point, commence à retourner le prend & le porte à la ville, tellement que pour sa rareté & sa grandeur, il en tira vne grand quantité d'argent.

S E N S M O R A L.

Ceste-cy nous enseigne que les moyens de nous agrandir, ne dependent point de nous, qu'ils dependent autant de nostre bonne fortune que de nostre prudence, celui là qui disoit ie suis bien maitre de mes pro-

pos & non pas de la Fortune, & cét autre à qui on auoit baillé le choix de deux coffres, l'un plain d'or & l'autre de plomb, qui neantmoins print le pire, ceux là qui nous seruent d'exemple nous monstrent qu'en beaucoup de choses, le bon-heur fait une partie de nostre fortune, & que lors que nous entreprenons quelque affaire, si nostre prudence n'en fait reüssir les choses selon nostre desir, il ne nous faut armer que d'un peu de patience, afin que comme le temps a esté, celui qui nous a donné la prudence par l'experience des choses, il soit celui qui nous les face reüssir par leur euenement.

F A B L E X X X I I

*D'un Vieillard & d'une
jeune fille.*

IL prit enuie à vn Vieillard aagé de soixante & dix ans de se remarier, & ayant veu vne belle ieune fille aagée de quatorze ou quinze ans, il en deuint amoureux, & voulut l'auoir pour femme: Mais il ne fut pas long temps que le repentir ne suiuit son mariage, parce que ceste femme qui estoit ieune pleine de feu, amoureuse tout ce qui se peut, comme en vn aage ou les chaleurs de l'amour ne font que naistre, en vn mot sur le point d'enrager, au lieu que ce Vieillard estoit tout refroidy, tout sec & attenué du soucy de l'aage & des affaires, plus de pouuoir

de bien faire qu'en la volonté, & par ainsi ne pouvant contenter dans le doux passetemps son espouse, il comença à dire ce mot, ô moy misérable ! i'ay tres-mal departy l'usage de ma vie, lors que i'estois ieune fort & vigoureux, plain de feu & de passion: C'estoit lors qu'il me manquoit vne femme, & maintenant que ie suis tout sec & tout attenué, i'en ay assez & ie luy manque.

S E N S M O R A L.

*C*ESTE Fable nous monstre que les choses faites hors de temps & de saison, n'ont point de grace, tant enuers ceux à qui nous voulons plaire qu'enuers nous, qui ne recherchons que nostre contentement, & qu'il est certain temps de les faire, lequel

temps estant passé nous ne devons plus y songer : Semblable à celuy à qui sa mere disoit, mon fils mariez vous, à laquelle il fit response : Il n'est pas encor temps, il faut que j'aye l'aage pour pouvoir user de ma raison, ce qu'attendant sa mere & cet aage estant venu, elle luy fit la mesme semonce : Alors il luy dit, vous m'avez permis d'attendre le temps que j'eusse de la raison pour me marier : Maintenant que j'en ay quelque peu, il me semble quelle me sert pour ne me marier point du tout.

F A B L E XXXIII.

De la Corneille & de la Brebis.

VNe Corneille estoit sur le dos d'une Brebis qui crioit tres-fort, la Brebis faschee & importunee de

On cry, commence à luy dire: tu fais bien de la resoluë, parce que tu vois que ie ne te peux mal faire. Mais tu n'as garde de t'adresser au Chien à vser de ces importunitéz, la Corneille re-
plique, Je sçay bien ce que ie fais, ie suis amie aux cruels & tasche de m'in-
finuer en leur grace, par douceur & ap-
plaudissement: Mais pour ceux que ie
vois qui ne me peuuent faire mal, &
qui par vn naturel trop doux, laissent
emporter sur eux tout ce que l'on y
veut entreprendre. C'est ceux là que
ie traite rigoureusement, afin que vers
eux me rendant formidable & cela
face croire aux autres, que i'ay le cou-
rage de leur espee.

SENS MORAL.

IL semble que la Fable nous vneille dire,
que pour viure en quelque tranquillité

parmy le monde, il faille un peu faire le mauvais, & pour à celle fin que ceste façon de faire reüssisse, qu'il faut bien regarder à qui l'on s'adresse : Cela est tres-certain, que beaucoup comme l'on dit aujour d'huys, iouent de l'esprit & se font croire tout autre chose qu'il ne sont : Mais aussi n'est-ce que pour un temps, & les peines que l'on a à pratiquer ceste façon de viure, vendent ce me semble par trop cher, ce qui ne nous peut apporter que du trouble, & une certaine opinion de nous mesmes, laquelle en fin se conuertit à nostre honte.

FABLE XXVIII.

D'un Auare.

VN auare fut enuoyé ambassadeur en vne ville, & comme c'est la coustume que quand il est arriué quel-

qu'un de qualité & de marque, les
joueurs de trompettes, & autres telles
fortes de gens vont les voir, & les sa-
luer avec leurs instruments, en espe-
rance d'avoir quelque piece d'argent,
cét ambassade icy eut ces mesmes sa-
lutations : Mais comme l'avarice le
commandoit outre mesure, si tost qu'il
entendit le son de ces instrumens, pour
éviter de donner la gratification ordi-
naire, il leur fit dire qu'ils ne jouassent
point, que sa mere estoit morte, ce qui
l'empeschoit de prendre aucun goust,
ny recreation aux plaisirs du monde,
l'on sceut par la ville incontinent que
la mort de sa mere avoit empesché que
les trompettes & autres instrumens
n'auoient point joué, tellement que
quantité de bourgeois & honnestes
gens le furent visiter pour le consoler,
& parlans de son affliction luy deman-
derent le temps qu'il y avoit que sa mere

re estoit morte, il respōdit qu'il y auoit quarante ans à l'heure mesme : Ces Messieurs cognoissans que ce n'estoit point le dueil qui le pouuoit empescher qu'il n'entendit les trompettes , mais bien la crainte de l'auarice de leur donner quelqu'argent , Ils le quitterent & se mirent à rire de ce que la vilenie & la sordité de sa nature luy commandoit , de sorte qu'il se priuoit du plus doux honneur & contentement que l'on puisse desirer ny receuoir en ces actions là.

S E N S M O R A L.

LA Fable nous apprend que ceux qui aiment l'argent, ont ce malheur d'estre tellement priuez de iugement, que quelque belle action ou ils peussent estre employez, & quelque occasion qui leur passe ou ils pensent

pensent acquerir de l'honneur, & mesmes d'auantage de bien qu'ils n'en ont, neantmoins leur extrême auarice leur auengle tellement les sens qu'ils ne se soucient point d'estre mesestimez, d'estre bassfoüiez & moquez de tout le monde, pourueu que lors que la necessité les contraigne à dependre vn escu, ils en sauuent cinq sols.

FABLE XXXV.

D'une Poule & d'un Renard.

LE Renard entra vn iour en vn poullier, & voyant quantité de poules, & entre autres vne qui estoit toute malade, Il commença à luy demander comme elle se portoit, ie me porterois bien luy respondit-elle, si ie te voyois party d'icy.

H

SENS MORAL.

LA Fable veut dire, que quoy qu'il ne faille hayr personne, que neantmoins la presence de nos ennemis ne nous peut estre que fascheuse, parce qu'ils ne peuvent estre nos ennemis qu'à cause de l'offence qu'ils ont receüe ou qu'il nous ont faite, tellement que ce ne pouuant estre qu'un reproche, il est plus à propos de ne les voir point que de les voir.

FABLE XXXVI.

D'un Renard.

LE Renard vn iour se promenant dans vn iardin, veit quelques grappes de raisin en vne treille, pres-

que meures, & comme son gouſt & ſon appetit le ſolicitoient de taſcher d'en auoir; Il commence à ſe dresser ſur les pieds de derriere, & s'approchant de là treille faiſoit ce qu'il pouuoit pour en atteindre: Mais il ſe trouua trop petit, & voyant qu'il n'en pouſſoit auoir, il commença à dire, Je n'en veux point: car elles ne ſont pas encore meures.

S E N S M O R A L.

LA Fable nous monſtre qu'un homme prudent doit ſeindre, de ne vouloir les choſes que ſon pouuoir ne luy peut donner.

F A B L E X X X V I I.

D'un Renard & d'un Payſan.

VN Renard auoit tué vne grande quantité de poulets, qui eſtoient à vn Payſan, lequel indigné de ce mal, commence à rendre vn piege par l'endroit ou il pouuoit iuger qu'il pouuoit paſſer, eſperant de le prendre & de ce pouuoir venger de luy, Ce qui reüſſit aſſez heureuſement : Car le Renard y fut pris, lequel auſſi toſt voyant ſa liberté perdue, & proche de ſa mort. Commença a auoir recours aux prieres, luy diſant : Ie te prie ne me tue point, iete promets & te iure de ne te faire iamais aucun mal, & que tu n'auras iamais ſuiet de te plaindre de moy: Le Payſan luy repartit, cela ſeroit bon

Si tu estois vn animal fidelle, ie pour-
rois adiouster foy à tes paroles & te
pourrois pardonner, Mais tu es par trop
trompeur, vn chacun te recognoit tel:
C'est pourquoy il faut que tu meures,
car ie ne me veux pas fier à toy.

SENS MORAL.

L*A Fable veut dire, que la Fortune*
nous ayant mis en main & sous nostre
pouuoir, celuy qui fait profession & mestier
de tromper, que nous luy deuons aussi peu
pardonner, le pouuant punir, comme de
nous fier à luy & auoir des assurances de
sa foy, apres que nous auons eu l'expe-
rience de sa tromperie.

FABLE XXXVIII.

*De l'Asne du Singe & de
la Taupe.*

L'Asne, le Singe, & la Taupe, se rencontrèrent vn iour, & discourant des biens & des maux, esquelles la nature les auoit assuietties : L'Asne se commença à se plaindre, disant qu'elle n'auoit point de cornes pour sa deffence, le Singe cōmença à dire qu'il auoit encor plus de subiet de se plaindre qu'elle, parce qu'il n'auoit point de queue, qui est toutela grace de ce qui se peut dire animal : La Taupe escoutoit tout ces discours, & voyant qu'il se plaignoient comme à tort puis qu'ils iouyssoient de la veuë, qui est vn des grands biens du monde : Elle com-

mença à leur faire ceſte reprimande
taifez vous , vous ne deuriiez pas
vous plaindre , me voyant n'auoir
point d'yeux.

SENS MORAL.

LA Fable nous monſtre que nous ſom-
mes toujours pauvres , que nous me-
ſurons les biens à l'aune de l'opinion , &
non à celle de la neceſſité , & que ſi nous
conſiderons les malheurs qui ſont attachez
aux fortunes d'autrui : nous nous trouue-
rons tous tres-heureux , y en ayant beau-
coup plus au deſſous de nous , que non pas
au deſſus. Mais c'eſt un pas gliffant que
l'opinion , beaucoup s'y perdent , peu conſi-
derent qu'il n'y a que celuy là malheureux
qui le penſe eſtre.

H 4

FABLE XXXIX.

De l'Agneau & du Loup.

L'Agneau alloit avec le Bouc, & le Loup le voyant en ceste compagnie commença à luy dire; Pourquoi as-tu abandonné ta mere pour suivre le Bouc qui est puant, malfait & malotru, qui n'est point de ton espece ny de ta nature, & qui en quelque affaire que tu ayes ne te peut donner aide ny conseil: crois moy retourne à ta mere, elle a les mammelles toutes plaines de lait, elle t'aime & te chérit & te recevra avec toutes les ioyes qu'un fils peut attendre d'une bonne mere, tout cecy estoit dit par le Loup pour essayer de persuader le pauvre Agneau, de quitter le Bouc, pour puis apres plus facile-

ment le deuorer & le manger : Mais l'Agneau ne croyant pas de leger , luy repartit : les commandemens que ma mere m'a faits m'ont esté faits premier que tes aduertissemens. C'est ce qui me fera plustost y obeyr que de te croire, & quoy que ie fois ieune, si est-ce que ie cognois bien que tes paroles n'ont autre but que d'essayer à me tirer d'avec le Bouc, pour plus facilement me deuorer , mais tu peux bien ferrer la main & dire que tu ne tiens rien.

S E N S M O R A L.

CESTE Fable nous apprend que nos peres & meres , ou ceux qui ont sur nous quelque ascendant , nous ayant commandé quelque chose : que l'obeissance y doit estre si entiere , que nulles raisons quoy que plaines d'apparence pour nostre bien , ne

nous doivent diuertir de l'exécution de leurs
commandemens, & qu'il vaut toujours
mieux faillir envers eux par obeissance que
s'en excuser par raison.

F A B L E X L.

De l'Anguille & du Serpent.

L'Anguille disoit au Serpent, pour-
quoy sommes nous presque sem-
blables, & neantmoins les hommes me
font bien plus la chasse qu'à toy : Le
Serpent luy repartit, c'est parce que
d'un chacun qui m'offence ie me venge.

S E N S M O R A L.

LA Fable nous apprend, que pour vi-
ure dans le monde, avec certaine tran-

quilité, qu'il faut repouſſer la force par la force, & monſtrer viſage ferme & aſſuré à tout ce qui paroïſt auoir deſſain de nous heurter : Ce n'eſt pas que pour cela on en aye moins d'ennemis, mais la crainte que prennent tels ennemis de noſtre aſſurance, fait que nous auons moins d'occasions de querelles par eux, de plus de tous ces fantaſques là, il n'y en a pas un qui vusille mourir, la pluſſpart de tous les plus grands querelleux, quand ils croient auoir affaire à quelqu'un qui leur peut rendre l'aſſront qu'il penſent faire, ils ne l'entreprennent que le plus tard qu'ils peuuent : là où ceux qui par leur bonté, ou qui par trop peu de ſentiment, teſmoignent ne cognoiſtre le temps qu'il ſe faut reſſentir ou n'en auoir pas l'aſſurance : Ceux là donnent occasion d'entreprendre ſur eux, de ſorte qu'ils ne ſont plus que l'objet de la moquerie de tout le monde, & particulièrement de ces ſanfaraons qui ne cherchent que quelques uns dont la bonté

& la simplicité facent paroistre leur temerité & leur effronterie. C'est pourquoy pour obuier à ce mal, suiuant le sens de ceste Fable, il ne faut pas faire des querelles ; mais lors que l'on nous les fait, il faut les repousser, & monstrier vn visage si ferme en ces actions, que la premiere vengeance que nous ferons d'un affront qui nous aura esté fait, serue d'exemple & de crainte à tous ceux dont la mauuaise volonté ne recherche que l'occasion de se faire estimer à nostre preiudice.

FABLE XLI.

Du Loup & d'une Gruë.

VN Loup mangeant d'une brebis se mit vn os de trauers dans la gueulle, lequel luy donnoit beaucoup de peine, & pour se soulager, chercha

par tout quelqu'un qu'il le voulust secourir en ce mal , offrant de grandes recompenses , à celuy là qui le luy tireroit : Mais pas un de tous ceux qu'il rechercha ne voulut luy faire ce plaisir, amenant toujours quelque difficulté en l'exécution de sa priere , tellement que demy desespéré dans le mal qu'il enduroit : Il rencontra la Gruë, qu'il ne l'auoit point encores veu , à laquelle usant des mesmes promesses qu'il auoit fait aux autres , & luy remontrant que facilement avec son bec & son col long , elle le pourroit tirer, elle s'y accorda, & mettant son bec & son col fort auant dans le gosier du Loup , elle fit tant quelle luy arracha, ce qu'estant fait , elle luy demanda le salaire qu'il luy auoit promis: Mais au lieu de luy donner, elle n'eut recompense que par des paroles qui furent telles , tu me demandes salai-

te pour m'auoir fait ce dis-tu vn plaisir, & moy ie te dis que ie t'ay recompensee assez quand il a esté en ma puissance de te faire mourir : & que ie te laisse viure lors que tu as eu ton col & ton bec dans ma gueulle, ie pouuois te le couper de mes dents, ce que ie n'ay pas fait : ainsi tu m'as plus d'obligation que ie ne t'en ay, Car tu ne m'as osté qu'une incommodité que ie receuois, & ie t'ay sauué la vie que ie te pouuois oster. C'est pourquoy, si tu es sage ne me demande rien & t'en va.

S E N S M O R A L.

CESTE Fable ne nous veut dire autre chose, que qui fait du bien à un ingrat, il voit sa peine & son industrie perir deuant ses yeux, & n'auoir autre récompense que l'ingratitude.

F A B L E X L I I.

D'un pere de famille de ses enfans.

VN pere de famille voyant vn iour tous ses enfans se quereller & se battre, sans que son autorité ny les remonstrances peussent y donner ordre, & estant fort ennuyé de cette façon de viure, pour dernier remede voulant voir si les exemples n'auroient point plus de force que les preceptes, il enuoya chercher vn pacquet de gaules, lesquelles estans venus il leur fit prendre les vns apres les autres le paquet tout entier, leur commandant de les rompre, s'il le pouuoient faire : Mais apres auoir par vn long temps essayé tous à exccuter les commandemens de leur pere, & ne le pouuant, ils remirent le paquet entre les

mains, alors le bon homme le leur bail-
 la separees avec mesme commande-
 ment côme il leur auoit fait, qui estoit
 de la rompre, ce qu'ils firent fort aisé-
 ment, alors il leur dit: Mes enfans ap-
 prenez de cet exemple que comme ces
 gaüles, lors quelles ont esté liees tou-
 tes ensemble quelque effort que vous
 ayez sceu faire pour les rompre, vous
 n'avez veu inutile & sans effect, au lieu
 que si tost que ie vous les ay baillées
 vne à vne, vous les avez rompuës faci-
 lement, ainsi est-il de vous autres, si
 vous vivez en concorde & liees d'amitié
 les vns avec les autres, & que vous
 ne soyez point diuisez par querelles
 ny disputes, vous ne pourrez point
 estre rompus ny defaits, & vos enne-
 mis ne vous considereront iamais sans
 crainte, ou au contraire si les querelles
 vous diuisent & vous separent comme
 vous avez rompu ces gaüles, facile-
 ment

ment vne à vne, ainsi seriez vous rompus & deffaits.

SENS MORAL.

QUoy que ceste Fable porte son sens quand & soy, & que fort peu de personnes la puissent lire qu'ils ne l'entendent, si est-ce que nous dirons encore qu'oultre que dans la concorde, & l'amitié des freres Dieu estend ses benedictions, ce qui les fait reüssir, qu'il n'est point d'Estats, d'Empires, de Monarchies, ny de Republiques, qui ayant la concorde & l'union ne se rendent inexpugnables à tous les efforts qui viennent de la part de l'enuie & de la fortune pour les perdre, ou au contraire la diuision & le mal entendu estant parmy eux, ils restent sans aide & sans conseil, & tellement à la discretion de leur ennemy, que par quelque costé que leurs ennemis les attaquent

C'est tousiours le costé de leur ruine, & avec facilité qu'ils les terrassent.

F A B L E X L I I I .

D'une femme & d'une Poulle.

Un Ne femme auoit vne poulle qui estoit si feconde & bonne, comme les femmes les estiment, qu'elle ne manquoit point tous les iours de pondre vn œuf, ce que la femme considerant attentiuement, & croyant que si elle la nourrissoit d'auantage, au lieu d'un œuf quelle luy donnoit tous les iours, elle en donneroit deux ou trois, par ceste raison & si grand desir d'auoir plus de bien quelle n'auoit, elle commença à la nourrir beaucoup plus qu'à l'ordinaire, tellement quelle deuint si grasse qu'au lieu de pondre vn

œuf seulement comme elle auoit accoustumé, elle n'en pondit point du tout & rendit par trop de graisse, l'esperance de ceste femme vaine.

SENS MORAL.

LA Fable nous fait voir que la grand enuie d'auoir du bien auengle l'homme tellement, qu'il ne cesse de songer & de penser par quels moyens il pourra s'augmenter & s'accroistre, & Dieu qui est celuy seul qui nous dōne les biens & les cōmoditez, indigné de voir que l'homme l'en mescognoit pour autheur, permet que la quantité de ces inuentions ne luy retournent qu'à sa confusion & à sa honte, & que d'heureux & de riche qu'il pouuoit estre, se contentant, sa vie n'est plus qu'un continuel repentir contre soy pour s'estre luy mesme fait miserable, l'on peut auoir encor ceste autre consi-

132 *Instruct. Morales & Politiq.*
deration pour la Fable, que le grand aise est
la perte des meilleures actions, que l'esprit
aient tasche & endormy, lors que l'on luy
donne plus de nourriture que de travail
que l'engrais & la faineantise l'eneruent,
& luy ostent les moyens d'user de ses
puissances.

FABLE XXXIIII.

Du Renard & du Leopard.

VN Renard, & vn Leopard, se
mirent vn iour à discourir de la
beauté; Le Leopard commença à esti-
mer les couleurs de sa peau, disant:
qu'en elle seule se pouuoit trouuer vne
telle variation, que les yeux des hom-
mes se pouuoient arrester sans s'en-
nuyer, de plus que sa peau seule por-
toit les couleurs presque de tous les

autres animaux, qu'elle estoit tousiours
luisante & belle, & qu'ainsi l'on ne luy
pouuoit denier le prix de la beauté. Le
Renard luy repartit, ô Leopard que
tu es bien abusé, ie me tiens & m'esti-
me beaucoup plus beau que toy, tu
estimes ta peau & l'esclat de ses cou-
leurs, & moy ie croy auoir l'esprit meil-
leur que toy, & croy que c'est là la v-
ce
estime que l'on doit faire de la beauté,
parce que mon esprit me fait aimer &
cherir de ceux qui me cognoissent, &
ta façon & ta beauté te font regarder
pour te faire hayr.

S E N S M O R A L.

*L'*On peut rapporter ceste Fable, en ce qui
est des femmes qui n'aiment rien que
leur peau, & n'ont autre soucy que de s'atti-
fer, ausquelles curiositez elles employent la
moitié de leur vie, & le tout pour seulemēt

estre dites belles : Mais comme de quelque sens que l'on la paut prendre, la conclusion seroit tousiours à l'aduantage de l'esprit, il vaut mieux dire simplement pour la Moralité, que l'esprit à tousiours bien plus de suite & plus d'estime parmy les hommes que le corps, qui n'a mouuement, force, ny forme que par la vigueur de l'esprit, que c'est luy par lequel nous sommes estimez, cheries & honorez, & que la beauté du corps est passagere, au lieu que celle de l'esprit est eternelle, ainsi que c'est l'esprit seul que l'on doit estimer & non le corps.

F A B L E X L V.

Du Renard & du Lyon.

I Amais le Renard n'auoit encor veu le Lyon, vniour il le rencontra, & le voyant : Il fut pris d'une telle peur qu'il s'en fallut peu qu'il ne mou-

fut, vne autrefois il le rencontra & eut encor grand peur, mais non tant qu'à la premiere fois: Mais pour la troisiéme fois, le rencontrant il n'eut pas seulement peur, mais avec toute sorte de confiance, il commença à luy parler, & à deuiser familièrement avec luy.

SENS MORAL.

LA Fable nous monstre que la conuersation continuee enuers les plus rudes & les plus fascheux, nous les rend doux & traittables, & qu'au lieu de crainte que nous auons eu de les aborder deuant que de les cognoistre, nous y prenons du plaisir & du contentement, estant le propre de l'homme que la communication, particulièrement de celle là qui donne un peu de peine à l'esprit pour en captiuer la bienueillance.

F A B L E X L V I.

Du Roseau & de l'Oliue.

L'Oliue & le Roseau, estant vn iour ensemble, & discourant de leurs particulieres proprietiez: L'Oliue disoit quelle auoit cēt aduantage sur le Roseau, quelle n'estoit point vacillante aux efforts & violences du vent, quē quelques rudes bourrasques qui luy peut venir de sa part, elle ne s'en estoit point, au contraire resistoit & tenoit ferme sans iamais plier contre les plus grands coups de sa malice: Le Roseau eut bien voulu repartir à toute ceste vanterie, mais ny ayant que le temps qui peut decider leur different, & faire cognoistre à l'Oliue de quel aduantage, il se pouuoit preualoir

contre elle, il eut patience que le temps fut changé, ce qui par bonne fortune pour luy arriua bien tost, tellement que s'estant esleué vn grand vent, le Roseau commença à monstrier ce qu'il sçauoit faire, & allant & venant selon que l'effort & la violence du vent le pouffoit, gauchissant & euitant par sa soupplésses les plus dangereux coups, se trouua en fin par sa propriété & sa patience, deliuré du danger de rompre, ce que ne fit pas l'Oliue : Car croyant pouuoir resister comme elle se l'estoit promise, voyant venir vn coup de vent elle se tint roide & ferme, mais le vent voyant son obstination, retourne avec encor de plus grandes secousses qu' auparauant, de sorte quelle n'en n'eut pas enduré deux ou trois, qu'il la rompit entierement, & la fit donner du nez en terre.

SENS MORAL.

LA Fable nous monstre, que les hommes sont beaucoup plus loüez de ceder au temps & à la nécessité que de vouloir résister, comme à fait l'Olive & rompre, & est un acte de prudence de n'entreprendre iamaïs rien, dont la suite puisse donner du desplaisir, & ceux lesquels sont si heureux que heurtans toutes sortes d'occasions, tout leur reüssit, doivent plustost estre dits enfans de la fortune que de la prudence.

FABLE XLVII.

De deux amis & d'un Ours. ~~Bien~~

DEux ieunes hommes se rencontrant vn iour à voyager ensemble

ſe firent par apparence tellement amis , qu'il ſembloit ne manquer plus que l'occafion pour teſmoigner leur fidelité : Laquelle par bonne fortune arriua en ceſte ſorte, comme ils eſtoient ſur le chemin, ne penſant à rien moins qu'à ce qu'il leur deuoit arriuer , ils virent ſortir d'un bois un Ours , qui par ſon extrême grandeur pouuoit apporter de l'eſtonnement aux plus aſſez. Lequel venoit droit à eux au grand pas les yeux tout de feu , la gueulle demy ouuerte , & en apparence pour les deuorer : un de ces cōpagnons icy voyant que la fuite ne pourroit ſeruir de rien, pour euitier le malheur qui eſtoit ſi preſent, & meſmes qu'ils eſtoient deux pour combattre ceſte furieuſe beſte, ſe reſolut de l'attendre , & pour cēt eſfect commença à dire à ſon compagnon , que puis qu'il ſembloit n'auoir manqué que d'occafion pour ſ'entre-

tesmoigner leur fidelité qu'il estoit fort aise qu'un peril, tel que celuy là fut arriué, afin de luy faire paroistre que c'estoient autant d'effets que ses paroles, alors qu'il luy auoit iuré tant de fois qu'il mettroit sa vie pour la sienne: L'autre ne repartit rien, mais voyant l'Ours fort pres & son compagnon resolu de l'attendre, & presque en posture, commença à se sauuer, & trouuant par fortune vn arbre tout aupres monta haut, duquel il vit son compagnon au combat, qui ayant fait ce qu'il pouoit pour euiter le danger ou il estoit, & se voyant abandonné & resté seul & sans aide, Il iugea bien que sa force n'estoit pas bastante pour resister à vne si puissante beste, & qu'il falloit que l'inuention le secourust: pour cet effect il se laissa tomber & feignit estre mort, l'Ours aussi tost se iette dessus, le sent & escoute par les oreilles & par le nez

pour voir ſ'il ne reſpiroit point: Mais celuy-cy tout au contraire retenant tant qu'il pouuoit ſon aleine, fit croire par ce moyen à l'Ours qu'il eſtoit mort, tellement qu'il ſ'en alla, parce que l'on dit que iamais il ne touche à vn corps mort, celuy qui eſtoit monté à l'arbre, & qui auoit veu comme l'Ours auoit ſenty ſi long temps ſon compagnon puis ſ'en eſtoit allé: Voyant qu'il n'y auoit plus de danger, commença de deſcendre de l'arbre & de venir demander à ſon amy ce que l'Ours luy auoit dit ſi long temps à l'oreille: L'autre luy reſpondit, il m'a aduertty que ie ne fuſſe ſi ſimple vne autrefois de m'accompagner d'un tel amy comme toy.

S E N S M O R A L.

Messieurs ; qui mettez toute vostre ieunesse en cēt estude , de sçauoir en perfection faire vne reuerence, dire vn compliment à propos , qui puisse engager vn hōme à croire que vous luy estes tres affectiōné, considerez par ceste Fable que si dans ces fadaiseries, vous ne vous y promettez que de la feinte ; que malaizément pouuez vous demeurer long temps à ioüer vn tel personnage , que les accidens qui sont iournalliers en la fortune , ne vous descouurent & ne facent cognoistre vostre tromperie : Et vous autres qui prenez des asseurances sur les premieres offres qui vous sont faites, d'une affectiō qui vous engage dans les premiers perils , parce que celuy qui vous accompagne vous à dit qu'il estoit vostre seruiteur , qu'il ne respire que l'occasion de

vous tesmoigner par la perte de sa vie,
 & bien il cherit vostre cognoissance, apprenez
 de ceste Fable que c'est un trait d'impru-
 dence, de croire tout ce que l'on vous dit,
 & une action d'une beste non pas d'un
 homme de s'accompagner indifferemment
 de toutes sortes de gens premier que de les
 cognoistre, il faut que les accidens qui sont
 sans cesse en flux & en reflux dans le
 commerce de nostre vie, vous donnent la
 cognoissance des actions bonnes où mauuai-
 ses, de celuy là qui se dit vostre amy, &
 pour le plus parfaitement cognoistre, il faut
 que tout ses discours respondent à ses actions,
 les actions aux accidens, & que les accidens
 ne se voyent considerees par luy, qu'entant
 que son service & vostre amitié l'y engagent
 & l'y interessent.

FABLE XLVIII.

D'un Satyre & d'un homme.

VN homme auoit fait amitié avec vn Satyre, & côme l'amitié semble estre seche & aride, & sans arrest, si on n'y admet ceste communication estroite de boire & de manger l'vn avec l'autre, l'homme desirant engager le Satyre le plus estroittement qu'il pouuoit en son amitié suiuant ceste vieille coustume, pria le Satyre de souper avec luy, le Satyre promet & s'y trouue, tellement qu'apres les premiers cōplimens faits, ils se mettent à table vis à vis l'vn de l'autre, ou ils ne furent pas long temps que le froid les surprit, auquel pour auoir quelque remede contre la violence, l'homme commença à por-

ter

ter ses mains à sa bouche & avec son
aleine les eschauffoit, le Satyre igno-
rant à quelle fin il ysoit de ceste façon
de faire, & la desirant apprendre, de-
manda à l'homme pourquoy il auoit
porté ses mains à sa bouche: l'homme
luy repartit qu'il y auoit senty vn grand
froid, & qu'il les eschauffoit par ce mo-
yen, le Satyre se contente de ceste res-
ponce comme ayant appris par elle ce
qu'il ne sçauoit pas, & ce qu'il auoit
desiré d'apprendre: Vn peu apres l'on
leur apporta de la viande, & s'en estans
seruis l'un l'autre comme elle estoit ex-
trêmement chaude, l'homme la porte
à sa bouche & la souffle pour la faire
refroidir, ce que voyant le Satyre; de-
meura tout estonné, parce que la rai-
son precedente que l'homme luy auoit
donnee pour le froid estoit toute con-
traire, & ne deuoit seruir de rien à l'ex-
trême chaleur qu'il voyoit paroistre à

K

la viande. C'est pourquoy aussi desir-
 reux qu'ignorant, il redemanda encor
 vne fois à l'homme, pourquoy il faisoit
 cela, à laquelle demande fut respondu
 par l'homme que c'estoit pour refroi-
 dir la viande, qu'il l'auoit soufflée; ô
 miserable commence à dire le Satyre,
 ie ne veux plus d'amitié avec toy, quel-
 le assurance peut-on tirer de ton ami-
 tié, puis que de ta bouche par laquelle
 tu la promets & tu la iures, tu fais sortir
 effects tout contraires.

S E N S M O R A L.

Ceste Fable nous apprend, qu'il y a bien
 de la peine à communiquer aujour-
 d'huyparmy le monde, parce qu'il en est fort
 peu dont les actions respondent aux pensees,
 & si n'estoit l'accortise que nous acquerons à
 force d'auoir la pratique du monde, qui nous
 fait parer aux difficultez que sa malice pro-

deut dans la communication : il seroit comme impossible de s'entrevoir, tant il s'en trouue peu aujourd'huy qui ne fassent profession de cacher autant leur vie, comme leur parler est double.

F A B L E X L I X.

*Des animaux à quatre pieds &
des oyseaux.*

ENtre les animaux de quatre pieds & les oyseaux, il aduint anciennement vne grád guerre, tellement qu'apres vne infinité de combats de part & d'autre, les animaux de quatre pieds se trouuant les plus foibles, pour auoir reuâche sur ceux qui les-auoiét vaincus: Ils enuoyerent des Ambassadeurs vers les poissons, les suppliant par ces Ambassadeurs de leur vouloir donner aide

& assistance, & les secourir contre les oyseaux, qui leur auoient mené depuis quelque temps vne cruelle guerre. Les poissons apres auoir entendu par les Ambassadeurs, le subiet qui les amenoit vers eux, ils firent responce que pour eux, ils ne vouloient encourir l'inimitié des vns, pour auoir l'amitié des autres, qu'estans faits par vn mesme Createur & à vne mesme fin, qu'il ne voyoient point lieu d'aider plustost aux vns qu'aux autres, & s'aquerir des ennemis vers lesquels ils n'auoient iamais rien eu à demeller, de plus que pour finale responce, qu'ils deuoient cōsiderer qu'ils ne pouuoient nullemēt leur donner ayde, parce que leur Eslement & leur demeure ordinaire estoit l'eau, & que pour leur aider il faudroit aller sur terre, ce qu'ils ne pouuoient faire.

SENS MORAL.

Ceste Fable nous monstre, que c'est Dieu seul, à qui nous deuons demander aide & assistance : C'est luy qui va sur les eaux & sur la terre, & qui cognoit nos necessitez, tous les hommes quoy que tous d'une mesme espeece ne sont point d'une mesme condition, & ainsi leur fortune estant appuyee par diuers intereſts, leur aide & leur assistance est caſuelle. C'est pourquoy nous auons ce mal, que dans la plus eſtroite amitié pour demander assistance, il faut de la conſideration, il faut de la preuoyance à ne demander chose qui nous puisse estre refusee, & qui n'importune point celuy qui nous la donne : Mais Dieu qui peut tout, qui a tousiours les bras ouuerts pour nous receuoir, C'est celuy là qui ne nous veut point de bien par intereſt, au contrai-

re qui nous les prodigue , qui nous suscite
une infinité de pensees , pour nous obliger de
recourir à luy , & de cognoistre qu'il n'y a
point de puissance plus asseuree pour nous
assister que celle là , qui ne depend que de
soy-mesme.

F A B L E L.

Du Lyon & du Renard.

LE Lyon estoit deuenu malade, &
son indisposition estant sceuë des
animaux cela fut cause qu'ils le vin-
drent tous visiter , hormis le Re-
nard , auquel pour l'obliger à venir,
le Lyon luy enuoyé vn Ambassa-
deur , avec lettres pleines de prieres &
de supplications , qu'il eust à venir , &
qu'il vouloit parler à luy avec asseuran-
ce qu'il ne luy feroit fait aucun tort: le
Renard ayant veu ces lettres, luy fit
responce qu'il desiroit grandement

Son aise & son repos, & que tous les iours il faisoit prieres à Dieu pour le recouurement de sa santé, mais qu'il le supplioit de luy pardonner s'il ne l'alloit pas voir, pource que la trace des pieds des animaux qui estoient allez le visiter, luy faisoient peur, à raison que l'on voyoit bien comme ils estoient entrez, & non pas comme ils estoient sortis.

SENS MORAL.

LA Fable nous apprend le peu d'assurance, que nous pouvons trouver aujourd'huy aux promesses du monde, & nous monstre qu'il ne nous faut pas estre si faciles que de nous assurer à des paroles, sans premierement avoir examiné l'apparence des effets qui nous sont promis par elles, étant une chose fort douteuse & pleine de grande

apparence, que l'issuë d'une affaire ne nous peut estre que mauuaise, lors que nous voyons quantité de carresses & de belles paroles mises en auant pour nous la persuader.

FABLE LI.

Du Renard & de la Cygogne.

LE Renard conuia vn iour la Cygogne à soupper avec luy, & comme estant de tout temps adonné à finesse & à malice, il mit ce qu'il auoit appresté pour le souper sur vne assiette, tellement que quand ce vint à soupper, la Cygogne pour auoir le bec fort long, ne peut du tout prendre sur l'assiette de ce qui y estoit: mais au contraire elle la voyoit lecher au Renard, & par ainsi tresbien soupper, & elle mourir de

faim & fut contrainte de s'en retourner mocquee. Mais peu de temps apres elle luy voulut rendre la pareille, & pour cét effect elle le conuie comme il l'auoit conuiee, le Renard promet & se trouue au iour assigné en la maison de la Cygogne, laquelle pour rendre le mesme tour au Renard qu'elle auoit receu, elle auoit mis ce quelle auoit ap- presté dás vne fiole de verre, qui auoit l'emboucheure fort estroite, & par ainsi le Renard pour n'auoir le col assez long & le museau assez menu, eut la mesme patience qu'il auoit fait souffrir à la Cygogne lors qu'il l'a pria de soupper : Car la Cygogne mettoit son bec & son col facilement dans le vase, & pouoit prendre de ce qu'il y auoit, là où le Renard mourant de faim, ne pouoit que lecher le verre, qui pour toutes choses neantmoins ne le nourrissoit que d'apparence, ainsi fut-il

*de Min**cad*

contraint de s'en retourner aussi moqué & aussi affamé de chez la Cygogne, comme elle l'estoit de chez luy, lors qu'elle en sortit.

SENS MORAL.

Ceste Fable nous fait voir, que la raillerie est une monnoye dont on ne se doit nullement servir, parce que comme le temps & l'occasion nous a fourny de subiet pour nous mocquer & nous rire d'autrui, que de mesme le temps & l'occasion estant aussi bien à un autre comme à nous, il le peut prendre & s'en servir à nostre disadvantage comme nous avons fait au sien. De plus, la repartie qui est faite, en suite de nostre raillerie, à tousiours bien plus de grace & plus d'attention enuers ceux qui nous considerent, que le discours qui a commencé la noise, la raison de cela est, que ceux

qui commencent , s'imaginent ne pouuoir rencontrer une pointe d'esprit en ce que l'on leur peut respondre , comme en ce qu'ils ont mis en auant , & la rencontrant ils sont d'autant plus confus, qu'il s'y estoient moins preparez , & ceux qui les escoutent estant comme les iuges pour par leur applaudissement donner la victoire à celuy qui a le mieux fait à leur fantasie , voyant celuy cy demeuré confus qui se le promettoit le moins , se rient & se moquent de luy, & qui luy rabat en telle sorte le courage, que quoy qu'il puisse mettre en auant , outre qu'il n'a plus les rieurs de son costé, c'est tousiours avec honte & confusion , tellement que pour conclusion la raillerie estant une monnoye qui retourne tousiours à son Maistre , & comme nous auons dit avec plus de desaduantage bien souuent qu'il n'en a sceu faire , il vaut mieux ne s'en mesler point & estre des rieurs. Ce sont gens qui ne dependent rien , & tout au contraire

156 *Instruct. Morales & Politiq.*
passent leur temps aux despens d'autrui,
& dont le iugement qu'ils font des choses
par leur applaudissement à une telle force
& un tel ascendant qu'il semble ny avoir
plus de grace à appeller de leur sentence.

F A B L E L I I.

*Fable d'un mary & de sa femme
qui est morte.*

g. *Emenda*
VN homme apres auoir esté ma-
rié quelque espace de temps à
une femme , à qui il tesmoignoit por-
ter beaucoup d'affection , fut priué
par la mort qui arriua à ceste femme,
des douceurs de sa compagnie : ce qui
luy fit aussi tost faire force plaintes,
tesmoignant par la rigueur de ses dou-
leurs , ne pouuoir iamais receuoir au-
cune consolation , & quoy qu'il eut

quantité de personnes dás ceste action pour le consoler & le resoudre: Comme l'on a accoustumé en telles choses, si est-cequ'il resmoignoit auoir l'oreille entierement bouchée à toutes les raisons que l'on luy pouuoit mettre en auant pour se subiet, & au contraire d'amolir son cœur, le roidir d'auantage pour viure plus long temps parmy ces douleurs & le mal de ceste separation. Qu'on ne me parle plus, disoit-il, de femme, ie n'en auray iamais d'autre que celle que i'ay perduë, ie n'ay pas si peu de cognoissance du monde, que ie ne sçache fort bien que toutes choses y sont inconstantes, que ce qui nous y arriue le moins est vn bon heur apres vn autre, que tous les visages sont differents, & par consequent de diuerses humeurs, ce qui ne me peut en tout promettre d'auoir vne femme semblable à celle que la mort m'a ostée:

Seray-ie pire qu'un petit oyseau, qui n'ayant point l'usage de la raison que par le sentiment de son inclination, à neantmoins vne telle conduite dans la perte d'une si chere fortune, quelle passe le reste de sa miserable vie toute seule sur du bois sec, avec un discours continuel de ces plaintes, & en resolution de n'avoir iamais autre compagnie: Non, non, si ie suis aussi miserable que ce petit oyseau en ma perte, ie ne veux pas estre plus heureux que luy dans mes plaintes: Pendant tout ce discours vint l'heure de mettre ceste femme en terre, tellement que les commeres & les amies qu'elle avoit acquises pendant sa vie, luy veulant rendre ce dernier devoir, s'y preparerent toutes ensemble à l'accompagner iusques au tombeau, vne entr'autres qui estoit venue en ceste action à la haste, & qui n'avoit peu prendre sa belle iuppe, ny

sa belle robbe, pour n'empescher que ceste action ne fut aussi celebre, comme son affection estoit grande, s'aduisa de prendre vne des robbes de la defunte femme pour paroistre aussi braue que les autres dans le conuoy, & le dernier honneur que l'on rendoit à ce corps : Mais comme elle choisissoit, & quelle ne s'estoit pas ietee sur vne des pires, le mary qui estoit là aupres tout triste, se retourne tout court, & tout surpris luy dit, laissez laissez ceste robbe, vous la pourriez gaster, si tost que ma femme sera en terre i'en ay desia vne toute trouuee, tellement que ie luy veux conseruer ces bonnes robbes, laissez la là, ie vous prie.

S E N S M O R A L

LE mariage est une action si pleine d'accidents, tant en la perte que l'on fait l'un de l'autre, comme en la possession, qu'il semble n'estre pas besoin d'auoir d'autre pierre de touche pour cognoistre le naturel d'un homme que sa pratique : Ceux qui sont mariez tiennent ces discours, que si l'on pouuoit changer de femmes, comme l'on fait de cheuaux, les Marchez ne seroient pas seulement termez les Vendredis : Mais l'on les tiendrait pleinement tout le long de la semaine, afin d'auoir plus de liberté de s'en deffaire, & tout au contraire ceux qui n'en sont point chargees & qui se passionnent pour rechercher une femme, ils ne perdent aucune Foire, aucune compaignie ny assemblée qu'il ne s'y trouuent, souhaitant de pouuoir reformer le Kalendrier, afin de rendre

rendre tous les iours semblables & tels
qu'ils peussent tousiours avec une mesme
liberté celebrer des nopces & pouuoir cher-
cher des femmes : Tellement qu'estant de-
dans ceste action si dissemblables , & si in-
constans , ie croy qu'au lieu de dire comme
ce Philosophe , pour cognoistre un homme
faites-le parler , il ne faudroit que dire ma-
riez-le , ou luy en faites prendre enuie , estant
tres-difficile de cacher ces passions là , en sor-
te que leur violence ne face cognoistre no-
stre inclination. Mais comme ce n'est point
mon intention d'estendre tous les subiets qui
se rencontrent dans ses matieres , & que
mon but n'est autre que de tirer quelque
sens de la Fable , pour monstrier le subiect
pourquoy elle a esté faite : Je laisseray ces
raisons , quoy quelles ne seroient possible
pas desagreables à quelques uns , pour dire
qu'estant tres-difficile de cacher de sorte nos
passions , que les accidents qui arriuent tous
les iours en la vie ne les descouurent , &

L

ne leur fassent cognoistre. Que pour eviter la tyrannie de destre crainte, il faut composer nostre interieur en sorte qu'il paroisse comme la maison de ce Romain percé tout à iour, que l'interieur se voye par l'exterieur, que nos actions respondent aux paroles, les paroles aux pensees, & en fin dans une si grande conformité de vie que ceux qui penseroient à nostre desadvantage l'expliquer & la reprendre, se trouvent honteux en cela qu'ils ne nous puissent rien objecter d'icelle, qui ne soit tousiours selon l'ordre d'un homme de bien, comme nous l'avons fait & pense, & comme nostre plus ordinaire façon de viure, nous fait remarquer & cognoistre.

FABLE LIII.

Du Loup & d'une Vieille.

VN Loup cherchant à manger
alla par fortune en vn logis, ou
il entendit vn petit enfant qui pleu-
roit, vne Vieille qui le tançoit le me-
naçant s'il ne vouloit s'appaiser, qu'el-
le le donneroit au Loup qui le mange-
roit, le Loup qui entendoit tout ce
discours croyoit que la Vieille dist
vray : tellement qu'il escoutoit & at-
tendoit avec grande patience quelle
luy baillast cét enfant, comme elle
auoit dit: Mais peu de temps apres sa
colere estant passée, & l'enfant demy
appaisé, elle commence à luy faire des
carresses & luy disoit, si le Loup vient
voulez vous que nous le facions mou-

rir? Le Loup fut à l'heure fort trompé & commença à fuir bien viste, disant en soy-mesme, ô la miserable maison, ils ne tiennent point de parole asseuree, tantost ils disent d'une façon, & tantost font de l'autre.

SENS MORAL.

CESTE Fable nous monstre que les hommes, dont la parole n'est pas asseuree, ressemblent aux femmes & aux enfans, & qu'ils peuvent tromper comme elle pour un temps : Mais que si tost que l'on les a recognus, au lieu de les suivre pour les communiquer, l'on ne les cognoist que pour les fuir.

F A B L E L I I I I.

D'un Cerf & d'un Lyon.

VN Cerf estant pourfuiui par des chasseurs , ne sceut faire autre chose pour se sauuer du bruit & de leurs mains que de se mettre dans vne Cauerne , qu'il rencontra en son chemin : Mais dans ceste Cauerne il y auoit vn Lyon , qui le voyant , se iette incontinent sur luy & le tuë , tellement que le pauvre cerf mourant , disoit : ô moy miserable , i'ay voulu fuir leur cruauté , & ie me suis mis entre les griffes du plus cruel animal qui soit au monde.

gohy

L 3

SENS MORAL.

CEcy nous apprend, que les timides & les peu courageux tombent plus souvent par leur crainte dās de plus grands perils, que ne font ceux qui presentent visage & tiennent pied ferme à toutes les bonnes ou mauuaises occasions de la Fortune.

FABLE LV.

Du Serpent & de la Lime.

LE Serpent trouua vne ^{lune}lime, & la prenant avec ses dents, commença à la ronger, la lime se mit à rire, & riant luy disoit : que fais-tu pauvre folle, tu rompras premierement tou-

tes tes dents que tu me puisse rompre,
ne fçais-tu pas que c'est moy qui par
ma dureté rompts & mets en poudre
les plus durs métaux, ainsi comme tes
dents qui sont de bien moindre esto-
ffe pourront avoir quelque prise sur
moy.

S E N S M O R A L.

L'*On dit d'ordinaire que qui crache con-
tre le vent, crache contre soy-mesme,
& que qui heurte une puissance plus gran-
de que la sienne, la cheute retourne tous-
jours vers son auteur : C'est pourquoy ce-
ste Fable nous apprend à considerer ceux à
qui nous nous voulons attaquer, parce
que s'ils sont plus forts & plus puissans
que nous, facilement ils resistent contre
nos dessains & se mocquent de nos entre-
prises.*

L 4

FABLE LVI.

De l'Asne & du Veau.

ALlant vn iour par la campagne, vn Asne & vn Veau apres quelque espace de chemin & de temps, ils virent des soldats qui venoient droit à eux, le Veau commença à dire à l'Asne fuyons & allons nous en bien viste, que nous ne soyons pris de ces ennemis : L'Asne luy repartit fuy t'en si tu veux, toy qui crains la mort, pour moy ie ne m'en veux point aller, parce qu'entre les mains de qui que ie tombe, ie sçay bien qu'il faut tousiours que ie porte la somme.

SENS MORAL.

LA Fable nous monſtre que noſtre condition eſtant ſi miſerable , que d'eſtre toujours reduits à ſeruir d'une meſme choſe, que nous ne deuons point craindre de changer de maiſtre , puis que nous auons dans le dernier le meſme exercice que nous faiſoit faire le premier.

FABLE LVII.

D'un Hermite & d'un Soldat.

VN Hermite exhortoit vn ſoldat à laiſſer la guerre, eſtant vne vie par laquelle il eſtoit tres-malaiſé de ſe ſauuer pour les pechez, eſquels les accidens nous faiſoient tomber iournal-

lement, & que pour si peu qu'un homme auoit à viure, il estoit bien plus à propos de le donner à seruir Dieu, que non pas de s'hypotequer l'ame de pechez, pour lesquels nous ne sçauons si Dieu nous fera la grace de nous donner le temps d'un repentir: Le Soldat esmeu & frappé par les paroles de l'Hermite, dit que veritablement il estoit resolu de quitter ceste façon de viure qu'il auoit desia par un si long temps menée, & qu'aussi bien qu'ils n'estoient point payez, & mesmes qu'il leur estoit deffendu rigoureusement de desrober, & qu'ainsi n'ayant point moyen de viure là dedans, qu'il se vouloit donner à Dieu.

S E N S M O R A L.

*C*este Fable nous monstre que beaucoup laissent de mal faire, quand ils n'en

ont plus le pouuoir , que nous quittons les vices quant nous ne les pouuons plus exercer , miserables en cela ! que le premier present que Dieu nous face , c'est la vie , & à toutes peines & toutes extrémitéz , c'est le dernier dequoy nous le recognoissons.

FABLE LVIII.

D'un enfant & de la Fortune.

VN enfant s'estoit endormy sur le bord d'un puits , la Fortune passant par là & le voyant en hazard de tomber dedans , le prend par la main & l'esueillant luy dit , tire toy à costé : Si tu allois tomber dans le puits, les hommes n'accuseroient pas ta folie & ton imprudence, de t'estre mis en ce peril : Au contraire ce seroit moy la Fortune , à qui ils impute-

172 *Instruct. Morales & Politiq.*
roient tout le malheur qui te seroit
arriué.

SENS MORAL.

CESTE Fable nous enseigne que beaucoup
de malheurs qui nous arriuent , ne
sont point tant causez par l'instabilité &
changement de la Fortune, comme par no-
stre propre imprudence , & neantmoins
nous auons tous une tant-bonne opinion
de nous mesmes & ceste partition d'esprits,
que la nature à faite est tellement iuste, que
quoy qu'il nous arriue ce n'est iamais la
faute de nostre iugement: au contraire c'est
la seule Fortune disons nous , qui en est
la cause.

FABLE LIX.

De deux Ennemis.

DEux grands ennemis se rencontrerent vn iour en vn mesme nauire pour faire vn voyage, & comme l'inimitié qu'ils auoient ne les permettoit pas de s'approcher l'un de l'autre, vn se met à la prouë du nauire & l'autre à la poupe: Comme ils furent vn petit aduancez en mer, vne tourmente s'esleua de telle sorte, que ny voiles ny rames, ny aucune autre inuention ne les peust empescher que le nauire ne fut prest d'estre perdu, ce que voyant celuy qui estoit à la prouë, commença à demander au Maistre du nauire, quelle partie du nauire periroit la premiere, le Mai-

stre luy respondit que ce seroit la poupe , alors tout ioyeux il dit ie meurs avec grand contentement, puis que ie vois mourir mon ennemy premier que moy.

S E N S M O R A L.

Ceste Fable nous apprend, que la nature humaine est tellement portée d'aueuglement contre elle mesme , que quand tous les malheurs seroient prests à fondre sur elle pour punition de ses deux crimes, à quoy elle trempe tousiours, à sçauoir l'ambition & la vengeance, que neantmoins encela son interest particulier luy est en telle recommandation, quelle mesprise & les aduertissemens & les peines quelle peut encourir, pourueu quelle contente en quelque façon sa rage & son enuie.

F A B L E L X.

Du Singe & du Renard.

LEs animaux tindrent conſeil enſemble pour ſçauoir quel d'eux tous ils eſſiroient pour Roy, le Singe ſe preſenta, & d'autant qu'il auoit tousiours le corps en l'air, & que c'eſtoit celuy qui dançoit le mieux, ils l'eſleurent & le creerent pour leur Roy : le Renard eſtant enuieux, & pour ce venger du choix que l'on auoit fait du Singe, veit vn morceau de chair paſſé dans vn lacqs, commença à dire au Singe : Mon Seigneur & Roy, ſi tu veux venir avec moy, ie te monſtrera vn certain lieu où il y a vn theſor : comme c'eſt vn des nerfs de la Royauté que l'or & l'argent, le Singe

s'accorda à suivre le Renard , lequel Renard le conduisit droit ou estoit ce lacq, & le Singe ny pensant point passa sans regarder & demeura pris au piege , le Renard le voyant à cet estat , commença à dire , ô fol tu croyois pour auoir la Fortune favorable en ton eslection estre digne de commander à tous les animaux: Mais tu te trompes, & souuient toy que nul n'est digne de commander , quoy qu'esleu , s'il n'a autant de conduite que de bon-heur.

S E N S M O R A L.

*C*ESTE Fable nous monstre , que c'est le propre des grandes Fortunes , de nous offusquer tellement l'esprit , que bien souuent sans consideration nous entreprenons tout ce qui se presente , de sorte qu'embras-

*sant plus, que nous ne serions estraindre,
nous restons mocquez & baffoüez d'un
chacun, ne pouuans conduire ce que nous
auons entrepris à fin.*

FABLE LXI.

Du Renard & de l'Aigle.

LE Renard auoit fait des petits,
lesquels estant desia assez-grands,
cela fut cause que sans attendre que
leur mere leur donnast congé, ils for-
tirent de leur taniere: Vn Aigle estoit
par fortune en l'air, qui cherchant pa-
sture pour de petits Aiglons quelle
auoit, veit ces petits Renardeaux, ce
qui la fist à l'heuré mesme descendre
pour les emporter, les petits Renar-
deaux se sentant pris commencerent à
crier & à demander secours à leur me-

M

re , la Renarde vint tout aussi tost qui pria l'Aigle de n'emporter pas ces petits, mais qu'elle les luy redónast, que ce luy seroit vn plaisir quelle pourroit recognoistre quelque iour: Mais l'Aigle ne voulut entendre à aucune de ses paroles, croyant que le Renard estoit trop peu de chose pour se venger, si elle luy faisoit ce desplaisir, que son nid estoit entel lieu que nulles de ses forces ne luy pouuoient nuire, & ainsi elle ne laissa point d'emporter les petits Renardeaux: Mais la Renarde pour se venger de l'Aigle, commença à prendre du feu & le mit au pied de l'arbre, ce que voyant l'Aigle, & quelle ny pouuoit donner remède, elle luy rendit ses petits.

S E N S M O R A L.

LA Fable nous apprend , que bien ſouuent les grands n'ont point d'eſgard ſ'ils offenſent ceux qui ſont moindres que eux , conſiderant toujours leur puiſſance par la pauvreté d'autrui : Mais le temps qui a fait naiſtre le pauvre comme le riche, en ce qui eſt d'eſtre homme. Ce meſme temps luy donne quelquefois l'occaſion de ſe venger , & de le contraindre de cognoiſtre que les affaires du monde ne ſont point ſans flux & reflux , & ſuiuant ceſte deuſe qui dit : Toſt ou tard , pres ou loin , à le fort du foible beſoin.

FABLE LXII.

D'aucuns Pescheurs.

A Vcuns Pescheurs ayât ietté leurs rets en la mer , comme ils vindrent à la tirer , ils eurent beaucoup de peine , parce quelle estoit fort pesante: Ce qui les rendit fort ioyeux, croyant qu'il y auoit quantité de poisson, mais comme avec beaucoup de peine, il l'eurent menee à terre, & qu'ils virent que au lieu de beaucoup de poisson qu'ils esperoient , il n'y en auoit que fort peu , & au contraire elle estoit toute pleine de vase , ils deuindrent presque tous desesperez iusques à ce qu'un de leurs compagnons leur dit : vous me semblez n'auoir pas beaucoup de raison de vous affliger , ou vous ignorez

entièrement l'art , que par vn si long temps vous auéz pratiqué: dites moy si vous auez iamais ietté la reys dans l'eau pour prendre du poisson qu'en la ramenant , vous n'ayez aussi ramené de la vase avec vostre poisson, ce qui vous doit apprendre que la tristesse est propre sœur de la ioye , quelles se suiuent comme l'ombre le corps: C'est pourquoy dans les grandes apparences de contentemens , ils nous faut tousiours considerer les aduersitez qui y peuuent suruenir , & estant suruenuës les supporter avec patience , puis que nous n'auons la vie qu'à ceste occasion.

SENS MORAL.

L A moralité nous apprend, qu'il ne faut pas seulement cognoistre que l'on est subiet à la misere , lors que quelque affli-

M 3

Etion nous arrive, ains dans les plus grandes prosperitez, considerer que les plus grands malheurs y peuvent naistre.

F A B L E L X I I I.

De l'Aigle & du Paon.

L'Aigle estant avec les autres oyseaux, commença à dire ie ne croy pas qu'il y aye vn oiseau en la troupe qui soit plus beau que moy, & pour monstrier que ce que ie dis n'est pas vn traict de vanité, mais que c'est la verité mesme, si vous voulez exagerer ma façon, mon plumage, & vne infinité d'autres choses qui me sont propres: Vous cognoistrez par là que ce que ie dis est tres-vray, toute la compagnie le loua, & n'y eut pas vn oiseau qui en apparence n'aduouast tout ce discours pour vne verité: Le Paon auoit esté

Aussi de ceux qui auoit fait le complaisant, neantmoins entre ses dents il proféroit doucement ces paroles ton bec & tes ongles te donnent l'aduantage que tu pretendes sur nous : Mais si tu n'auois ny bec ny ongles , tu verrois que tu ne serois pas seulement beau, mais le plus brutal de tous les oyseaux.

SENS MORAL.

CESTE Fable nous apprend que la pluspart des actions des grands , ne sont pas loüez bien souuent par verité , mais par crainte : & que ceux qui les loüent comme eux qui s'entendēt loüer sont misérables, parce que ceux-cy par ce grand esclat qui les enuironne ne cognoissent iamais la volonté ny le cœur de ceux qui les estiment , & ces autres ne disant iamais la verité, & tous leurs discours repugnant à leur sens, Ils ne

peuvent estre qu'en vne continuelle inquietude, à sçauoir de deguiser si à propos leurs mensonges, que ceux pour qui ils les font, puissent les prendre pour des veritez.

F A B L E L X I I I I.

Du Chien & de l'Asne.

LE Chien alloit de compagnie avec l'Asne, qui portoit en vne maison vn sac plain de pain, pendant ce voyage, la faim prit au Chien & à l'Asne, tellement que l'Asne mit bas sa charge & se mit à paistre l'herbe; & le Chien gettoit pour assouuir & sustenter en quelque façon la sienne, demanda à l'Asne vn morceau de pain, l'Asne luy fit response qu'il ne luy en donneroit point, & qu'il mangeast l'herbe comme luy: dans le temps de tout ce discours, il

Iuruint vn Loup , alors l'Asne com-
mença à dire au Chien , ô mon amy
& fidelle compaignon ie te supplie de
grace , vueille moy assister que le Loup
ne metuë , faits moy seulement la gra-
ce de te retourner deuers luy , & de te
monstrer : car ie suis certain qu'aussi
tost il s'enfuira & ne m'approchera
point : à cela le Chien fit responce tu
veux à present que ie te secoure estant
en necessité & au hazard de ta vie , &
lors que ie t'ay prié , tu m'as denié vn
petit morceau de pain , va à la malheu-
re , ie ne veux plus iamais vn tel com-
paignon que toy , & seray content si
estant mangé du Loup tu sois payé de
l'ingratitude dont tu as vsé enuers
moy.

S E N S M O R A L.

Voyez une Fable qui nous enseigne que
iamais un bien fait n'est perdu, &
que Dieu suscite aux plus malheureux, en
apparence des occasions, pour se rëvancher
des biens faits les plus grands qu'on leur
puisse rendre : C'est pourquoy ceste charité
suivant ce precepte de nature, ne faits à autrui
que ce que tu voudrois qu'il te fust fait, nous
doit estre en telle recommandation que nous
ne dauons perdre aucune occasion de l'exer-
cer, & quoy que la prosperité aye cela de
particulier de nous auengler, de sorte que
nous croyons n'estre capables de n'auoir ia-
mais aucun malheur, & que ceux qui la
possèdent ne puissent pas se ramener en el-
le mesme sur ceste consideration, que
si les biens ne nous estoient donnez qu'à
condition de les departir, qu'ils nous seroient

meſmes inutiles, ſi nous les poſſedions tous ſeuls, nous deuous ne perdre aucune occaſion de les employer, eſtant de l'eſſence d'un homme qui eſt eſleué au deſſus des autres, de donner & non de receuoir.

F A B L E L X V.

*D'un Pauvre qui trouua un
Threſor.*

VN fort pauvre homme auoit vne maison, qui pour eſtre tres-vieille eſtoit toute preſte à rôber, dequoy il ſe plaignoit grandement, & la regardant par pitié tous les iours, & conſiderant les fentes & fiſtures qui eſtoient en elle qui la faiſoient dechoir de iour en iour: Comme il eſtoit en ceſte contemplation, il en vit vne dans le mur, & dedans icelle quelque apparence de

vase ou de vaisseau qui auoit esté caché là dedans, incontinent il se met à cauer dans ce mur, & ne trouua pas seulement le vase qu'il auoit veu, mais le mur tout plain d'or & d'argent, de façon que de fort triste qu'il estoit, il deuint tout ioyeux.

SENS MORAL.

LA Fable nous apprend à ne nous fâcher iamais de nostre condition, parce que nous nous donnons bien souuent beaucoup plus de mal qu'il ne nous en doit arriuer, au contraire la patience & le temps nous donnent plus souuent des ioyes & des felicités non esperees, que nos sottises preuoyances ne nous donnent de plaisir & de contentement par espoir.

F A B L E L X V I.

De l'Asne & du Porc.

L'Asne considerant que le Porc ne faisoit rien tout le iour que manger, pour s'engraisser, & quelle n'auoit que de la peine & de la fatigue, à porter sans cesse les charges que l'on luy mettoit sur le dos, s'ennuyoit de sa condition & portoit enuie au Porc, qui menoit ce luy sembloit vne vie si plaine de paix & de repos: Mais comme le Porc fut bien engraisé, le Maistre le mena au boucher pour le tuer, ce que voyant l'Asne toute estonnee, commence à dire en soy mesme, i'aime bien mieux estre Asne que Porc, & n'estre point tant aimée de mon Maistre, puis que son amitié & telle

condition ne seroit que pour me faire attendre iournellement la fin de ma vie.

S E N S M O R A L.

LA Fable nous monstre que nous nous devons contenter de nostre condition, parce que l'apparence des choses nous trompant iournellement, & particulièrement les grandeurs, nous devons estimer & tenir pour assuré qu'il n'y a pas de telle felicité, que de n'auoir point de felicité.

F A B L E L X V I I.

Du Coq & du Renard.

VN Coq fut pris du Renard, neantmoins il fit tant à force de battre, qu'il eschappe d'entre ses mains

& comme il estoit avec ses compaignons, il aduifa vne peau de Renard, aussi tost il se mit à fuir : Ce que voyant les autres Coqs, ils commencerent à se rire & se mocquer de luy, pour à quoy repartir, il leur dit: Si vous auiez passé comme moy par les pattes du Renard, vous n'aurez pas seulement peur de sa peau, mais mesme de son ombre, tant il y fait chaud & dangereux.

S E N S . M O R A L .

L'*On ne remarque point en toute la nature, animal qui soit plus aisé à tromper que l'homme, parce que ou sa bonté ou son courage le font facilement croire que l'on n'oseroit, ou que l'on ne le voudroit pas: neantmoins s'il faut tirer instruction de ceste Fable, elle nous apprend que c'est une bonte à un homme de retomber dans un*

mesme precipice , & qu'il peut bien estre de la bonté de nostre nature d'estre trompé une fois : Mais aussi qu'il est de nostre prudence de fuir les malheurs , par l'exemple d'autruy ou par les nostres mesmes.

FABLE LXVII.

D'un homme & d'un Serpent.

VN Serpent se trouua pris sous vn grand fas , & estant fort empesché comme il pourroit sortir , par hazard il passa vn homme, auquel le Serpent dit , qu'il le prioit de luy aider à se tirer de la captiuité ou il estoit , & qu'il luy fit ceste faueur de leuer le fas qu'il auoit dessus luy, & que cela estant il ne manqueroit point de le recópen- ser: cét homme icy leua le fas , & le Serpent estant fort comme cet hom-

me

me luy demanda sa recompense qu'il luy auoit promise : Ce Serpent luy nia luy deuoir rien, & se mirent en colere & à crier l'un contre l'autre, iusques à ce que par hazard il passa vn Singe, auquel ils remirent leur different & le prièrent d'en iuger. Le Singe luy respond qu'il le vouloit bien, mais que pour sainement iuger de la chose, il estoit de besoin de remettre les choses comme elles estoient, & qu'il falloit que le Serpent se remit sous le sas, ce que le Serpent fit ; alors le Singe dit qu'il ne voyoit point qu'il fut à propos de leuer le sas, ayant tesmoigné vouloir vser d'une si grande ingratitude, au plaisir que l'homme luy auoit fait, tellement qu'il demeura la dessus & y mourut.

N

SENS MORAL.

LA Fable nous monstre, que les ingrats sont tousiours payez par l'ingratitude mesme, & que ceux qui se fient en leur subtilité & finesse pour s'eschapper, de rendre ce qu'vne bonne volonté leur a presté: Dieu qui bait entierement les ingrats & les trompeurs, fait naistre tousiours quelque occasion ou leur entendement & leur sens mesme les trompe.

FABLE LXVIII.

D'un pauvre homme & d'un Asne.

VN pauvre homme auoit pour toute richesse vn Asne & vn baril de vin, & comme l'on ne met point de filles hors d'vne maison pour les

marier; qu'il ne faille toujours leur donner quelque chose soit grand ou petit: Ce pauvre homme auoit asseuré celuy qui deuoit espouser sa fille, que ce seroit pour luy son Asne & son poinçon de vin, sur ceste assurance ils s'accordent & se fiancent prests à leur marier, & comme le iour estoit presque venu qu'ils auoient pris, la nuit de deuant l'Asne mourut, & les cercles du poinçon volèrent, & ainsi tout le vin & l'effect des promesses furent perduës.

SENS MORAL.

*C*ESTE Fable nous monstre que du soir au matin, il se trouue des obstacles en nos propositions, que les plus asseurées & celles qui reüssissent le plus souuent, sont celles dont l'exécution est tout aussi tost faite

que proposee, & particulièrement des mariages, là où il semble qu'il y a plus de distraction, lors que le bien & la bonne vie s'y preparent d'avantage, l'enuie regne aujour d'huy avec un tel ascendant sur les affaires, que ceux qui sont ses ministres semblent prendre à tasche despié toutes les occasions, pour en ayant la cognoissance les pouuoir rompre: C'est pourquoy dedans le mariage, puis que l'on le fait aujour d'huy avec tant de pieces, comme d'argent, de biens, de bonnes graces, d'alliances & mille autres considerations que l'on y apporte: Il vaut mieux auoir toutes ces choses deuant que de se coucher, que non pas de tant attendre & voir comme dit nostre Fable l'Asne mourir, les cercles du poinçon de vin voler, & par consequent bors de commoditez & de courage de donner effect à la premiere proposition.

FABLE LXIX.

Du Loup & de l'Aigneau.

VN Loup apres auoir long temps
 cheminé , eut enuie de boire,
 & rencontrant vn ruisseau ^{de loup} il se mit à
 boire , mais cependant qu'il beuuoit,
 vn Aigneau vint qui assez loin au des-
 sous de luy se mit aussi à boire , telle-
 ment que le Loup qui ne cherchoit que
 l'occasion de luy mal-faire, commença
 à luy dire ; qui t'a fait si hardy & si ef-
 fronté de ~~troubler~~ ^{troubler} mon eau pendant
 que ie bois ? Le pauvre Aigneau trem-
 blant de peur, luy répond : qu'il luy
 prioit de luy pardonner comme à vne
 personne ^{innocente} ~~innocente~~, qui ne l'auoit
 point fait pour le fascher, & que pour
 donner tesmoignage à ses discours,

N 3

que là où il auoit beu il y auoit vne grande espace entre eux d'eux , & mesme qu'il estoit au dessous de luy, tellement qu'il ne luy auoit pas peu troubler son eau: Le Loup neantmoins tout cela, ne laisse de continuer sa mauuaise volonté, & pour la rendre en quelque façon iuste, il luy dit: Comme seroit-il possible que tu n'eusses point de mauuaise volonté à l'encontre de moy , ton pere & ta mere sont mes ennemis. C'est pourquoy il faut que tu portes la peine par ta mort de tous les outrages qu'ils m'ont faits.

S E N S M O R A L.

*C*ESTE Fable nous fait cognoistre, que la plus part des grâs ont tousiours raison quand il s'agit de contenter leur passion pour nous mal faire, & qu'un homme manque

*toufiours vers eux de son deuoir, quand il
ne leur peut pas refister.*

FABLE LXX.

Du Chien & de son ombre.

VN Chien passant par vne riuiera
avec vn morceau de cher à sa
gueulle, voyant l'ombre que faisoit ce
morceau de chair d'as l'eau estre beau-
coup plus grosse ce luy sembloit, que
celuy qu'il tenoit à sa gueulle, com-
mença à laisser celui qu'il tenoit pour
prendre celui que l'ombre luy faisoit
paroistre: Mais comme il fut deceu à
l'ombre & qu'il voulut reprendre celui
qu'il auoit laissé, ne le trouuant point,
parce qu'il estoit tombé par sa pesan-
teur au fond de l'eau, estant ainsi
trompé de son esperance, il com-

N 4

mença à se plaindre & dire ainsi, ô misérable ! pour contenter ma faim , j'aurois assez de ce que la fortune m'auoit fourny, neantmoins ma folie m'a tellement ^{aveuglé} ~~aveuglé~~ que j'ay quitté le certain pour vne apparence imaginaire.

SENS MORAL.

CESTE Fable nous apprend , que l'apparence des choses n'est que le leurre des Idiots, & que celuy là ne iouyra iamais de rien qui considerera ce qu'il a par ce qu'il voit, la partie par le tout, qu'il est plus à propos de se contenter des choses qui sont véritablement en nous , quoy que petites: que non pas de les quitter , sur l'apparence d'autres choses, qui ne peuvent nous donner que de la peine ou de la tromperie.

F A B L E L X X I .

D'un pauvre homme malade.

VN pauvre homme eſtant fort malade fit vœu à Iupiter, que ſ'il recouuroit la ſanté, qu'il luy ſacrifieroit cent bœufs: Iupiter voulant eſprouuer ſi les effets reſpondoient à ſes paroles, luy redonna la ſanté: tellement qu'eſtant guery & ſe ſouuenant du vœu qu'il auoit fait à Iupiter, & ſa pauureté luy contrariant en ceſte promeſſe, ſ'aduifa de ramaffer les os de cent bœufs & les porter ſur ſon Autel: Alors il dit à Iupiter, vous m'auiez redonné ma ſanté, auſſi ie vous offre ce que ie vous ay promis, & ie m'en acquitte; Iupiter indigné de ſon inuention & ſe voulant venger de ceſte mo-

querie, s'apparut à luy en songe & luy dit: Va t'en demain au matin au bord de la mer, là tu trouueras cent talens d'oren yn logis fort vieil & caduc, (Il n'y a rien qui nous trompe si aisément que l'esperance d'auoir de l'argent) car c'est homme icy ne se souuenant plus qu'il auoit trompé Dieu, creut que Iupiter luy disoit verité, & n'eut pas le loisir presque de se leuer pour s'en aller là où il esperoit trouuer son tresor, mais il fut fort trompé, car au lieu de trouuer yn tresor, il trouua certains larrons qui le prindrent & le vendirent pour esclau.

S E N S M O R A L.

*C*este Fable nous apprend que ce nous est une folie de croire, pouuoir trôper Dieu, & le deceuoir par des promesses que

nous luy auons faites , il voit trop parfaitement dedans nos cœurs , & cognoit trop bien nos pensees pour pouuoir estre trompé , ses bras veritablement sont de laine , pour nous punir : Mais son indignation tombe incontinent sur nostre teste qui nous auerglant les yeux de l'entendement , nous empesche de recognoistre nostre faute , & de preuoir le chastiment qui est ordonné pour icelle.

FABLE LXXII.

Du Renard & des Chasseurs.

LE Renard fuyant tant qu'il pouuoit , les Chasseurs qui le poursuuoient , trouua en son chemin vn payfan qui faisoit du bois , lequel il pria que de sa grace il luy voulust enseigner quelque lieu où il se peust

cache: le payſan luy monſtre vne meſchante petite eſtable où auſſi toſt le Renard entra, les Chafſeurs qui pourſuiuoient le Renard, ne tarderent gueres à arriuer en ce lieu, & rencontrant le payſan, luy demanderent ſ'il n'auoit point veu paſſer par là vn Renard, le payſan fit reſponce que non: Mais en diſant cela, il ne laiſſoit pas de monſtrer avec le doigt le lieu où eſtoit caché le Renard, les Chafſeurs ſoit qu'ils n'y priſſent pas garde, ou que ils n'entendiſſent ce qu'il vouloit dire, ne laiſſent de paſſer outre, tellement que le Renard ſortit d'où il eſtoit caché & s'enfuit, le payſan le voyant fuir fut fort falché & ſe plaignoit que c'eſtoit vn ingrat, & qu'il n'auoit pas daigné luy dire adieu; ny le remercier du bien qu'il venoit de receuoir de luy, le Renard luy repartit: Si tu euſſes eu les mains ſemblables à ta parole, ie ne

t'aurois pas seulement remercié, mais au contraire ie me serois confessé obligé à toy de la vic.

SENS MORAL.

CESTE Fable nous apprend, à ne prendre assurance à ceux qui ont accoustumé de gagner & de prendre des deux mains, leur interest va tousiours premier que le nostre, & s'ils voyent occasion de gagner plus en nos ennemis qu'en nous mesme, quelque foy qu'ils nous ayent iurée, le profit qu'ils esperent faire, les fait facilement y manquer, se servant pour Prouerbe entre eux de cét equiuoque, qui dit: que pour estre homme de bien, il faut estre homme de bien.

F A B L E LXXIII.

D'un Chien conuié à soupper.

VN homme auoit inuité vn sien amy à venir soupper chez luy, & comme son Chien eut appris ceste nouuelle, il creut qu'il eust failly s'il n'eust inuité aussi le Chien de celuy que son Maistre auoit prié, tellement qu'il le pria de n'abandonner point son Maistre, & de venir soupper avec luy; ce qu'il luy promit, estant l'heure du souper venue: Voila le conuié qui entre dans la maison, & son Chien apres, lequel apres qu'il eut fait les carresses ordinaires à l'autre Chien qui l'auoit conuié, il commence à regarder la Cuisine qui estoit tresbien tournée, tellement que tout transporté de ioye, de

l'esperance qu'il auoit de bien se traier: Il commence à bransler la queue & sauter de costé & d'autre, en telle fa-
çon que le Cuisinier commence à le regarder, & ne le cognoissant point pour estre ordinaire de la maison, il commence à le prendre par la queue, & apres trois ou quatre tóurs qu'il luy fit faire en l'air, il le ietta par la fenestre, les autres chiens l'ayant ouy crier & le voyant prendre la fenestre au lieu de la porte, luy demãderent en se moquant de luy, & bien camarade as tu bien souppé, luy pour couvrir sa honte commença à respondre, i'ay si bien souppé que quand i'ay esté dehors, ie ne sçanois par ou i'estois sorty.

SENS MORAL.

LA Fable nous apprend, que beaucoup de personnes pour aller sans estre mandez, s'en retournent bien souvent sans estre conduits, & que ces chercheurs de repue franche, autant qu'ils ont de bonnes beures par espoir, autant ou plus en ont ils de mauvaises par effect, tellement que pour euitier ce reproche d'estre renuoyé pour n'estre pas bien cogneu: l'on ne doit iamaïs aller en un lieu que l'on n'y soit mandé d'un chacun; afin que receuant également bon visage, l'on s'en retourne avec ce contentement de n'avoir rien entrepris, qui n'aye esté desiré & tenu bon de tout le monde.

F A

FABLE LXXIIII.

De deux Chiens.

LE Maistre d'une maison auoit
nourry deux Chiens, à l'un il
auoit monſtré d'aller à la chaffe, & à
l'autre de garder à la maison, & quand
celuy qui alloit à la chaffe prenoit
quelque choſe, toute la plus grande
partie eſtoit pour celuy qui gardoit à
la maison dequoy celuy qui alloit à la
chaffe ſe faſchoit & ſe plaignant, di-
ſoit: que ſans ceſſe il alloit à la chaffe,
qu'il auoit bien de la peine & du mal, &
que ſon autre compagnon ne faiſoit
rien, au contraire qu'il eſtoit gras &
bien nourry, & le tout au deſpens de
ſa peine & de ſa vie, à laquelle plainte
celuy qui eſtoit commis pour la garde

O

de la maison , commença à répondre en ceste forte : Compagnon mon amy ne m'impute point le mal que tu as , ne crois point que ie sois cause de ta peine : Mais les plaintes que tu fais , adresse les à nostre Maistre , Car c'est luy seul qui est cause de nos actions bonnes ou mauuaises , parce qu'il ne m'a iamais enseigné d'endurer de la peine & du mal , au contraire il m'a tousiours montré à viure de la peine & du labour d'autrui.

SENS MORAL.

*V*Oyci une Fable ou le temps present me semble bien viuement représenté , Car ne se voit-il pas une infinité de ieunes gens , qui ne sçauent rien faire que manger leur bien & le bien d'autrui , & que qui leur demanderoit pourquoy ils le font :

Une infinité respondroient que ce n'est point par malignité de nature : Mais que l'on ne leur a iamais monsté autre chose qu'à en dependre & à n'en gagner point, & qu'estant contrainsts pour ne sçauoir rien faire, de viure de ceste façon, que l'on ne les doit pas blasmer, s'ils continuent & s'ils sont bien souuent dire bien-heureux cet enfant là qui a eu son pere naydeuant luy, & qui possible s'est donné au diable pour luy laisser de l'argent.

FABLE LXXV.

D'un auare & de ses Pommes.

VN homme auare auoit quantité de Iardins, & tellement chargees de fruiçts, qu'il n'estoit pas possible d'en voir d'auantage, & quoy que ceste quantité le peut obliger à en man-

Q 2

ger quelques vnes , si est-ce que son
extrême avarice luy commandoit, de
sorte que de toutes ses pommes , il
n'en prenoit iamais pour luy que ces
pourries , vn sien fils plus liberal ou
plus innocent mena vn iour ses com-
pagnons dans le iardin , & comme ses
ieunes droles eurent veu ce beau fruiçt
ils demanderent à leur camarade qui
les y auoit conduits, s'il n'y auoit point
de danger d'en prendre & d'en man-
ger, non, non respondit le camarade:
Vous en pouuez manger tant & si peu
qu'il vous plaira , Mais conseruez les
guatees & les pourries, parce que mon
pere les veut pour luy, & n'y a queluy
qui les mange.

S E N S M O R A L.

Voyci une Fable qui nous fait voir
que l'auaricieux est tellement misera-

Ve dans sa passion d'auoir du bien, qu'apres
 auoir pris beaucoup de peine de l'amasser:
 Il voit bien souuent dés son viuant ses
 plus proches heritiers consommer en des
 moments ce qu'auec bien de la peine & du
 soin, il a acquis auec des siecles, & le sur-
 plus de ce mal est que s'estant proposé de
 ses heritiers ou de ceux qui possederont
 son bien du gré & de la recognoissance
 de sa peine, il voit tout au contraire
 tout autant qu'ils en peuuent attraper,
 font (comme dit la Fable,) mangent le
 plus beau & le meilleur, & ne luy guar-
 dent que les pommes pourries. C'est pour-
 quoy puis que les biens ne nous sont don-
 nez qu'à condition de nous en seruir : C'est
 une grande sottise de nous priuier par no-
 stre auarice des douceurs que nous apporte
 leur commodité, & les laisser bien souuent
 à des personnes qui ne nous en scauent ny
 gré ny grace, & qui par leur mauuaise con-

212 *Instruct. Morales & Politiq.*
duite se rendent indignes d'un tel labour
d'une telle peine.

F A B L E L X X V I.

D'un Loup devenu vieil.

VN Loup estant devenu fort vieil & ne trouuant plus à manger, ny qui luy en donnast à cause que son indisposition, & sa vieillesse le faisoient dechasser de toutes compagnies, alloit errand & vagabond tout seul & desespéré parmy vn bois, ou par bonne fortune il rencontra vn bœuf qui estoit mort, alors il se iette dessus & comme grandement affamé le deschire & en mange en peu de temps vne bonne partie, l'odeur de ceste chair fut incontinent euentee par les autres Loups

tellement qu'ils vindrent luy aider à manger le reste de ce bœuf, luy disant: tu nous peux bien permettre de iouyr avec toy du bien qui t'est arriué: Car nous sommes tes compagnons & tes amis, & si nous en arriuoit autant, tu en aurois ta part: A quoy le vieil Loup repartit à présent que i'ay dequoy manger, vous estes mes compagnons & mes amis: Mais lors que la necessité m'auoit reduit à tel point que ie ne sçauois dequoy viure ny comme en trouuer vous me chassiez d'avec vous, & n'y en auoit pas vn de tous vos autres qui me voulut recognoistre ny pour parent ny pour amy.

SENS MORAL.

Voyci une Fable qui par le temps passé nous represente le temps present, parce que nous voyons aujourd'huy par expe-

rience qu'un homme pourroit estre de mille
 lieues loin du pays de sa naissance, vieil
 & caduc, iusques mesmes à l'age decrepit,
 desagreable, pauvre, importun, auoir en
 un mot toutes les qualitez requises pour
 se faire fuir, que si tost que la Fortune luy
 sera retournée, & que par son retour elle luy
 aura apporté des commoditez, tout aussy
 tost il trouuera des parents, des amis, du
 support, de la consolation, de la faueur : la
 corruption du siecle estant telle qu'il semble
 n'estre pas besoin à present d'estre né de
 grande maison, d'un lieu riche ny de parents
 de grande reputation, appelez vous Iean,
 Iacques, Pierre, en fin de telle façon que
 vous voudrez, pourueu que vous ne
 manquiez point d'argent ny de commoditez
 vous serez dans l'estime du monde, dans
 la bien-veillance d'un chacun, & pour
 auoir sa part du profit, chacun se tiendra
 glorieux de vous accompagner, & de dire
 ie viens de dîner avec le cousin Iean.

F A B L E L X X V I I.

*Du Lyon deuenu vieil, du Loup
& du Renard.*

LE Lyon estoit deuenu fort vieil, & tout malade à cause de sa vieillesse, tellement que ne pouuant plus se porter avec ceste agilité & ceste force, dont il auoit esté autrefois la terreur presque de tous les autres animaux, il fut contraint de se retrancher, & de faire sa demeure pour finir sa vie, ou il s'estoit autrefois reposé pour donner treufue à ses plaisirs, son indisposition estoit de telle conséquence quelle fut incontinent sceuë de tous les animaux, ce qui les fit se rendre le plustost qu'ils peurent auprès de luy, pour ne manquer aux tesmoignages

du deuoir & de l'affection qu'ils luy auoient tous iuree & promise.

En ceste visite, il ne se trouua aucun des animaux y manquer que le Renard, lequel soit qu'il desdaignast l'occasion, ou qu'il fit comme quantité d'amis de ce temps qui ne rendent visite ny apparence de ce deuoir qu'en consideration de l'interest qu'ils esperent du bien & du mal de ceste communication, il fut seul de tous ceux qui luy auoient rendu en apparence preuue de sa bonne volonté, pendant sa santé & disposition qui manqua à ce dernier tesmoignage d'amitié & de bien-veillance : Surquoy le Loup de tout temps son ennemy, pour ne perdre le temps de se vanger de luy, commença à parler au Lyon en ceste sorte sur son absence.

Tu sçais luy, dit-il, comme tous nous autres animaux, t'auôs tousiours

honoré & tenu pour le plus grand & le plus parfait de ce que nous sommes, & maintenant que l'aage & l'indisposition t'ont osté ceste gaillardise, & vne partie de ta force qui en apparence estoit ce qui nous contraignoit à t'honorer, tu peux neantmoins voir que ce n'a nullement esté ceste crainte qui a produit en nous ce semblant d'amour que nous t'auons tousiours tesmoigné, & tu le peux cognoistre à present mieux que iamais, puis que toy estant devenu vieil & incommodé, nous ne laissons de te visiter, & dans ceste visite de t'honorer avec la mesme deuotion de nos cœurs comme si ceste force & ceste grande puissance que tu as eue autrefois nous obligeoit encor à ceste complaisance, & de tous ce que nous sommes icy, nostre deuotion à ton service va iusques à ce poinct que nous sommes ialoux quand quelqu'un de

nous autres manque à ce deuoir : C'est pourquoy ie t'ay fait ce discours, pour te faire voir euidentement de l'ingratitude du Renard , qui seul s'est trouué manquer à te rendre comme nous, ces derniers deuoirs , t'assurant que si n'auoit esté que nous ne voulons rien faire , que premierement ne nous ait esté commandé de toy , nous luy aurions desia fait payer par vne iuste punition la mesconnoissance qu'il en faict.

Il eut poursuiuy d'auantage , n'eust esté que le Renard arriua en mesme temps, contre lequel le Lyon rouillant les yeux de colere , & ayant tout son poil herissé de l'extremité de ceste passion, peu s'en fallut qu'il ne le deuorast à l'heure mesme, & que sans l'escotter ny auoir la patience de le voir, il ne luy fit cognoistre qu'il est tres-dangereux de se presenter deuant ceux qui ont

quelque ascendant sur nous lors qu'ils sont preoccupez de ceste passion.

Mais le Renard fin & aduisé ayant recogneu ceste mauuaise volonté , & ayant appris de quelque sien camarade la charité que le Loup luy auoit prestee enuers le Lyon , cósidera que pour se vanger de son ennemy, qu'il n'estoit pas à propos de repousser les raisons qu'il auoit deduites pour son accusation , par autres mesmes raisons qu'il eut bien peu mettre en auant pour vn pareil subiet : Mais au contraire qu'il se falloit concilier la bienueillance du Lyon , par quelque complaisance ou son affection se vist interessée , à celle fin qu'estant rentré en grace , ses paroles & ses raisons peussent auoir creance enuers le Lyon , & par consequent autorité contre ses ennemis.

Tellement que pour venir au bout de ce dessein , il commença à parler

au Lyon en ceste sorte : Je ne sçay
 comme tu peux estre meu de colere
 contre moy, qui ne t'ay iamais veu sans
 t'honorer, & qui n'ay iamais pensé à
 toy sans te craindre pendant que tu
 as esté ieune, fort & vigoureux ; il ne
 s'est passé occasion que ie n'aye recher-
 chee pour recevoir tes cōmandemens
 & quand les occasions ne m'en ont
 pas honoré, mes frequentes visites
 t'ont peu donner certaine cognoissan-
 ce de ma deuotion, neantmoins s'il y
 auoit quelque raison à se plaindre de
 ceux à qui nous deuons tout comme à
 toy, i'en aurois vne occasion entiere
 en ce que pour vne simple malueillan-
 ce que me portent mes ennemis au-
 pres de toy pour vn simple rapport ie
 perds en vn moment ce que i'ay creu
 establir pour des siecles, & pour mieux
 m'expliquer: Je veux dire que i'acquiers
ton inimitié pour la fin de ma vie, au

lieu que ie croyois que mes seruices m'auoiét acquis ta bien-veillance pour le reste de mes annees: Mais tout cela ne m'importe, n'estant né que pour t'obeyr, i'ay assez de satisfaction d'auoir tousiours tasché à faire ce que i'ay peu, & de n'auoir point hesité à accepter ou refuser aucun de tes commandements, ou mon obeissance aye deu te paroistre entiere. Ce mesme temps d'absence, par lequel mes enuieux me veulent taxer d'ingratitude enuers toy n'estoit pas si mal employé comme il te l'ont depeint: l'auois ma pensee beaucoup plus en toy, & aux occasions de te pouuoir seruir qu'ils n'ont eu de paroles pour te persuader le contraire, & pour te tesmoigner ceste verité, c'est qu'ayant sceu ta maladie, au lieu de m'amuser à te venir rendre ces vains respects qui ne sont que vrayes Idoles d'une affection d'interest & de

fantasie, i'estois à te chercher vn remède pour te redonner ta santé, lequel i'ay trouué si asseuré, que si tu veux le pratiquer tu recouriras asseurement vne entiere disposition de ton aage & de tes forces. A ce mot de santé & de remede, le Lyon de furieux qu'il estoit deuint doux & paisible, & n'eut pas la patience d'escouter le reste du discours, qu'il demanda incontinent au Renard quel estoit le remede qu'il auoit trouué pour luy qui estoit si salutaire, le Renard qui n'auoit fait ceste harangue à autre fin que pour tirer ceste demande du Lyon, luy repartit tous aussitost sans perdre l'occasion, la recepte que i'ay trouuee & que par beaucoup d'experiences m'a esté asseuree d'estre bonne, c'est qu'il te faut escorcher vn Loup tout vif, & en mettre la peau toute chaude sur toy, & infailliblement tu gueriras, le Lyon

tout

Tout à mesme tēps se iette sur le Loup,
le terrasse & le tuë , & se seruit de sa
peau comme le Renard luy auoit dit,
tellement que le pauvre Loup estoit
là gisant auquel le Renard dit par
mocquerie , ô Loup apprens qu'un
rapport coloré par vn pretexte specieux
comme celuy qui touche l'intérêt de
l'autorité , peut bien en quelque fa-
çon alterer la bienueillance & l'amitié
dont nos superieurs nous font demon-
stration : Mais qu'un tel rapport la
puisse changer entierement , & en telle
sorte qu'elle n'affecte plus que nostre
ruine, cela ne se peut, principalement
en ce que le rapport estant fait contre
quelqu'un qui est aussi fin que toy , Il
sçaura aussi bien prendre son temps,
tourner aussi bien les choses à son ad-
uantage & par consequent porter aussi
facilement cet esprit à ta ruine, comme
legerement tu l'as creu persuader à l'e-

P

xecution de ta passion , si tu sçauois
parler àpresent tu en pourrois dire ce
que tu en sçais.

SENS MORAL.

LA Fable ne nous veut représenter au-
tre chose en son sens , sinon que les mai-
sons des grands pour la plusspart , sont ga-
stees & infectées de ceste maudite passion, qui
se nomme enuie, laquelle se fait cognoistre en
son plein pouuoir , lors que par les rapports
qui sont ces armes , elle rencontre les oreil-
les de quelqu'un estre foibles & faciles
à se laisser persuader pour user du pouuoir
de celuy là quelle a persuadé à l'exécution
de sa rage , & c'est une honte tres-grande
à ceux qui par raison possèdent les grandes
& eminentes qualitez de laisser opprimer
de telle façon leur iugement , par leur pas-
sion , qu'ils ne considerent pas seulement

l'apparence de ce que l'on leur rapporte :
 Mais faisant seconder leur colere par leur
 puissance , Ils font gloire d'estre les execu-
 teurs du moindre ouyr dire , s'ils bannis-
 soient entierement la facilité dont ces flat-
 teurs abusent lors qu'ils se seruent du temps
 & de l'occasion pour tourner leur esprit à
 leur fantasie , & qu'ils ne les escoutassent
 que comme Ulysse attaché au mats de la
 raison , ils ne seroient pas en peine de se
 repentir quelquefois (mais trop tard) des
 choses que leur puissance execute , qui
 n'ont d'ordinaire pour baze ny pour fonde-
 ment qu'un peu de vanité , dans laquelle
 l'on interesse leur opinion : Mais ils sont
 tellement aueugles qu'ils croiroient n'auoir
 point ceste qualité d'hommes puissants , s'ils
 manquoient d'instrumens propres pour cha-
 toüiller & irriter leur passion , ils ne pren-
 droient pas plaisir à auoir de la grandeur
 & de l'autorité , s'ils ne voyoient quel-
 qu'un qu'il la leur vint conter & de

peindre, aussi font-ils plus de gloire d'expliquer une parole, que d'écouter une raison, de celle-cy ils en vendent ce disent-ils, ils en ont de reste & n'empruntent rien de personne, de l'autre ils en achèptent les secrets & en sont auares, & n'écoutent rien plus volontiers que ce qui est de leur essence & puis semblables au Lyon de ceste Fable, ils se repentent bièsouuent que leur iugement inconsidéré les aye fait punir plustost le Loup que le Renard, & que certaines paroles deguisees & deduites en temps par de moindres qu'eux, les ayent surpris en telle sorte que le pretexte de leur passion, n'aye esté que l'instrument pour les faire servir à la vengeance des plus petits d'ordinaire d'entre le peuple : C'est ainsi comme ils sont trompez, & comme au lieu d'estre Maistres ils n'en ont que le nom & l'apparence, comme au lieu d'auoir le repos que le vulgaire croit estre dans les affluences de leur fortune, ils n'ont qu'une continuelle inqui-

étude des intereſts de leur condition, parce que leur grandeur & leur puissance, n'estant imprimée que par apparence dans les cœurs construite & bastie par l'opinion dans les ames, & qui n'a point d'autre gloire que celle qu'elle emprunte des hommes, il est tres-aisé à iuger que le repos & l'assiette de ceste grandeur, est pleine de grandes inquietudes & de peu de durée, puis que les hommes (qui sont les instrumens de leur gloire,) n'affectent sa reputatiõ que selon leurs fantasies, & pour ceux qui portent ces esprits par leurs inuentions dedans ses extrémitez qui ne naissent point sans repentir de toute la peine qu'ils ont eüe. à machiner & conduire un mauuais dessain, ils n'en rapportent autre chose que la promesse que fit le Cyclope à Ulyſſes, ie te mangeray (dit-il) le dernier de tes compagnons.

Tost ou tard ces faiseurs de faux rapports sont les obiects d'une iuste

colere , Ils sont cogneus pour auoir stipulé le mal & iugez dignes par leurs actions des recompenses que l'on donne aux plus miserables comme le Loup de ceste Fable, Il se rencontre tousiours quelqu'un aussi fin qu'eux , qui prend aussi bien le temps, tourne les choses qu'il a à deduire aussi bien à son profit comme ils ont fait , & porte un esprit qui se laisse persuader aussi facilement à l'exécution de sa passion comme l'autre l'auoit porté facilement à sa ruine.

Tellement que le profit que nous pouuons tirer de l'exemple de la Fable, n'est autre chose que d'auoir dans toutes nos actions une intention droite, portee au bien sans interest, & encor moins sans fantasie , & que les rapports que l'on nous fait quels qu'ils soient ne puissent iamais estre ny aduoüez ny condamnez de nous que premierement nous les ayons veus & considerez s'ils sont conformes à nostre intention , & à ceste maniere proposee de viure : C'est ainsi que nous ne

Serons point trompez, & que nous ne ferons point d'actions qui puissent porter en crouppe le repentir.

FABLE LXXVIII.

D'un Trompette en guerre.

VN trompette estant à la guerre, & ayant sonné plusieurs fois la charge, pour obliger les soldats à combattre, ce trompette fut si malheureux que du costé qu'il estoit tout fut vaincu & renuersé par terre, tellement que se trouuât parmy ceux qui fuyoient il fut pris des vainqueurs, qui luy donnerent incontinent les apprehensions de la mort, comme deuant estre le salaire ordinaire de ceux que l'on trouue en cet estat : C'est pourquoy à mesme temps le trompette pour l'euit,

leur commença à vser de telles ou
semblables prieres, Messieurs ie vous
supplie ne me tuez point, ie suis fort
innocent du subiet pour lequel ie croy
que vous m'avez pris, en toute ma vie
ie n'ay iamais tué personne, & quoy
que vous me rencôtriez dans ces com-
bats & dans ces charges, le dessain qui
m'y pousse n'est formé d'aucune ani-
mosité que i'aye contre vous, au con-
traire si i'auois esté si heureux que de
vous cognoistre aussi tost comme ceux
cy, que vous avez vaincus; i'aurois ser-
uy de mon art vostre bonne fortune
auec autant d'affection que i'ay fait
leur malheur & leur infortune, n'a-
yant point d'autre façon de viure que
d'estre au premier que ie rencontre,
& ou i'espere d'auantage de gain. C'est
pourquoy ie vous prie de me laisser al-
ler, & de confiderer encôr que ma con-
dition est tellemét miserable, qu'outre

quelle ne peut donner d'enuie à personne, que le gain que vous auez esperé faire, me retenant sera beaucoup plus petit & plus vil que la gloire, & la reputation que vous acquerrez si vous me faites ceste grace de me donner la vie : Toutes tes raisons luy respondirent-ils, tendent à nous faire croire que tu es miserable, & quen'ayant rien qui se puisse desirer, tu dois estre exempt de mourir : Mais le pourquoy nous t'auons pris & t'auons dit qu'il faut mourir, n'est nullement ny ton bien ny ta fortune, la punition que l'on veut faire de toy n'est pour autre chose que pour donner exemple, tu ne fers de rien à la guerre qu'à nous animer les vns contre les autres, & sans toy nous ne serions pas portez à nous vouloir mal d'une telle façon.

C'est pourquoy estant la cause du

malheur qui est aduenü à tes compaignons, ou la fortune & le hazard nous pouuoit faire mesme tomber : c'est la raison pour laquelle il faut que tu meures, & que ton exemple monstre que ceux qui causent le mal, sont ceux qui doiuent receuoir la punition.

S E N S M O R A L.

VOyci *une Fable qui nous monstre que beaucoup plus pechent ceux là, qui par leur persuation portent un esprit dans le mal, que ceux qui executent ce qui leur a esté persuadé, parce que la plusspart ce sont ieunes ames qui n'ont point encor de tain-ture, & qui suiuroient une bonne voye si elle leur estoit monstree, au lieu qu'estans engagez dans une meschante vie, l'habitu-de du mal les retient bien souuent & les empesche entierement de se recognoistre, &*

comme la mort de ce trompette dans ceste Fable ; n'est pas seulement causee par ceux avec qui il est : Mais recherchee & executee par ceux mesmes qui pouuoient tirer plus de profit de son art & de son inuention : De mesme ces donneurs de mauuais conseils , ces flatteurs ne sont pas seulement hays & mesprisees de ceux qu'ils ont perdus & abusez : mais ceux mesmes qui ont de leur trahison peu tirer quelque profit , ce sont ceux là qui leur sont les plus cruels ennemis , & qui taschent plus de les perdre , le mal ayant cela de propre en nous à cause de l'auarice qui nous possede, que nous aimons le bien & le profit qui s'en tire , & hayssons les moyens par lesquels il est tiré.

F A B L E L X X I X.

De l'Aigle & du Corbeau.

L'Aigle cherchant sa proye , & voyant vn troupeau de moutons dans vne campagne vint fondre dessus & emporta vn Aigneau , le Corbeau estoit là aupres , qui voyant cét acte voulut en faire de mesme, & imiter l'Aigle , tellement que du mont le plus prochain il vint fondre sur ce troupeau de brebis : Mais n'ayant pas la force d'enleuer ce qu'il auoit pris , ses pieds demeurerent enlancez dedans la laine , de sorte que ne pouuant se depestrer, il demeura pris & fut donné aux enfans pour s'en iouïr.

SENS MORAL.

Ceste Fable veut dire, que l'homme doit cognoistre ses forces premier que d'entreprendre quelque chose, & qu'encor bien que nous puissions auoir le courage des Princes & des Roys, que neantmoins nous ne deuons entreprendre ce que nous leur voyons faire, parce qu'ils ont le pouuoir qui seconde leur volonté, & le plus souvent nostre pouuoir ne consiste qu'en nostre parole.

FABLE LXXX.

D'un Medecin.

VN Medecin ayant assez long temps traicté & médicamenté

vn malade, en telle sorte que le temps
 & les medicaments estoient suffisans
 de luy redonner la santé, neantmoins
 il vfa d'une telle negligence, que le pau-
 vre homme mourut, & comme on le por-
 toit en terre : Ce Medecin disoit, si cét
 homme s'estoit empesché de boire du vin
 & eut vſé de chistres il ne fut pas mort,
 Vn de ceux qui estoient au conuoy,
 commença à dire, tu deuois donner
 ce conseil, lors que cét homme auoit
 encor de la vie pour l'executer : Mais
 maintenant à quoy seruent tes aduer-
 tissemens ny tes conseils, puis que cét
 homme n'est plus pour les faire.

S E N S M O R A L.

CESTE Fable veut dire que quand
 l'occasion est de donner Conseil à un
 amy, nous le deuons faire, & n'en de-

ne nous perdre la moindre occaſion : Mais ceux qui ſe meſlent de faire les amis & de donner conſeil lors que le temps ny les affaires d'un amy ne le demandent, Ceux là doiuent eſtre recogneus pour des mocqueurs ou des ſaincts hermes, qui apparoiffent quand la tourmente eſt paſſee.

F A B L E L X X X I

Du Caſtor.

LE Caſtor eſt vn animal à quatre pieds qui ſe nourrit d'as l'eau, & ſur la terre, lequel a en ſoy des parties qui ſont ces teſticules, leſquelles ſont fort vtils à la Medecine, & pour ceſte cauſe il eſt fort recherché par les chafſeurs. Mais comme il ſe voit chaffé & pourſuiuy en telle ſorte que ſa viteſſe, ny ſes ruſes ne le peuuent plus em-

peschier d'estre pris, sçachant que les chasseurs ne le poursuivent que pour ses testicules, il les prend luy mesme & les coupe avec ses dents, puis estans coupees il les iette aux chasseurs, & ainsi il euit la mort, parce qu'ayant cela il ne le poursuivent plus.

S E N S M O R A L.

Ceste Fable nous apprend qu'il n'y a rien que nous ne devions faire pour éviter le peril d'estre prins, & que conservant nostre liberté nous conservons tousjours nos amis, & donnons de la crainte à nos ennemis, la où si nous sommes pris ceux qui pour quelque consideration ne se sont pas encor descouverts contre nous dans nostre prosperité, les uns ne jugeant pas les choses de plus loïn, croyans que nostre infortune nous acablera: les autres bien aises

faibles de trouuer occasion de nous nuire, ne manqueroient point de se presenter & de se rendre ob-
stacles à ce qui peut nous donner nostre liberté, nos amis mesmes comme il n'en est pas des douzaines, & que la plus-
part des amitez sont fraudées par l'inté-
rest & par la communication : Cest inté-
rest & ceste communication manquant, il ne nous assistent que laschement, & bien souuent se laisseront persuader à nous abandonner ou se rendre neutres à nos affaires, ainsi la liberté nous donnant ces moyens de conseruer & nos amis & nostre credit, Il n'y a rien que nous ne deuions faire pour la posséder & ne la point perdre.

F A B L E LXXXII.

*D'un Pefcheur & d'un petit
Poiſſon,*

VN Pefcheur ayant ietté ſa Rets dans la mer, prit yn poiſſon encor fort petit, qui commença à prier le pefcheur de le laiſſer aller, pour pouvoir encor croiſtre, qu'il ne luy pouvoit apporter pour le preſent grand profit & commodité: Mais que delà à quelque temps iettant ſa Rets dans la mer, & le prenant, il ſeroit deuenu plus gros, & ainſi luy donneroit plus de gain: Le Pefcheur ayant entendu tout ce diſcours, luy reſpond: Mon amy ie ſerois eſtimé vn fol, ſi ie te laiſſois aller, car quoy que tu ſois fort petit, & que le profit de t'auoir pris ne ſoit pas grand

si est-ce que ie t'ay dans la main, & si ie te laissois aller sous esperance que croistrois plus grand que tu n'es, ie pourrois te perdre, & ainsi ne gaignerois rien du tout.

SENS MORAL.

LA Fable nous monstre que celui là paroist sans iugement, qui pour esperance d'un plus grand gain, laisse eschapper ce qu'il a certainement dans la main, quoy que ce soit peu de chose.

FABLE LXXXIII.

D'un Asne & d'un Cheual.

SE trouuant en voyage vn Cheual & vn Asne tous deux chargez,

Q 2

L'Asne l'estant beaucoup plus que le Cheual, de façon qu'il ne pouvoit plus marcher, commença à dire au Cheual, si tu as quelque pitié & que tu ne vueille point que ie meure, fais moy ce plaisir de m'oster vne partie de la charge que i'ay sur dos, afin que ie puisse estre soulagé: A quoy le Cheual respondit qu'il n'en feroit rien, & qu'il en auoit assez: L'Asne tout desplaisant du refus que le Cheual luy auoit fait, & par trop lassé de sa charge, ne tarda gueres qu'il ne creua sous le faix: Le Maistre voyant son Asne mort, commence à le descharger, & pour ne perdre entierement tout ce qui estoit de son Asne l'estorcha, & chargea la peau & tout ce qu'il portoit sur le Cheual, tellement que le pauvre Cheual en ayant vn peu trop de sa charge & de celle de l'Asne, & succombant sous le faix, cela luy fit di-

te recognoissant l'ingratitude dont il avoit vû , ô moy miserable , le mal que i'ay m'est bien acquis , ie merite de mourir sous la charge que ce maître m'a donnée , si i'eusse soulagé le pauvre Afne de quelque partie de sa charge , sans doute il ne fut point mort , & ne serois à present contraint de la porter toute iusques mesmes sa peau : parce que i'ay causé la mort au pauvre Afne , pour n'auoir pas voulu porter vne partie de sa charge , & maintenant ie suis contraint de souffrir beaucoup , portant le tout iusques mesmes sa peau.

SENS MORAL.

*C*este Fable nous veut dire , que les plus forts doivent aider aux plus foibles, & que les grands doivent porter par

Q 3

pitie & commisération , quelque partie de la peine de ceux qui sont moindres qu'eux : Mais le temps n'en est plus , chacun porte son fardeau , & mesmement en ce temps que l'opinion aujour d'huy d'auoir du iugement est tellement en usage , que beaucoup s'en fascheroient si on les plaignoit, & si par charité on les vouloit soulager de leur peine.

F A B L E LXXXIV.

D'un Loup & d'un Chien.

VN Loup cheminant rencontra vn Chien , qui estoit assez gros & gras , l'ayant salué , luy demanda ce qu'il faisoit pour estre si gras , le Chien luy respondit , Je suis en la maison d'un Maistre qui me donne à manger autant que i'en veux, veritablement

ce dit le Loup ie te tiens fort heureux & voudrois bien ſeruir vn tel Maïſtre , Si tu veux luy reſpondit le Chien laiſſer ceſte humeur beſtiale & cruelle que tu as , & te rendre vn peu plus amiable en la conuerſation que tu n'eſ , ie feray enuers mon Maïſtre en ſorte qu'il te prendra, le Loup le luy promit , & en ceſte deliberation ils s'en alloient enſemble : Mais comme ils eurent vn peu cheminé , le Loup qui regardoit à tout , vit que le Chien auoit le col tout pelé , lors il luy demanda ce que cela vouloit dire , le Chien luy dit que cela eſtoit prouenu de ſon colier , où il demeuroit attaché le iour , & la nuit on le laiſſoit aller , A preſent ce dit le Loup i'eſtime peu l'amitié de ton Maïſtre, & encor moins l'embonpoint que tu as , puis qu'il te couſte la liberté , ma nourriture me ſem-

246 *Instruct. Morales & Politiqu.*
ble beaucoup meilleure, quoy quelle
ne soit si grasse que la tienne.

SENS MORAL.

LA liberté veut dire, la Fable est une chose si excellente, que quoy que les grandeurs & les felicitex nous soient proposees pour nous la faire perdre, ceux qui en ont une fois gousté mesprisent toutes ces choses, pour demeurer libres, non pas que l'apparence de ces choses pour un peu de temps ne nous puisse tromper, leur esclat nous donne dans la veüe premier que nous puissions faire un vray iugement d'elles : Mais si tost que nos sens nous rapportent en detail les gousts differens de ces biens, que nous n'avons veu qu'en gros par nostre desir & nostre imagination, nostre iugement alors par leur rapport nous fait cognoistre combien vaut

meux la liberté que la seruitude & qu'il y
doit auoir vne grande contrainte pour l'en-
gager & pour la perdre.

FABLE LXXXV.

Du Paysant & de la Cygogne.

VN Paysant auoit tendu vne rets, w
pour prendre les Oyes & les
Gruës qui mangeoient son bled, par-
my les Gruës & les Oyes qu'il print
il se trouue vne Cygogne, laquelle tout
aussi tost comme elle se veit prise, com-
mença à se ietter aux prieres enuers le
Paysant, luy disant que de grace il luy
voulut pardonner, parce qu'elle n'e-
stoit ne Oye ne Gruë: mais vn oyseau
fort innocent & le meilleur de tous
les autres oyseaux, que sa mere estant
vieille elle fait ce quelle peut pour

luy subvenir & la nourrir : Le Payfant luy repartit, tout cela m'importe fort peu que tu sois innocente, ou que tu ne le sois pas, secourable ou autrement, tu as esté tousiours avec toutes tes raisons & tes innocences prise avec les autres, c'est pourquoy il faut que tu meures comme eux.

SENS MORAL.

LA Fable nous apprend, que nous devons considerer les personnes avec qui nous auons à viure de compagnie, avec autant de curiosité que la plus importante affaire qui nous puisse suruenir, parce qu'estant suiets de nous trouuer aux lieux ou le desir de passer nostre temps nous porte: si par malheur ou mauuaise conduite, ceux de qui nous nous sommes accompagnez, tombent en quelque mauuaise fortune (en-

cor que nous ſommes obligez de les aſſiſter eſtans pris avec eux ,) nous courons le meſme hazard & la meſme peine , de plus pour noſtre particuliere reputation nous ſommes eſtimez tels que ceux avec qui l'on nous trouue, & que l'on nous voit hanter.

F A B L E LXXXVI.

De la Pie & du Pigeon.

LA Pie demandoit au Pigeon, pour quelle occaſion il faiſoit ſon nid touſiours en vn meſme lieu, veu meſmes que l'on luy prenoit touſiours ſes petits , & que c'eſtoit grand hazard quand elle en eſchappoit quelques vns , à cela elle ne ſceut reſpondre autre choſe , ſinon que ſa ſimplicité en eſtoit la cauſe.

S E N S M O R A L.

C Elle cy nous monstre qu'un homme de bien, est facilement mocqué & deceu, parce que son ame droite & pure ne pense iamaïs à se deffier d'aucun, (contre la maxime qu'il faut tenir aujour d'huy pour aller asseurément par le monde:) Il ne cognoit point les meschans, & moins encor les meschancetez, au contraire nourry de ceste regle naturelle, ne fais à autruy que ce que tu voudrois qui te fust fait: Il marche & va franchement ne croyant qu'il se puisse rencontrer personne, qu'il luy voulust faire ce qu'il ne voudrait pas auoir fait.

FABLE LXXXVII.

De l'Agneau & du Loup.

VN Agneau eſtant dans vne maiſon , & voyant par la fenestre paſſer le Loup , aſſeuré que le Loup ne luy pouuoit mal faire : Il commença à crier après luy , & luy conter vne infinité d'iniures , auxquelles le Loup ne pouuant repartir que par paroles : Il luy dit ainſi , ô traître & meſchant ſi tu crois m'offencer beaucoup avec tes iniures , tu te trompes ; Car ie vois bien que tu es enfermé , & que ce ſont ces murailles qui te font auoir ceſte hardieſſe , auſſi ce n'eſt pas de roy de quoy ic me ſoucie , mais de la maiſon ou tu es.

S E N S M O R A L.

Ceste Fable veut dire, que le temps & le lieu donnent bien souvent de l'audace à un homme, d'une ame basse & vile, & que tel sera le Rodomont dans sa maison, le vaillant parmy une compagnie, le furieux dans une multitude, qui dénué de ces aduantages, sera plus lasche & plus abattu qu'une femme.

F A B L E L X X X V I I I.

Du Lyon de l'Asne & du Renard.

LE Lyon l'Asne & le Renard allerent vn iour à la chasse ensemble, & firent vne prise de grãde quantité de bestes, & comme il fut besoin qu

chacun eut part au butin , l'Asne qui auoit aidé en ceste chaffe dit qu'il pouuoit la departir , & ſans s'enqueſter comme on dit d'autre choſe , commence à faire les parts & les diſpoſer: Le Lyon indigné de cela le prend & le tue , puis commande au Renard , qu'il fit les parts: le Renard fin & aduſſé execute le commandement du Lyon : Mais comme ſe vint à les departir , il en donna vne tres-grande part au Lyon , & en retient vne tres-petite pour luy. Le Lyon voyant cela luy dit , qui t'a enſeigné de partir ſi bien ? & le Renard luy montrant l'Asne qui eſtoit mort , ç'a eſté (luy dit-il) la miſere de celuy là que tu as tue.

S E N S M O R A L.

LA Fable nous monstre, qu'il est très heureux qui se fait sage par l'exemple d'autrui, les preceptes estans très longs l'exemple fort court, & que si nous pouvions avoir ceste retenüe dans nos actions de considerer seulement ce qui s'est fait nous ne tomberions jamais en peine de ce qui est besoin de faire, & les grands quoy qu'ils fussent entiers dans leurs volantes, approuveroient tousiours ceste complaisance, qui seroit composee d'exemple & de crainte.

FABLE

FABLE LXXXIX.

D'un grand Nauire & d'un petit.

VN grand Nauire & vn petit vaisseau, allerent vn iour en voyage, ou apres auoir esté long temps sur mer & enduré des inconstances de cest element, tout ce qui s'en peut souffrir, ils resolurent de s'en retourner, & de tascher de reuoir leur ancienne patrie. Pour ce faire ils s'equipēt & font voile, en sorte que les vents assez fauorables pour leur retour, ils mirent fort peu de temps à reuoir le lieu qu'ils auoient perdu de veüe, il y auoit si long temps, tellement qu'estant apperceus à la rade, mille resiouyssances se tesmoignerent pour leur si heureux retour, tout le monde ne demandoit plus que de

R

les voir dans le port, afin qu'un chacun selon ses interets iouyst des felicitez qu'ils auoient esperees par leur voyage: Le grand vaisseau comme plus plain de commoditez, & par consequent selon les ordres du temps present, plus digne d'honneur s'aduanee le premier, pour entrer dedans le port: Mais trouuant trop peu d'eau, à cause que la mer s'en retournoit, & beaucoup de hazard pour les vents qui s'estoient leuez & qui l'agitoient, fut contraint de relascher & de le ceder au petit, lequel il pria bien fort de vouloir luy faire enuoyer commodité pour pouuoir entrer sans courre fortune, le petit Vaisseau luy promet, neantmoins il luy donne cet aduertissement qu'il auoit bien veu que pour sa grandeur & sa charge, qu'il auoit esté necessaire de relascher, & qu'il feroit bien de se vider de beaucoup de choses qui luy estoient

ſupérfluës, & qui eſtoient plus d'apparence & de faſt que de neceſſité, que cela le deſchargeroit & ne le rendroit pas du tout ſi peſant, & pourroit par conſequent prendre le chemin du port plus aiſément, le grand Nauire le prie de ne ſe mettre point en peine, & qu'avec vn peu d'aide qu'il eſperoit entrer aiſément & aſſeurément dans le port, & qu'il fiſt ſeulement appreſter de l'aide comme il l'en prioit ſans ſe ſoucier d'auantage de ſa bonne ou mauuiſe fortune, le petit vaiſſeau s'en va & entre aſſez facilement, parce que ſa charge ny ſa grâdeur ne l'empêſchoient point, & meſmes il ſembloit que les ondes & les vents ſe fuſſent abaïſſez, & rendus plus fauorables & tranquilles, qu'ils n'eſtoient lors que le grand Nauire auoit voulu arriuer, de façon qu'eſtant entré ainſi heureuſement, il expose la priere que le grand Nauire

auoit faite; ou tout aussi tost il se trouua des gens prests à le secourir, parce que les richesses & les commoditez estoient si grandes, qu'ils faisoient esperer à ceux qui s'entremettoient dans ceste affaire vne recompense digne de consideration, le petit vaisseau parmy tout cest apprest ne se peut empescher de donner le mesme aduis qu'il auoit donné au grand Nauire, & de dire qu'il estoit besoin de le faire descharger, & qu'il n'entreroit pas si commodément, n'estant point deschargé, qu'il auoit quantité de choses qui ne luy seruoient de rien, & qu'en vn passage côme celuy là s'estoit assez que d'auoir le necessaire: Mais comme il n'estoit qu'en fort peu de consideration à cause qu'il n'estoit pas si riche que l'autre ny si grand aussi, il ne fut escouté que pour estre mesprisé & reietté de leur opinion, l'esperance de gagner leur fait persuader,

toutes choſes faciles , tellement que ſans conſiderer autrement la choſe, ils enuoyerent incontinent vers ce grand Nauire des petits baſteaux , les vns pour le conduire dans le vray chemin, les autres pour luy enſeigner & l'entretenir de bonnes paroles, cependant la peine & le mal qu'il auroit à ſouffrir en ce paſſage. Mais voila que la meſme tourmente continuë, & ſe ſemble avec plus de violence quelle n'eſtoit auparavant, tellement que ces conducteurs hors de iugement & de pouuoir, pour ſatisfaire à ce qu'ils s'eſtoient promis, ils furent contraints de luy dire la parole qui ſeule luy deſplaiſoit, qui eſtoit qui ſe falloir deſcharger , qu'il n'y auoit pas d'apparence de le pouuoir conduire aiſément au port , ſi plain comme il eſtoit : Cela ne ſe peut reſoudre entierement ſans le conſentement des amis & des parents qui

estoyent au bord de l'eau, lesquels voyans de loin la difficulté & considérant bien du regret le subiet de la harangue que l'on leur alloit faire, se resolurent neantmoins & permirent au premier qui leur en parla, que l'on fist ceste descharge comme on la trouueroit à propos, tout aussi tost l'on met la main à l'œuvre, & apres on continuë à tascher de luy aider encor mieux qu'auparavant: mais comme si la mer eut voulu vanger en sa perte vne infinité d'autres pauvres vaisseaux qu'il auoit volez, pour se rendre ainsi riche, elle sembla s'irriter encor d'auantage, & les vents la rendirent esmeuë en telle sorte qu'il fallut relascher encor vne fois, & descharger entierement tout ce qui estoit dedans, qui estoit ce qu'il auoit butiné, & ne luy resta que ce qu'il auoit emporté pour faire son voyage, alors il entra, & fut conduit assez faci-

lement, n'ayant plus rien qui l'empeschast. Mais de toute la ioye qui en apparence s'apprestoit pour luy faire la bien venuë, tout cela fut conuertý en des regards pleins de dedain & de mespris, parce que le subiet de la ioye s'en estoit allé auant l'eau, qui estoient les richesses dequoy l'on l'auoit deschargé, tellement que ce qu'ils s'estoient promis ny estans plus, & ne l'affectionnant que par cest interest, il ne pouuoient pas seulement le regarder avec de l'indifference, mais comme ayant esté trompez, il luy faisoient le plus mauuais visage que peut composer vne haine.

S E N S M O R A L.

IL me semble que la consideration d'un certain plaisant, sur l'auaricieux vient

R 4

fort bien sur la fin de ceste Fable, vous voyez, dit-il, apres que mon pisse Vinai-
gre est troussé en male, & qu'ennuyé de
conter de l'argent en ce monde, il est allé
en l'autre, voir si tout ce qu'il a pris icy est
de poix, & de sa raison: trois ou quatre Co-
quins d'heritiers dont la faim & la soif,
ne se sont entretenus que sur l'esperance de
sa mort, & de la succession de celuy-ci; Ces
affamez venant à sa mort, pour le pleu-
rer des yeux & de la bouche, comme l'on fait
à present, saisissant un sac de pistolles au
colet, voyant d'autre part tant d'argent, de
biens & de cōmoditez, ravis dans la contem-
plation d'une ioye si inesperée: Commen-
cerent à dire, c'est grand pitié que de ce pau-
vre homme, il a sue sang & eau pour nous
amasser cela, sa memoire & la suite de sa
vie nous doivent estre bien cheres, Je ne
l'oublieray iamais dira quelqu'un, & pour
tesmoignage de cela dira l'autre, Il faut que
le dernier service que nous luy pouvons ren-

dre, qui est de le faire porter en terre, soit avec telle despence & avec telle pompe que le souuenir de sa beauté, en puisse rester dans la memoire de tout le monde, comme les biens & les richesses qu'ils nous a laissez, nous y donnent de la consideration : Voila comme ces Messieurs icy s'entretiennent, lors qu'ils sont dans l'esperance de partager une bonne succession : Mais apres que le bon homme est en terre & que mettant la main sur les papiers, ils tiennent le testament & une infinité d'autres escritures, qui les priuent de tout ce qu'ils eussent peu esperer : C'est alors que plains de colere & de desdain contre le mort, Ils se repentent de toutes les bonnes Volontez qu'ils luy ont tesmoignees, & autant comme il en auoient chery la memoire, autant s'efforcent-ils d'en deschirer la reputation, tant l'amour & l'amitié d'appresent est attachée au profit & à l'auarice, ainsi nostre Fable nous fait voir que ces parens qui estoient sur le bord

de l'eau , ainsi les peut-on nommer , puis qu'il n'en est pas aujour d'huy beaucoup, qu'à ceste condition , estant en attente de voir arriuer ce nauire avec toutes ses richesses, ne peuvent luy tesmoigner autre ressentiment pour sa bien venue, que des desdains & de la colere, parce que les richesses pour lesquelles ils luy faisoient les doux yeux, auoient esté iettez en la mer , & par consequent il n'y auoit plus de subiet pour les obliger à ses minauderies : Mais laissant à part la fin de ceste Fable, & prenant le commencement , cela est tres-vray quelle nous represente à nud & à descouuert les conditions de la vie humaine, & publique: Ce monde est une mer, chacun y est en voyage, & apres quantité de tourmentes , l'on desire tousiours reuoir le port d'où l'on est party, la difference des pelerins de la vie, est la diuersité des actions qu'ils y exercent , les uns naissent riches, les autres sont pauvres, & les autres acquierent par leur inuention

Et par leur trauail du bien, & de la commodité, & tous sont obligez de reuenir au port d'où ils sont partis, les seuls riches semblent ignorer le danger qu'ils doiuent courir à une telle entree, & comme le grand Vaisseau de nostre Fable, croient que la nature leur doit ce que la complaisance leur a tousiours presté : Mais outre la consideration que nous pouuons faire d'une infinité de cordages, d'inuentions, de peines, de soucis, qu'il fallut pour tascher de tirer ce grand Vaisseau à bord, laquelle consideration s'applique aux riches, lesquels par leurs commoditez, ne manquent point quand ce vient à la mort d'amis, de parents, de flatteurs & d'inuentions, pour leur rendre ce passage plus doux & facile, que tout ainsi comme il fallut ietter en la mer tout ce que ce grand Vaisseau par son voyage auoit mal acquis & desrobé, que de mesme quand nous sommes en ce poinct, nous auons beau faire, nous auons beau nous presenter, no-

stre conscience est comme le vent, & la tourmente de ceste Fable, elle nous reiette aussi loin comme nous en approchons, quoy que l'on nous puisse dire quand ce vient à co-
 poinēt : Il faut rendre gorge, il faut nous despoiüller de toutes les richesses, si mal amassees, & pour passer heureusement, laisser tout ou du moins n'emporter avec soy que ce que Dieu nous a fait tomber entre les mains, pour faire nostre voyage ; les pauvres comme ce petit Vaisseau enuers ce grand ont de l'aduantage, rien ne les retient, ils coulent heureusement, mon cousin ny ma cousine, mon frere ny mon parent, tout cela ne sont point intereests, qui les puissent faire gauchir au chemin du deuoir : Ils ne trouuent point tant d'escueils à euter, parce qu'ils sont de moindre monstre que les grands, & ne leur faut point tant d'espace pour faire leur chemin, là où tout au contraire les grands riches, ils ne s'en peuvent aller sans faire du bruit, sans compa-

gnie, & en vn mot ſans vn grand hazard
de ruiner leur reputation & de leur
perdre.

F A B L E X C.

De la Tortuë & de l'Aigle.

LA Tortuë prioit vn iour l'Aigle,
quelle luy enſeignast à voler, ce
qu'entendu par l'Aigle, elle la dissua-
de tant qu'elle peut de ce dessein, luy
representant que cela n'estoit point
de ſa nature, qu'elle n'auoit point
d'aisles pour se ſouſtenir quand elle
feroit en haut, en fin qu'elle ne pou-
uoit entreprendre cela ſans courir for-
tune de ſon honneur & de ſa vie, elle
neantmoins ne laiſſe de continuer ces
prieres, tellement que l'Aigle impor-
tunée de ceſte folie, pour la contenter

la print & la porta assez haut , puis la
 laissa tomber , elle n'ayant moyen ny
 inuention pour se soustenir , elle tom-
 ba par mauuaise fortune sur vne pier-
 re, tellement quelle se rompit toute &
 se tua.

S E N S M O R A L.

LA Fable nous enseigne que beaucoup
 pour faire tout de leur fantasie, & ne
 prendre conseil , & n'obeyr à ceux qui sont
 sages & prudens , se sont en leurs entre-
 prises ruinez , & n'ont avec leur ruine,
 remporté que de la honte & de l'infamie.

F A B L E X C I.

De l' Afne du Lyon & du Coq.

VN Coq & vn Afne allant de compagnie & paſſant par vn bois, rencontrerent vn Lyon, qui auſſi toſt ſe ietta ſur l' Afne pour la deuorer, le Coq ſe miſt à crier, & auſſi toſt le Lyó prend la fuite tout eſpouuanté de la voix du Coq: Ce que voyant l' Afne & croyant eſtre deliuré des griffes du Lyon, parce qu'il ſ'enfuyoit, penſant que ce fuſt de peur qu'il euſt d'elle, courut apres & le pourſuiuit fort loin: Mais le Lyon eſloigné de la voix du Coq & ne l'entendant plus tourna viſage, deuore le pauvre Afne qui le ſuiuoit, ne luy donnant preſque pas le loiſir de dire ces paroles: O moy miſerable, & ſans

iugement, ne deuois-je pas considerer que mon pere & ma mere n'estoient que des Asnes, qu'ils n'auoient pas la force & le courage pour combattre, & moy qui n'ay d'autre vertu que celle qui m'ont donnee, ie ne deuois pas reuenir au cōbat contre vn animal qui a par prerogatiue sur les autres animaux, l'agilité, la force & le courage.

S E N S. M O R A L.

LA Fable nous monstre, qu'il ne faut s'engager à poursuiure un homme iusques au dernier desespoir, que l'on ne considere bien auparauant sa façon & son courage, parce que plusieurs par prudence font semblant de craindre & d'auoir peur, qui neantmoins ne font qu'attendre l'occasion & le temps, lequel estant venu, retournent à l'improuiste sur leurs ennemis, & des-

Et deſſont d'ordinaire ceux qui les croient auoir deſſaits.

F A B L E X C I I.

De L'Asne.

Comme il n'y a rien en toute la nature, qui ne recherche l'accouplement de ſon eſpece, pour & croiſtre & ſ'augmenter ſuiuant ceſte maxime, l'asne ne ſ'eſtoit point voulu donner pour compagne d'autre animal que l'asneſſe, & auoient veſcu deſia enſemble produiſant de leurs ſemblables, faiſans quantité de petits aſnons, leſquels petit à petit croiſſant ſe rendoient capables par leur bonne nourriture, d'eſtre avec le temps les plus grands Aſnes du monde : Mais comme les contentemens ne ſont point

S

stables, & qu'il n'y a rien en ce monde, qui aye moins de duree que le plaisir & la ioye, ces pauvres Asnes qui auoient vescu par vn si long temps dans vne si grande confidence, & qui pour recópanse de tant de peine qu'ils auoient prise, se voyoient encor par vn general applaudissement d'vn chacun, loüez & estimez seuls de tous les animaux qui eussent mis tant & de si beaux grands Asnes au monde, Toutes ces choses ne les peurent empêcher que dans ceste si douce compagnie, il n'y eut du diuorce, & que l'enuie de changer ne fit rompre les douceurs de leur vnion : Voyci comme cela aduint, l'Asnesse estoit vn iour dans vn pré paissant des herbes & des fleurs autant comme son appetit la sollicitoit d'en prendre pour donner nourriture à son corps, lors qu'un Cheval grand & fort vint droit à

elle , ayant les yeux tout eſtincellans de feu & d'aſtion , les oreilles droi-
tes , la bouche ouuerte , trotant &
ſe retrouſſant les bras , en forte qu'il
paroifſoit viſiblement par la gentilleſ-
ſe de ſon aſtion , que c'eſtoit à elle à
qui il en vouloit , & que par quelqu'un
de ſes aſtions il eſperoit luy en don-
ner dans la veuë : La pauvre Aſneſ-
ſe qui n'auoit point d'autre paſſion
que de produire des Aſnes, ne daigna
pas ſeulement leuer la teſte pour le re-
garder , mais taſchant de ſ'en diſtraire
aſin que ſes yeux ne trompaſſent ſa fi-
delité, elle ſ'en alla plus loin pour plus
aiſément euites ſa compagnie, le Che-
ual tout au contraire ſçachant que
l'importunité autant comme la com-
plaiſance trouue bien ſouuent en
amour le temps que les amoureux ap-
pellent l'heure du Charetier ne la laiſ-
ſa point, la ſuiuit : & au lieu que toutes

ses gentilleſſes n'auoient paru que par la perfection de ſa nature. Il luy voulut monſtrer que ſon action n'auoit pas moins de part dans les airs & les iuſteſſes, que les hommes ont inuentees, que l'inclination luy rendoit propre. Mais d'autant qu'au pays des Afnes les voltes, les courbetes, les caprioles, les croupades & vne infinité d'autres airs, ſe prennent d'ordinaire pour vne meſme choſe, & qu'il n'y mettent point ou fort peu de difference entre ce qui eſt de naturel & ce que l'art & la ſcience peuuent acquerir, Je ne m'arreſteray point à particulariſer la vigueur & la gentilleſſe de ſes airs; Mais ie diray ſeulement que tout ce que peut ſuggerer vne paſſion, de ceſte ſorte en l'eſprit d'un Cheual, fut mis en eſſet & repreſenté afin de taſcher de paruenir à ce deſſain de le faire conſiderer d'une Afne, de ſorte qu'apres pluſieurs importu-

nitez, à la fin il obtint ce qu'il auoit eſpéré, & trouua l'heure que les amoureux appellent fauorable, parce que l'Asneſe le conſidera, le trouua agreable, l'aima, & par ceſt amour ſoit d'une façon ou d'autre, elle conceut & deuint pleine.

Neantmoins elle ne s'imaginoit point que pour ſi peu de temps qu'elle auoit regardé ce Cheual, cela l'eut peu faire emplir, & ſur ceſte creance & dans ce repentir d'auoir donné loy à ſa veüe de faire breſche à ſa loyauté, elle reſolut de ne le voir iamais plus, & de n'auoir point d'autre compagnie que celle de ſon Asne: Mais cōme le temps eſt celuy ſeul qui nous donne la cognoiſſance des choſes, quand moins nous y penſons, ſon ventre qui croiſſoit de iour en iour, & le temps venu de faire ſon petit, luy fit mettre ſur la terre au lieu d'un petit Asne un

animal, qui sembloit tout d'un autre façon que ceux de son espèce, lequel neantmoins fut considéré & reçu du pere, à la maniere accoustumée des Asnes, & quoy qu'il y eut quelque dissemblance de la grandeur du corps, & de la couleur du poil de ses autres Asnes, si est-ce qu'il l'aduoüa pour sien appuyé sur ces raisons: Il a tousiours, disoit-il, les oreilles aussi grandes que les autres, C'est la principale marque d'un Asne, Il sera grand & fort & pour la couleur il l'a tient de son grand pere assurément, & ainsi le pauvre Asne taschoit de se destromper du soupçon que ce peu de dissemblance luy vouloit faire concevoir, Il resolut de le nourrir comme les autres & de le rendre sinon plus parfait en l'Asnerie, du moins aussi grand Asne que luy: Mais comme ce galand vint à croistre, se sentant d'un esprit plus vif, & engen-

dré d'un animal beaucoup plus noble, auſſi fit-il peu d'eſtat des preceptes de l'Asnerie, au contraire ſe ſervant de ſon inuention & de ſa force: Il cōmença à faire milles niches, uſer de mille meſchancetez qui le rendirent en telle ſorte craint & redouté, qu'il n'y auoit vn ſeul de toute ceſte eſpece, qui ne ployaſt ſous luy, & qui ne reueraſt ſes volontees, L'Asne qui voyoit tout ces libertinages, voulut luy remonſtrer: Mais celuy cy tout au contraire s'arme de raiſons contre luy, dit que toutes ces raiſons de viure ſi innocentes, & ſi ſtupides eſtoient bonnes de ſon temps: Mais qu'apreſent l'Asnerie n'eſtoit plus de faiſon que tous les liures eſtoient traduicts, & que pour paroître releué dans ſa condition il eſtoit de l'eſſence d'un grand Asne, & de bon eſprit de former ſa façon de viure, & d'eſtablir ſoy meſme les maximes, ſur leſ-

quelles on veut establir sa fortune & sa vie à des raisons si innouyes & si peu entendües, le pauvre Asne demeurera tout confus & repassant en sa memoire la dissemblance qu'il y auoit de luy à ses autres Asnes, lors de sa naissance, Il creut alors : Mais trop tard, celuy-cy n'estoit pas legitime, & que c'estoit assurement vn bastard, parce que la pluspart sont tousiours adonnez au mal ou ne valent rien du tout, neantmoins pour s'en esclarcir & ne hazarder la reputation d'un Asnessse, sur les opinions que peuuent conceuoir les Asnes en telles choses, Il fit venir l'Asnessse, laquelle apres plusieurs refus & tesmoignages de honte, pour les demandes de l'Asne, respondit en fin quelle auoit veritablement vne fois regardé vn Cheual, & que demeurée en extase par ce regard, elle ne sçauoit point s'il s'estoit passé autre chose, or

ce dit l'Asne, Je n'en veux point ſçauoir d'auantage, parce que tu es d'un pays ou non pas ſeulement vn regard, mais le moindre vêt fait emplier le ventre, à qui que ce ſoit, neantmoins ſon eſtonnemēt fut grand cōme ne s'attendant rien moins qu'à ce qui luy eſtoit arriué, & d'autant que l'eſtonnement ne ſe peut exprimer par aucunes paroles : Je vous le laiſſeray conſiderer avec la Moralité, que vous y mettrez com-
me il vous plaira.

F A B L E X C I I I.

De deux ieunes hommes.

DEux ieunes hommes allerent vn iour chez vn Cuisinier , pour acheter de la viande , & comme ils arriuerent , ils trouuerent le Cuisinier qui estoit empesché d'vn autre costé à quelques affaires qu'il auoit , eux ne perdirent point temps : Car voyant qu'il ne pouuoit auoir l'œil sur leurs actions , vn d'eux prit vn morceau de chair qu'il bailla incontinent à son compagnon , le Cuisinier ayant acheué ses affaires se retourne & trouua manque à sa viande de ce morceau de chair , commença à le leur demander : celuy qui l'auoit prise , se mist à faire de grands serments qu'il ne l'auoit

point; Celuy qui l'auoit iuroit qu'il ne l'auoit pas deſrobée, le Cuifinier tout auſſi toſt, commença à entendre leur aſtuce, & pour leur donner à cognoiſtre qu'il entendoit bien l'équiuoque, qu'ils mettoient dans leur iurement: Il leur dit ſi vous penſez me cacher par vos iuremens & voſtre inuention & le larcin que vous m'avez fait, Souue- nez vous que vous ne le ſçauriez ca- cher à celuy par lequel vous avez iuré qui eſt Dieu,

SENS MORAL.

Cecy nous monſtre que quoy que nos pechez ſoient cachez & conuerts aux hommes, & que nous y apportions toute noſtre induſtrie pour ceſt eſſect, nous ne les pouuons neantmoins cacher à Dieu, qui eſt celuy ſeul qui voit & perce dans les plus

cachées & secrettes pensees , & pour mener une vie qui n'aye point de reproche, Il faut faire nos actions tout à descouvert & n'entreprendre iamais rien qui nous puisse apporter de la honte.

F A B L E X C I I I I .

Du Chien & de la Brebis.

LE Chien fit venir en Iustice, la Brebis pour luy rendre ce disoit-il du pain qu'il luy auoit presté , elle toute estonnee de ceste procedure , estant innocente de ce que le Chien luy demandoit , respondit quelle n'auoit rien receu de luy , & qu'assurément elle ne luy deuoit rien: Le Loup & le Renard se trouuerent là & assurerent estre vray ce que le Chien demandoit, tellement que la pauvre Brebis estant condam-

née par ces teſmoignages , le Chien ſe ietta deſſus & la mangea.

SENS MORAL.

IL y a quelqu'un qui dit, que ſi le mal ſe pouuoit depeindre tel comme il eſt, qu'au lieu d'eſtre ſuiuy, Il produiroit tant d'horreur dans le iugement de ceux qui le verroient, qu'on n'en fuiroit pas ſeulement la vueë, mais la plus petite penſée qui nous en pourroit naiſtre, nous voyons cecy tous les iours par experience, & pour noſtre Fable, que ceux qui de tout temps ont voulu entreprendre un mauuais deſſain, ont fait touſiours ce qu'ils ont peu pour le maſquer & couvrir de raiſons, en ſorte que ſ'ils n'eſtoient point creus pour l'auoir entrepris ſans raiſon, qu'ils fuſſent tius des hommes pour gens de bien, & tels qu'ils n'eſſent voulu entreprendre rien

qui ne fust iuste & raisonnable : Cela monstre la peine enquoy sont ces ames qui sont posseuees de ceste rage : Cela monstre que nostre conscience nous parle tousiours, & qu'il n'y a point de remede pour nous oster le sentiment de ceste peine, puis que nous en portons le fardeau iouruellement avec nous, & quoy que les pauvres semblent estre nez pour souffrir beaucoup d'iniustice, n'ayant point moyen de se deffendre, tousiours don- nient-ils ceste peine de chercher un cousin, un parent & une infinité d'autres gens pour passer la faute avec celuy qui la commet, peine qui est d'autant plus grande, que la pluspart de ces gens icy ny ayant esté que par interest, & l'interest qui les y a portees venant à manquer comme toutes choses sont en reflux. Ce sont les premiers qui bla- sonnent la meschante action qui la descou- urent, & qui sont cause bien souuent de la perte & de la ruine de l'auteur. C'est pourquoy pour n'estre en ceste peine, il faut

bien mieux ne faire que du bien, ſuiure ce precepte; ne ſais à autrui que ce que tu voudrois qui te fut fait, la fortune eſt pour les riches & pour les pauvres, tel on a veu dans la boïe & dans la fange, meſpriſé & mocqué; qui a donné apres la punition à celui qui par apparence humaine ne le croyoit iamaïs voir en ceſt eſtat, pour nous monſtrer par cecy & par noſtre Fable, qu'il ne ſe fait point de mauuaiſe action qui ne porte ſa peine, & que toſt ou tard nous ſommes recompencez ſelon le bien ou le mal que nous faiſons.

FABLE XCV.

Du Coq & du Chat.

LE Chat auoit reſolu de manger le Coq, & eſtoit venu pour ceſt effet: Mais comme il n'eſt point de ſi mau-

uais deffain, ny de si mauuaise resolution, qui quand ce vient à l'exccuter, celuy qui la veut commettre ne tafche de la couurir par quelque efpee de raison, le Chat en voulut faire de mefme : Car quoy qu'il fut plus fort que le Coq, & qu'il le peust manger dès l'abordade, neantmoins il voulut faire voir que fa volonté estoit iuste par ces reproches qu'il fait au Coq, tu es luy dit-il, vn querelleux qui porte aux hommes plus de mal que de bien, tu ne fais que chanter toutes les nuiets, & ainsi leur empesche le repos, le Coq s'excusa, disant : qu'au lieu que ce fut aux hommes vne importunité, qu'au contraire il estoit le feul de tous les oyseaux qui le faisoit reffouuenir d'aller à son trauail, le Chat ne se contentant luy dit : hâ meschant tu as la compagnie de ta mere & de ta fœur, & tu veux donner des raisons pour excuses,
le Coq

le Coq vouloit encor s'excuser, Mais
sans luy donner autre loisir il se ietta
dessus & le mangea à l'heure mesme.

S E N S M O R A L.

LA Fable nous enseigne que d'ordinaire,
ceux qui ont du pouuoir & de l'autho-
rité sur nous, n'ont point d'égard si ce qu'ils
entreprennent est raisonnable ou non pour-
ueu qu'ils contentent leur passion.

F A B L E X C V I.

De L'Asne du Lyon & du Coq.

VN Coq & vn Asne allant de com-
pagnie, passant par vn bois ren-
contrerent vn Lyon, qui aussi tost se
ietta sur l'Asne pour la deuorer, le Coq

T

se mist à chanter, ce qu'entendant le Lyon, il prent la fuite de peur qu'il a de sa voix : L'Asne tout au contraire creut que c'estoit elle qui luy auoit causé ceste fuite si precipitée, & estant par ceste opinion-deuenüe fort orgueilleuse de voir qu'elle faisoit fuir le plus courageux animal du monde, ne se contenta pas de le voir fuir, mais elle voulut aller apres, pour le chasser encor plus loin, mais comme elle le poursuuoit voila que le Lyon bien esloigné, de la voix du Coq, qui luy est tant apprehensible, retourne tout court sur l'Asne, le terrasse, & le deuore, en si peu de tēps qu'à peine le pauvre Asne eust le loisir de dire ce peu de paroles pour ces plaintes, ô moy miserable & sans iugement ne deuois-je pas me contenter de l'esloignement de celuy là qui ne cogneut iamais la peur, sans par vne sottise vanité luy vouloir faire croire que c'e-

ſtoit moy qui luy donnois la fuite, ne deuois-ie pas bien ſçauoir que mon pere & ma mere n'eſtoient que des Aſnes, & que par conſequent ie ne pouuois pas auoir d'autre vertu que celle qu'ils m'auoient donnée, & que ma force ordinaire ne conſiſte qu'à porter les coups, & non pas à en donner.

SENS MORAL.

LA Fable nous monſtre, que beaucoup de perſonnes pour n'auoir pas voulu ſe contenter des aduātages que la fortune leur auoit donnez, au lieu d'entirer de la gloire & de la reputation, n'en ont eu que de la honte & de la ruine, les liures ſont pleins d'une infinité d'exemples de pluſieurs braues & vaillans Capitaines, qui ont eſté entierement deſfaits, pour ne ſe contentant pas de leur victoire, auoir voulu pourſuiure plus auant qu'il

ne falloit, leur ennemy qui se retiroit, trouuant en son armée plus de resistance & meilleur ordre qu'ils ne s'estoiēt promis. Il ne faut pas que nostre vanité & trop grande presumption de nostre courage nous auengle de telle sorte, que de mettre nostre reputation au hazard en la poursuite d'un desespré: Nous deuons nous contenter de l'honneur de l'auoir deffait. Car bien souuent il arriue que se voyant reduit à cette extremité, ou de combattre ou de mourir, ralliant ce qui luy reste d'hommes, ceste premiere peur changée en remerité, iouë au quitte ou au double, fait aucunesfois plus d'execution dans l'armée de celuy qui le suit, qui descheu de son attente se promettoit, par la rupture de ses ennemis, remporter une victoire generale.

F A B L E X C V I I.

D'un Homme & d'un petit Cheual.

VN homme avec vn petit Cheual alloit par vn grand chemin, dedans lequel rencontrant quantité de gens, comme toute ſa vie il auoit taſché de plaire le plus qu'il pouuoit à vn chacun, & par ſa complaiſance auoit attiré la bienueillance d'une infinité de monde : Se reſolut comme c'eſtoit vn grand chemin dans lequel il eſtoit, y ayant quantité de perſonnes de diuerſes mœurs & cōditions, de faire que par ſon accortiſe il peut s'aquerir auſſi bien la bienueillance generale comme il auoit fait la particuliere, c'eſt à dire, qu'il eſperoit faire que toutes ſes actiōs ſeroient aduoiuées de tout le monde,

T 3

comme il auoit fait de quelques particuliers, qui l'auoient communiqué, pour à quoy paruenir, le Cheual surquoy il estoit monté estoit fort petit & foible, & luy estoit fort gros & gras, tellement que la charge qu'il donnoit au Cheual de son corps sembloit excéder de beaucoup la force que le petit Cheual faisoit paroistre, tellement qu'un chacun voyant cela le gossoit & disoit que le pauvre Cheual estoit trop chargé, & qu'il y auoit conscience de le faire tant souffrir, luy entendant tous ces discours pour paruenir à son intention, qui estoit de rasher comme nous auons dit, de plaire à tout le monde, il commença à descendre & à aller à pied apres son Cheual, mais il n'eut pas esté long temps de ceste façon qu'il en trouua d'autres qui commencerent à dire, que c'estoit vne grande sottise à luy qui

éſtoit chargé de graiſſe & incommode d'aller à pied, de ſe pener de la ſorte pour ſoulager vn Cheual qui en apparence ne valoit rien qu'à tuer, ce que entendu par noſtre complaiſant, il ſongea que pour ne tomber dans les deux mocqueries qu'auoient fait ceux qui l'auoiét veu, qu'il éſtoit à propos de donner de la peine au Cheual, & d'en receuoir auſſi, afin que le mal éſtant partagé cela le rendiſt conſiderable, & par conſequent hors de reproche: pour ce faire il ſe fait attacher à la queuë de ſon Cheual & ne ſe laiſſoit pas du tout traîner, auſſi à cauſe de ſa graiſſe & de ſon indiſpoſition ne marchoit-il pas entierement: Mais il n'eût pas beaucoup fait de chemin en ceſte poſture qu'il fut encor plus mocqué qu'auparuant, de façon que voyant n'éſtre tóbé dans l'applaudiſſemēt general comme il ſe l'éſtoit promis, il ſe reſolut de viure

à son ordinaire & ne donner pas tant d'empeschement à l'esprit comme est celuy que l'on a , lors que l'on se veut mesler de contenter tout le monde.

S E N S M O R A L.

LA Fable nous apprend que le vray repos de la vie, n'est point dans les conditions qui sont entierement regardées de tout le monde, & qui ont pour but ceste peine de s'acquiescer la bienveillance d'un chacun, c'est l'attacher beaucoup plus mal qu'à un cable pourry , parce que la douleur & l'apprehension de se voir perdre, ne peut vous arriver qu'une fois , & tout au contraire autant de fois que les hommes changent d'affection & de volonté, ce sont autant de peines & de morts à souffrir à cause de vostre interest que vostre volonté en fait dependre ; qu'il vaut bien mieux ne s'interessier que pour les

gens de bien : Comme ils ne sont pas aujour-
d'huy par douzaines , aussi n'aurez vous
pas tant de peine à les entretenir en vostre
amitié , tout ceux qui ont suiuy l'autre che-
min qui ont tasché de s'aquerir un monde
d'amis , n'y ont iamais reüssi , que par un
grand bonheur de fortune, & par une tres
difficile conduite , c'est pourquoy pour n'auoir
point ceste peine, apres auoir cōposé ses actions
en sorte qu'elles soient raisonnables , il faut
nous desirer la bienueillance d'un chacun,
autant comme ils desirent nous la departir,
& de cette façon nous serons aussi contents
comme eux; eux pour nous aimer librement
& selon leur inclination, & nous pour nous
voir possesseurs de ce que nous auons sou-
haitté.

FABLE XCVIII.

D'un Oyseleur & d'un Pygeon.

VN Oyseleur prist sa rets & s'en alla en la Campagne pour la tendre, & essayer à prendre quelque Oyseau, & regardant en haut, il aduifa vn Pygeon sur la branche d'un arbre, alors l'approchant peu à peu, iette tout doucement sa rets esperant par ce moyen l'attraper, mais comme tout son esprit estoit bandé à regarder ce Pygeon, de peur de le perdre, marchant par mauuaise fortune, il mit son pied sur vne Vipere, qui aussitost le mordit: l'Oyseleur contraint de mourir par la douleur & par le venin de cette morsure, commença à faire ces regrets: O moy miserable, ie croyois pouuoir

donner la mort à autrui & ie me la ſuis
donné moy meſme.

SENS MORAL.

Cette Fable nous apprend que bien ſou-
uent pensant prendre nous ſommes
pris, & qu'il n'y a point d'action que l'on
deſeigne avec quelque enuie de malfaire, qui
ne porte ſa punition avec ſoy, c'eſt pourquoy
il vaut mieux porter ſes intentions au bien
puis que l'on voit que toſt ou tard nous re-
ceuons le ſalaire de nos bons ou mauuais deſ-
ſains, que non pas par mauuiſes intentions
nous procurer le mal & la punition qui ſuit
touſiours une enuie de malfaire & une
mauuiſe volonté.

F A B L E X C I X.

D'un Payſan & de ſon Chien.

VN Payſan pendant le beau temps auoit mangé & deſpencé toutes ſes commoditez , l'Hyuer venu & ne pouuant rien recueillir de ſes terres, qu'il auoit laiſſées pendant l'Eſté en friche, euſt recours à ce qu'il auoit chez luy, il tuë toutes ſes brebis, & les mange les vnes apres les autres , il en fait autant de ſes chèvres , autant de ſes bœufs & vaches qu'il auoit chez luy, iuſques meſmes ceux qui luy ſeruoient au labour de ſes terres. Son Chien voyant la pareſſe & la nonchalance de ſon Maïſtre , & conſiderant que s'il demeueroit d'auantage avec luy, qu'il ne l'eſpargneroit non plus que

les autres, il commença à fuir, laiſſant ſon Maïſtre tout ſeul, diſant en luy meſme, puis qu'il n'a pas eſpargné les bœufs de ſa charuë, il ne me pardonnera pas.

SENS MORAL.

Cette Fable nouſ apprend à cognoiſtre que beaucoup de grands ne nous aiment d'ordinaire que par deſſein, & que la moindre occaſion d'aduerſité qu'il leur aduient ils n'ont point de familiers exceptez & mettent tout au hazard, c'eſt pourquoy il ſemble que ceux qui n'aiment qu'en cette façon, ne meritent pas que l'on les doïue ſeruir autrement, & pour ce ſuiet doit on auoir en auſſi bonne memoire l'iſſuë de leur porte comme l'eſclat de leur grandeur, nous en a fait deſirer l'entrée, de cette façon nous ſerons touſiours ſibres quey qu'ils ſont.

mandent : Ce sera tousiours ce qui nous plaira, & si la necessité nous contraignoit de telle sorte que de nous faire subir entierement leur domination, nous pouuons tousiours dire que c'est le malheur de nostre fortune, & non le deffaut de nostre prudence qui nous assuiettit à telle Loy.

F A B L E C.

D'un Pelerin & de Iupiter.

VN homme estoit sur le point d'entreprendre vn voyage de longue traicte, lequel pour auoir Iupiter favorable luy fit promesse, qu'il luy feroit part de ce qu'il trouueroit en chemin, il trouua vn panier plein de dattes & d'amandes, lesquelles au lieu d'en garder la moitié (côme il auoit promis à Dieu) mangea toutes les dattes, n'en reser-

uant que les noyaux, & des amandes
les escales, lesquelles il presenta sur vn
Autel dedié à Iupiter, luy parlant en
cette sorte, ô Iupiter ie m'aquitte main-
tenant de la promesse que ie t'ay faite,
ie te presente la moitié de ce que j'ay
trouué à sçauoir le dedans des vnes &
le dehors des autres.

S E N S M O R A L.

ON doit se donner de garde, de ceux
qui sont accoustumés à tromper au-
truy, l'habitude qu'ils se sont dès long temps
acquise se tourne en fin en coustume, & s'a-
dressant generalement à toutes sortes de per-
sonnes sans auoir esgard à la qualité d'au-
cun, ce qui se voit claiement par l'impudence
de ce Pelerin, qui pour auoir les Dieux pro-
pices pendant son voyage, fait des promesses
lesquelles si elles eussent esté droitement ac-

294 *Inst. Mor. & Pol. sur diuers. Fab.*
complies, leur eussent esté grandement agréa-
bles, au lieu que pensant tromper les Dieux, il
se trompà luy mesme, & attira à sa confu-
sion l'indignation celeste par un present de
moquerie de noix & d'escales.

F I N.





T A B L E
DES FABLES
CONTENUES EN
CE LIVRE.

F able de l'Amour & de la Folie, fol. 1.	
Vne femme qui a perdu son mary, fol. 16	
D'un Cygne & d'un Oye.	21
D'un homme & d'un Dieu de bois.	28
Du Singe & du Renard.	27
D'un Paysan.	29
Du Corbeau & du Renard.	33
De deux Reines.	38
Du Corbeau.	40
D'un ieune homme amoureux d'une Chate.	44
D'un qui promettoit à Dieu des choses impossibles.	
49	
D'un vieillard qui appelloit la mort.	51
Du Chien & de l'Asne.	54
D'un Singe & de ses deux filz.	57
De l'Oye & de la Grue.	59
D'un petit Cerf.	61

V

T A B L E.

D'un Renard sans queue.	63
Du Pan, & de la Pie.	69
De l'Asne, & du Loup.	70
Des Chevaux qui courent aux jeux de prix.	73
Du Loup devenu vieil.	76
Du Renard & d'un Bouc.	78
Du Lyon & d'un Rat.	82
D'un vieillard & de la mort.	85
D'un Singe & d'une teste de bois.	89
De la Lyonne & de la Renarde.	91
D'un petit enfant & d'un Scorpion.	93
D'un Lyon amoureux de la fille d'un paysan.	94
D'un Coq & de la Pierre precieuse.	95
Du Paysan & du Serpent.	101
De quelque Pescheur.	103
D'un vieillard & d'une ieune fille.	106
De la Corneille & de la Brebis.	108
D'un Auarc.	110
D'une Poule & d'un Renard.	113
Du Renard.	115
Du Renard & d'un Paysan.	116
De l'Asne, du Singe, & de la Taupe.	118
De l'Agneau & du Loup.	120
De l'Anguille & du Serpent.	122
Du Loup & d'une Grue.	129
Du pere de famille & de ses enfans.	127
D'une Femme & d'une Poule.	130

T A B L E.

Du Renard & du Leopard.	133
Du Renard & du Lyon.	135
Du Rozeau & de l'Olive.	137
De deux amis & d'un Ours.	139
D'un Satyre & d'un homme.	144
Des Quadrupedes & des Oyseaux.	147
Du Lyon & du Renard.	150
Du Renard & de la Cygogne.	152
D'un mary & de sa femme morte.	156
Du Loup & d'une vieille.	163
Du Cerf & du Lyon.	165
Du serpent & de la Lime.	167
De l'Asne & du Veau.	168
D'un Hermite & d'un Soldat.	169
De deux Ennemis. <i>De Gant</i>	173
Du Singe & du Renard.	175
Du Renard & de l'Aigle. <i>De Gant</i>	177
Des Pescheurs. <i>De Gant</i>	180
De l'Aigle & du Paon.	183
Du Chien & de l'Asne.	184
D'un Pauvre qui trouva un thresor.	187
De l'Asne & du Porc. <i>De Gant</i>	189
Du Coq & du Renard.	190
D'un homme & d'un Serpent.	193
D'un pauvre homme & d'un Asne.	194
Du Loup & de l'Aigleau.	197
Du Chien & de son ombre.	199

T A B L E.

D'un pauvre homme malade.	201
Du Renard & des Chasseurs.	203
D'un Chien conuié à souper.	207
De deux Chiens.	208
D'un Auare & de ses pommes.	209
D'un Loup deuenu vieil.	213
D'un Lyon deuenu vieil, du Loup & du Ren.	215
D'un Trompette en guerre.	229
De l'Aigle & du Corbeau.	234
D'un Medecin.	235
Du Castor.	237
D'un Pescheur & d'un petit poisson.	240
D'un Asne & un Cheual.	241
D'un Loup & d'un Chien.	244
D'un Paysan & de la Sogite.	247
De la Pie & du Pigeon.	249
De l'Agneau & du Bouc.	251
Du Lyon, de l'Asne & du Renard.	252
D'un grand nauire & d'un petit.	255
De la Tortuë & de l'Aigle.	269
De l'Asne, du Lyon & du Coq.	271
De l'Asne.	273
Du Chien & de la Brebis.	284
Du Coq & du Chat.	287
D'un Oyseleur & d'un Pigeon.	288
D'un Paysan & de son Chien.	290
D'un Pelerin & de Iupiter.	292

F I N.

1991

1. The first part of the document is a list of names and dates, which appears to be a record of some kind. The names are written in a cursive script, and the dates are in a more formal, printed style. The list is organized into two columns, with names on the left and dates on the right.

Tout ce que en de ante n'a p'ue a se
Livre. Livre 2

Donnago. Rengues
Janes. yonnet
L'arrest. L'arrest. L'arrest
L'arrest. L'arrest. L'arrest

Aux p'ouvoirs. L'arrest. L'arrest
Monsieur. 25. L'arrest. L'arrest
L'arrest. L'arrest. L'arrest
L'arrest. L'arrest. L'arrest
L'arrest. L'arrest. L'arrest
L'arrest. L'arrest. L'arrest
L'arrest. L'arrest. L'arrest

CEDRIC CHIVERS. 1991

